

O LE EKALESIA A IESU KERISO O LE AU PAIA O ASO E GATA AI • TESEMA 2012

O Le Liahona

**O Le Malumalu: Suiga o
Loto ma Aiga, it. 24, 28**

**Misiona, Uo, Aiga: O Ni Manatuaga
e Tolu o le Kerisimasi, it. 40, 43, 44**

**E Fa Meaalofa, E Le Manaomia
le Afifiina, i. 54**

O Le Uiga o le Fetu o le Kerisimasi, i. 66



© WALTER RANE, E LE MAFALONA KORINA

Tala Lelei o le Olioli Tele, saunia e Walter Rane

“Sa i le vao o lea nuu leoleo mamoe sa nonofo ai ma leoleo po i lo latou lafu mamoe.

“Faauta foi, ua tu mai ia i latou le agelu a le Alii, . . .

*“Ona fai mai lea o le agelu ia te i latou, Aua tou te matatau: aua faauta, ou te aumai ia te outou le tala lelei,
e olioli tele i le nuu uma.*

“Aua o le aso nei ua fanau ai i le aai a Tavita, lo outou Faaola, o le Alii ia o Keriso” (Luka 2:8–11).

O Le Liahona, Tesema 2012

SAVALI

- 4 Savali a le Au Peresitene Sili:
Toe Mauaina o le Agaga
o le Kerisimasi**
Saunia e Peresitene
Thomas S. Monson
- 7 Savali a Faiaoga Asiasi:
Faiaoga Asiasi, o se Galuega
o le Faaolataga**

I LE FAAVAA

I Luma: Ata o le Malumalu o Mesa Arizona na pueina e Candace Read. I Tua: Ata o le Malumalu o Oakland California na pueina e Billy Lynn Allen ma ata o le Malumalu o Sydney Australia ma moli na pueina e Colin Ligertwood.



TALA FAAALIA

- 10 O Agaifanua o le
Malamalama ma le Molimau**
Saunia e Elder L. Tom Perry
*O le totonugalemu o le talalelei
a Iesu Keriso o tagata taitoa-
tasi, aiga, ma auaiiga, lea o
le galuega a le Ekalesia o le
lagolagoina.*
- 16 Faagalo Mafatiaga**
Saunia e Elder David S. Baxter
*O le a mafai ona tatou faagalo
mafatiaga, ma faatasi ai ma le
fesoasoani a le Alii, e ea a'e ai
mai le pouliuli.*
- 20 O Perofeta i le Taimi
o le Kerisimasi**
Saunia e Laura F. Willes
*O tala o perofeta o aso e gata
ai, e faaalua ai le agaga o le
Kerisimasi.*
- 24 O Suiga Paia**
Saunia e Aaron L. West
*Tasi le mauga na suia.
Tasi le aiga na suia.*

- 32 O Le Saogalemu ma le
Filemu o le Tausia o Poloai**
Epikopo Gary E. Stevenson
*O se fuafaatatau ua vaaia i le
talalelei a Iesu Keriso ua faaalua
mai ai le ala i le fiafia.*

MATAGALUEGA

- 8 O Le Mea Tatou Te Talitonu
I Ai: Na Toefuataiina mai le
Talalelei a Iesu Keriso e ala i
le Perofeta o Iosefa Samita**
- 31 Auaunaga i le Ekalesia:
Lagonaina o Lona Alofa
e ala i le Auauna Atu**
Saunia e Mishelle Wasden
- 36 O Leo o le Au Paia
o Aso e Gata Ai**
- 74 Tala Fou o le Ekalesia**
- 79 Manatu mo Afiafi Faaleaiga**
- 80 Seia Tatou Toe Feiloai:
Aveolela, Va I Fafo, ma
le Fiafia o le Talalelei**
Saunia e Elder Quentin L. Cook



40

40 Sa Latou Saunoa Mai ia i Matou: Kerisimasi i totonu la te Oe

Saunia e Elder Jeffery R. Holland

43 Teuteu o le Kerisimasi, Uo FaaKeriso

Saunia e Mary N. Cook

O le Kerisimasi o le 1984 sa avea o se taimi na toe suia ai lo'u olaga.

44 O Le Solosolo o le Kerisimasi

Saunia e Scott M. Mooy

Aisea na ave ai e lo'u tina se solosolo i lo'u tuafafine?



Vaai pe mafai ona e mauaina le Liahona o loo natia i le lomiga lenei. Taufaaataata: Meateuteu o le Kerisimasi.

54

28 Taulai Atu i se Aiga e Faavavau

Saunia e Mindy Raye Friedman

O le auala na fesoasoani ai le faataitaiga a ni talavou se toalua i o la'ua matua.

46 Fesili ma Tali

"Pe faapefea ona ou tali atu i fesili a a'u uo e uiga i le malumalu pe afai e le tele so'u lava iloa i ai?"

48 Auala e Avatu ai Meaalofa ia Keriso

Saunia e Peresitene

Henry B. Eyring

O meaalofa e tolu e mafai ona tatou foi atu i le Faaola e maua ai e ia le olioli.

49 Pepa Lautele o I Ai se Savali: O Mai Tatou Vivii ia te Ia

50 Mo Le Malosi o le Autalavou: E Faapefea Tafaoga Faamasani?

Saunia e Larry M. Gibson

52 Ona o Aiga

Saunia e Hikari Loftus

Ua talanoa Enaw, Erin, ma Adina e uiga i le mafuaaga e taua ai o latou aiga ia i latou.

54 O Meaalofa E Le Mafai Ona E Afifiia

Saunia e Elyse Alexandria Holmes

O manatu le mafaagaloina nei e fa—e le manaomia ona afifi.

56 O Lea Mataupu ma Lea Mataupu: 1 Korinito 15:20–22

57 Mai le Misiona: Fafagaina O E Fiaaai

Saunia e Dallin C. Wilcox

58 Ola Faatasi o ni Tiakono

E eseese tiakono nei e toalua, ae e i ai se mea se tasi e tutusa ai.



60

59 Molimau Faapitoa: E Mafai Faapefea ona Avea A'u ma Molimau a Iesu Keriso?

Saunia e Elder D. Todd Christofferson

60 O La'u Meaalofa ia Iesu

Saunia e Rachel Lynn Bauer

E mafai faapefea ona ou faaali atu lo'u alofa ia Iesu? Sa ou maua la'u tali i le fale.

62 O La Tatou Itulau

63 Manatu Lelei

64 O Le Malamalama o le Lalolagi

Saunia e Kimberly Reid

Sa mafai faapefea ona foliga fiafia tagata uma o loo tilotilo atu i le vaaiga i le soifua mai pe afai sa le mafai e Iesu ona taofia le tutupu o mea leaga?

66 Aumaia o le Peraimeri i le Fale: O Iesu Keriso o le Alo o le Atua

68 O Le Taliina O Se Tatalo o le Kerisimasi

Saunia e Peggy Schonken

Na leai ni meaai a le aiga o Peggy mo le Kerisimasi.

70 Mo Tamaiti Laiti

81 Faatusa o Tagata o loo i Mau o le Tusi a Mamona

TESEMA 2012 VOL. 36 NU. 12
O LE LIAHONA 10492 890

O Le Lomiga Faamaonia Faa-Samoa a le Ekalesia a Iesu Keriso o le Au Paia o Aso e Gata Ai

Susuga a le Au Peresitene Sili: Thomas S. Monson, Henry B. Eyring, Dieter F. Uchtdorf

O Le Korama a Aposetolo e Toasefululua:

Boyd K. Packer, L. Tom Perry, Russell M. Nelson, Dallin H. Oaks, M. Russell Ballard, Richard G. Scott, Robert D. Hales, Jeffrey R. Holland, David A. Bednar, Quentin L. Cook, D. Todd Christofferson, Neil L. Andersen

Faatonu: Craig A. Cardon

Fautua: Shayne M. Bowen, Bradley D. Foster, Christoffel Golden Jr., Anthony D. Perkins

Pule Faatonusili: David T. Warner

Faatonusili o le Lagolago mo Aiga ma

Tagata o le Ekalesia: Vincent A. Vaughn

Faatonusili o Mekasini a le Ekalesia: Allan R. Loyborg

Pule o Mea Tau Pisinisi: Garff Cannon

Pule Faatonutonu: R. Val Johnson

Pule Faatonutonu Lagolago: LaRene Porter Gaunt

Lagolago o Lomiga: Melissa Zenteno

Au Tusiutusi ma Faatonutonu: Susan Barrett, Ryan

Carr, David Dickson, David A. Edwards, Matthew D.

Flittin, Mindy Raye Friedman, Hikari Loftus, Lia

McClanahan, Michael R. Morris, Richard M. Romney,

Paul VanDenBerghe, Julia Woodbury

Pule Faatonusili Tusiata: J. Scott Knudsen

Faatonusili Tusiata: Tadd R. Peterson

Au Mamanu: Jeanette Andrews, Fay P. Andrus,

C. Kimball Bott, Thomas Child, Kerry Lynn C. Herrin,

Colleen Hinkley, Eric P. Johnsen, Scott M. Mooy,

Brad Teare

Faatonu o le Puletaofia ma Fatufatuga:

Collette Nebeker Aune

Pule i le Gaosiga: Jane Ann Peters

Au Gaosi: Connie Bowthorpe Bridge, Howard G. Brown,

Julie Burdett, Bryan W. Gygi, Kathleen Howard, Denise

Kirby, Ginny J. Nilson, Ty Pilcher, Gayle Tate Rafferty

Tailolomi: Jeff L. Martin

Faatonusili Lolomiga: Craig K. Sedgwick

Faatonusili o le Tufatufaga: Evan Larsen

Mo le okaina o mekasini, alu i le store.Lds.org po o le Faletusi Tutotonu i Pesega. Telefoni 64127. Totogi o le Mekasini: \$0.55 (Samoa) i le kopi. Totogi mo le Tausaga Atoa \$6.60 (Samoa).

Auina atu tusitusiga ma faafesili i luga o le initoneti i le liahona.Lds.org: pe meli mai i le Liahona, Rm. 2420, 50 E. North Temple, Salt Lake City, UT 84150-0024, USA; po o le i-meli: liahona@ldschurch.org.

O Le Liahona (o lona uiga i le Tusi a Mamona o le "tapasa" po o se "faatonuala") e lomia i le faa-Alepania, Aminia (Sasae), Pisilama, Palekeria, Kemupotia, Sepuano, Saina, Kalaotia, Siekisolovakia, Tenimaka, Take, Igilisi, Esitonika, Fiti, Finelani, Farani, Siamani, Eleni, Hanikeri, Initu, Iselani, Initonesia, Italia, Iapani, Kiripati, Korea, Lativia, Litunia, Malakasa, Masela, Monokolia, Nouei, Polani, Potukale, Romania, Rusia, Samoa, Saina (ua faafaigofieina), Silovenia, Sipaniolo, Suetena, Tagaloka, Tahiti, Tai, Toga, Iukureini, ma Urutu, ma Viatename. (E eseese lava gagana.)

© 2012 Puletaofia e le Intellectual Reserve, Inc. Ua taofia aia tatau uma. Lomia i le lunaite Setete o Amerika.

E mafai ona kopi tala ma ata o le Liahona mo le toe faaagaina i lotu po o le aiga ae ia le faia ai ni pisinisi. E le tatau ona kopi ni tala po o ni ata pe afai o faasa mai i le laina o loo ta'ua ai le e ona lea faatufugaga. Auina atu fesili e uiga i le puletaofia i le Intellectual Property Office, 50 East North Temple Street, Salt Lake City, UT 84150, USA; i-meli: cor-intellectualproperty@ldschurch.org.

For Readers in the United States and Canada:

December 2012 Vol. 36 No. 12. O LE LIAHONA (USPS 311) Samoan (ISSN 1045-0947) is published monthly by The Church of Jesus Christ of Latter-day Saints, 50 East North Temple, Salt Lake City, UT 84150, USA subscription price is \$10.00 per year; Canada, \$12.00 plus applicable taxes. Periodicals Postage Paid at Salt Lake City, Utah. Sixty days' notice required for change of address. Include address label from a recent issue; old and new address *must* be included. Send USA and Canadian subscriptions to Salt Lake Distribution Center at address below. Subscription help line: 1-800-537-5971. Credit card orders (Visa, MasterCard, American Express) may be taken by phone. (Canada Poste Information: Publication Agreement #40017431)

POSTMASTER: Send address changes to Salt Lake Distribution Center, Church Magazines, PO Box 26368, Salt Lake City, UT 84126-0368.

Faaopoopoga o loo maua i le Initoneti Liahona.Lds.org



MO TAGATA MATUTUA

A uma ona e fiafia i le "Perofeta i le Taimi o le Kerisimasi" (itulau 20), e mafai ona e asiasi i le **christmas.Lds.org** e maimoa i le "O Le Peleue: O Se Tala o le Alofa Moni" mai le soifuaga o Peresitene Siasia Alapati Samita.

MO LE AUTALAVOU

O Kevin ma Jacqueline (tagai i le itulau e 28) o se tuagane ma se tuafafine mai El Salvador lea sa maua ni faamanuiaga o le auai i faafiafiaga faaaganuu ao lei faia le faapaiaga o le Malumalu o San Salvador El Salvador. Ina ia matamata i se vitio e uiga i lo la life-changing participation, asiasi i le **Lds.org/go/template12**.

I le itulau e 50, o loo tali ai e Brother Gibson o le au peresitene aoao o Alii Talavou nisi o fesili e uiga i tafaoga faamasani. E mafai ona e aoao atili e uiga i tafaoga faamasani mai le *Mo Le Malosi o le Autalavou i le youth.Lds.org*.

I LAU GAGANA

O loo maua le Liahona ma isi tusi a le Ekalesia i le tele o gagana i le **languages.Lds.org**.

AUTU I LENEI LOMIGA

E ta'u mai e numera le itulau muamua o le tusiga.

Agalelei, 4, 36, 38, 44, 48, 60, 68, 70

Aiga, 10, 24, 28, 34, 38, 39, 44, 52, 54, 60

Auauna atu, 4, 34, 36, 48, 54, 59

Faamanuiaga, 16, 32

Faaitaiga, 10

Faatoagaina, 28

Faiaoga asiasi, 7

Faigata, 16

Fiafia, 32

Galuega faafaifeautalai, 40, 57, 80

Iesu Keriso, 38, 49, 56, 59, 64, 66, 73

Kerisimasi, 4, 20, 38, 39, 40, 47, 44, 48, 49, 54, 57, 60, 66, 68

Liua, 24, 32

Lotofaafetai, 16, 54

Lotogatasi, 58

Maliu, 39, 64

Malumalu, 24, 28, 46

Perisitua Arona, 58

Perofeta, 8, 20

Samita, Iosefa, 8, 73, 81

Sefuluai, 24

Tafaoga faamasani, 50

Talafaasolopito o le Ekalesia, 20

Tatalo, 68

Taulaga, 38

Toefuataiga, 8


Toetu, 56, 64

Togiola, 38, 39

Tu ma aga masani, 10

Tusi a Mamona, 8

Usiuitai, 32, 59

Saunia e Peresitene
Thomas S. Monson

TOE MAUAINA o le Agaga o le Kerisimasi

I le tele o tausaga ua mavae a o avea o se toeaina talavou, sa tofia a'u ma isi i se falemai i le Aai o Sate Leki e tuuina atu se faamanuiaga mo tamaiti mama'i. Ina ua matou ulufale atu, sa matou vaaia se laau Kerisimasi ma ona moli mananaia susulu, ma sa vaaia ai foi ni ta'ui ua afifi lelei i lalo o ona lala. Ona matou ui atu lea i alasavali i le mea na i ai tamaiti ma teineiti laiti—o nisi e faasima se lima po o se vae, o isi e mama'i ma atonu e le mafai ona vave malolosi—sa faafeiloaia i matou ma le fiafia.

Sa tauvalaau mai ia te au se tamaitiiti laitiiti, e matua ma'i lava, "O ai lou igoa?"

Sa ou ta'u atu ia te ia lo'u igoa, ma sa ia talosaga mai, "Pe mafai ona e tuuina mai so'u faamanuiaga?"

Sa tuuina atu le faamanuiaga, ma a o matou faliu e o ese mai lona moega, sa ia fai mai, "Faafetai tele lava."

Sa na o ni nai laa sa matou savavali ese mai ai, ae ou faalogo atu o ia valaau mai, "Oi, Uso Monson, ia manuia lava le Kerisimasi." Ona vaaia lea o se ataata tele i ona foliga.

Sa i ai i lenei tamaitiiti le agaga o le Kerisimasi. O le agaga o le Kerisimasi o se mea ou te faamoemoe o le a maua e i tatou uma i o tatou loto, ma o tatou olaga—e le gata i lenei vaitau iloga ae i le gasologa o le tausaga.

A ia i tatou le agaga o le Kerisimasi, tatou te manatuaina o Ia e ona le aso fanau lea tatou te faamanatuina i lenei vaitau o le tausaga: "Aua o le aso nei ua fanau ai i le aai o Tavita lo outou Faaola, o le Alii ia o Keriso" (Luka 2:11).

I o tatou aso, o le agaga o le foai atu o meaalofoa e telē

sana matafaioi i le faamanatuina o le vaitau o le Kerisimasi. Ou te le iloa pe mafai ona aoga ia i tatou le fesili ifo ia i tatou lava, "O a meaalofoa e finagalo le Alii ia te a'u e tuuina atu ia te Ia po o isi i lenei vaitau taua o le tausaga?"

Se'i ou fautuaina atu o le a finagalo lo tatou Tama Faalelagi ia i tatou taitoatasi e tuuina atu ia te Ia ma Lona Alo le meaalofoa o le usiusitai. Ua ou lagonaina foi o le a talosaga mai o ia e ofoina atu i tatou lava ma ia lē manatu faapito pe fefinau ai, e pei ona fautuaina mai e Lona Alo pele i le Tusi a Mamona:

"E moni, e moni ou te fai atu ia te outou, o le e i ai le agaga o le finauga ua le mai ia te au o ia, ae ua mai le tiapolo ia, o lē . . . faaos o e ia loto o tagata ia fefinau ai ma le ita, o le tasi i le isi.

"Faauta, e le o lau mataupu lea, le faaos o loto o tagata i le ita, o le tasi e faasaga i le isi; ae o lau mataupu lenei, ia aveesea mea faapena" (3 Nifae 11:29–30).

I lenei tisipenisione ofoofogia o le atoaga o taimi, o avanoa e foai atu ai i tatou lava e matuai anoano lava, peitai e maaleale foi. O le taimi nei, ua i ai loto e manaomia ona faafiafia, o upu agalelei e ta'u atu, o galuega ia faia, ma agaga e laveai.

Sa tusia e se tasi e i ai se malamalamaaga malosi i le agaga o le Kerisimasi:

O au o le Agaga o le Kerisimasi—

Ou te ulu atu i aiga o e matitiva, ona pupulatele ai lea o mata sesega o tamaiti, ua fiafia ma maofa.



O le lima foi o le matape'ape'a ou te faamafola ma vali ai i lona agaga ia susulu se faailoga.

Ou te faamatua'ia le aumatutua e toe faafou lo latou talavou ma ia taliē e pei o la e laiti.

Ou te faaolaolaina le alofa i le loto faa-tamaitiiti, ma faatumulia le moe i le faamanetaina o miti.

Ou te faamatua'ia vae naunautai e avatu ato tutumu i e manaomia, ma tuua ai loto ua maofa i le agalelei o le lalolagi.

Ou te faamatua'ia le faamaumauoa e toe mafaufau i lona ola soonafai ma avatu sina mea i sē pele o le mau-tonu ia mataga mai ai loimata o le fiafia—loimata e tafiese ai lagona faanoanoa ma le tagi.

Ou te ulu atu i sela pogisa o le falepuipui, ma faamanatu atu le tulaga faatama-tane ua ma'ila'ila ma faasino atu i aso lelei o le a oo mai.

Ou te tolotolo lemu atu i le fale ua sãō, ua sesega i le tiga, ma laugutu ua tau le mafai ona tautala ua na o le tetemu i le lotofaafetai filemu, ua alia'e mai.

E fiaafe auala, ou te faamatua'ia ai le lalolagi ua lailoa ina ia tepa a'e i fofoga o le Atua, ma mo sina minute ia faagalo i mea iti ua pona'ia ai.

O a'u o le Agaga o le Kerisimasi.¹

Ia tatou taitasi ma toe mauaina le agaga o le Kerisimasi—le Agaga o Keriso. ■

FAAMATALAGA

1. E. C. Baird, "Christmas Spirit," in James S. Hewitt, ed., *Illustrations Unlimited* (1988), 81.

AOAO ATU MAI LENEI SAVALI

Ao e faasoa atu le savali a Peresitene Monson, mafaufau e faamamafa le fesili na ia tuuina mai po o a meaalofo e finagalo le Alii tatou te tuuina atu ia te la po o isi i lenei vaitau. Faamalosiau atu i tagata o le aiga e tusia o latou mafaufauga ma manatu (pe fai foi i tamaiti laiti e tusi se ata) pe faapefea "ona toe mauaina le agaga o le Kerisimasi—le Agaga o Keriso."

O Le Po Atoatoa o le Kerisimasi

Saunia e Jerie S. Jacobs

Ao ou tuputupu a’e, o se tasi o vaega aupito sili o tausaga taitasi o le Po o le Kerisimasi. E fai e matou ia pizza, ma matou o i manua, ona faapotopoto lea mo se faigalotu o le Kerisimasi. Matou te usuusuina viiga i ni vaega faalemanuia se fa ma soona leotetele ai a matou pesepesega i a matou mea faimusika eseese. E masani ona faaiu e tamā le afiafi i se mafaufauga o le Kerisimasi e uma ane ua matou fetagisi i le fialia. E leai lava se taimi e sili o le olaga nai lo le Po o le Kerisimasi.

Ina ua fai sina o’u matua, sa amata ona vaavaaia e lo’u tina se tuaoi talavou, o Keli. Sa sau Keli i lo matou fale i aso uma pe a tuua le aoga a o faigaluega lona tina o Patty. Sa femulimulia’i solo Keli ia te au e pei o se tamai taifau—malo-maloā ma fia’ai. O se mapusaga lava pe a sau Patty e ave

lana tama aua e filemu ai lo matou fale ma lo matou aiga.

I se tasi Tesema, sa ou le fialia ina ua valaaulia e lo’u tina ia Patty ma Keli e o mai i le Po o le Kerisimasi. Lo’u Po o le Kerisimasi. Sa soiso tina ma faamautinoa mai ia te au, “O le a le suia ai lava se mea.” Ae sa ou iloa lelei. O le a la ‘aia uma a matou pizza. O le a aamu Keli i a matou pesepesega. Sa ou manatu lava a’u ia o le Po Kerisimasi e sili lea ona leaga.

Na oo mai le afiafi, sa o mai Patty ma Keli, ma sa matou talanoa ma talie ma pepese. Sa sa’o lava lo’u tina. O se po sa lelei atoatoa. I le vaeluaga o le po sa la faafetai mai ia i matou, ma sa o ma le le fia o. Sa ou alu e moe ma se loto ua tumu i le faafetai. Sa ou iloina ai, o meaalofo taua moni lava o le Kerisimasi e le faaititia pe a faasoa. Ae e atili ai ona suamalie ma faateleina pe a foai atu.

TAMAITI

O Meaalofo e Lima o le Kerisimasi

Fai mai Peresitene Monson atonu tatou te manao e mafaufau pe o a meaalofo e finagalo le Alii tatou te foai atu ia te la po o isi.

Li’o ia tamaiti e toailima o loo i ai i le ata o loo auna atu i isi. E faapefea ona avea a latou faatinoga ma meaalofo ia Iesu?



Suesue ma le agaga tatalo i mea nei, ma pe a talafeagai ai, ia talanoaina faatasi ma uso e te asia. Faaoga fesili e fesoasoani ai ia te oe e faamalosia ai ou uso ma avea ai le Aualofa ma se vaega ola o lou lava olaga.

Faiaoga Asiasi, o se Galuega o le Faaolataga

O faiaoga asiasi e maua ai e tamaitai le avanoa e vaavaai ai, faamalosia, ma aoao e le tasi le isi—o se galuega moni lava o le faaolataga. O faiaoga asiasi, e auauna atu ai tamaitai e fai ma sui o le Faaola e fesoasoani e sauniuni tamaitai mo faamanuiaga o le ola e faavavau.

“E tatou ona tatou ‘lapatai atu, faa-malamalama atu, apoapoai atu, ma aoao atu, ma valaaulia [isi] e o mai ia Keriso’ (MF&F 20:59), e pei ona fetalai mai le Alii i ana faaaliga,” o le saunoaga lea a Peresitene Spencer W. Kimball (1895–1985). E le gata i lea, na ia saunoa mai, “O lau molimau o se auala maoae lea e avatu ai le savali.”¹

O i tatou o faiaoga asiasi, a oo ina faateleina lo tatou iloa i upumoni o le talalelei, e faamalolosia ma lagolagoina e a tatou molimau ia tuafafine o loo sauniuni e papatiso ma faamauina. Tatou te fesoasoani i tagata fou o le ekalesia ia taula i le talalelei. E fesoasoani a tatou asiasiga ma le alofa “e toe aumaia ai i latou ua se [ma] faamafanafanaina ai loto o i latou ua maalilili i le talalelei.”² Tatou te faamalosia i latou foi tuafafine e o mai ia Keriso e ala i le o i le malumalu.

“O le a outou laveaiina agaga,” na saunoa ai Peresitene i faiaoga asiasi, “ae o ai na te iloa pe o lena toatele o tagata lelei ua malolosi i le Lotu i le taimi nei, ua ala ona toaaga mai ona sa outou i ai i o latou fale ma avatu ia i latou se malamalamaaga fou, ma se vaaiga fou. Sa outou faailoa atu ia



i latou mea sa latou le iloa. Ua outou faalauteleina la latou vaai. . . .

“Tou te iloa, ua le gata ina outou faaolaina nei tuafafine, ae atonu ua faapena foi a latou tane ma o latou aiga.”³

Mai Tusitusiga Paia

Mataupu Faavae ma Feagaiga 20:59; 84:106; 138:56

O Le a se Mea e Mafai ona Ou Faia?

1. E faapefea e le Aualofa ona saunia a’u mo faamanuiaga o le ola e faavavau?

2. O le a se mea e mafai ona ou faia e faateleina ai le faatuatua o i latou ou te vaavaaia?

Faatuatua, Aiga, Toomaga



Mai lo Tatou Talafaasolopito

Ina ua faatulagaina e le Perofeta o Iosefa Samita le Aualofa, sa saunoa o ia, o tamaitai sa le gata ina latou tausia e matitiva ae ia laveai foi agaga. Na ia aoao mai foi e taua tele matafaioi a tamaitai o le Ekalesia i le fuafuaga a le Tama Faalelagi mo le faaolataga.⁴ I le taialaina ai e mataupu faavae na aoao mai e le Perofeta o Iosefa Samita, e mafai e i tatou o uso o le Aualofa ona galulue faatasi e saunia tamaitai ma o latou aiga mo faamanuiaga silisili a le Atua.

“Ia tatou agaalofa le tasi i le isi,” na saunoa ai Peresitene Polika laga (1801–77), “ma tuu atu [ia i latou o e] malolosi ia tausia faalelei e ua vaivai ina ia malolosi, ma tuu atu ia i latou o e mafai ona vaai e taiala e o tauaso, seia oo ina mafai ona iloa e i latou lava le ala.”⁵

FAAMATALAGA

1. Spencer W. Kimball, i le *O Afafine i Lo'u Malo: O Le Talafaasolopito ma Galuega a le Aualofa* (2011), 116.
2. Eliza R. Snow, i le *O Afafine i Lo'u Malo*, 116.
3. Spencer W. Kimball, i le *O Afafine i Lo'u Malo*, 117.
4. Tagai Iosefa Samita, i le *O Afafine i Lo'u Malo*, 171–72.
5. Polika laga, i le *O Afafine i Lo'u Malo*, 107.

NA TOEFUATAIINA
MAI LE TALALELEI
A IESU KERISO
E ALA I LE

PEROFETA O IOSEFA SAMITA


I na ua mavae le Faasatauroga o le Faaola ma maliliu foi Ana Apose-tolo, sa suia e tagata nisi o aoaoga faavae ma sauniga o le talalelei. E ui ina toatele tagata lelei sa talitonu ia Iesu Keriso ma taumafai ia malama-lama ma aoao atu Lana talalelei, ae sa le i toe i ai le atoaga o le talalelei. O le mea na oo i ai, na eseese tulaga o le liliuese na i ai Kerisiano na soifua. E ui sa tele a latou upumoni sa i ai, ae sa leai se tasi o i latou na i ai le atoaga o aoaoga faavae a Keriso, sauniga, po o le perisitua.

Na silafia e lo tatou Tama Faalelagi o le a tulai mai le leiloa malie atu o upumoni, o lea na ia faasaoia ai le atoaga o le talalelei a Iesu Keriso i se tusi anamua o tusitusiga paia e faatusa i le Tusi Paia. I le popofou o le 1800, sa faasino ai e se ave-feau mai le lagi e igoa ia Moronae ia Iosefa Samita i le mea na natia ai lenei tusitusiga paia mo le tele o seneturi. Na tusia i luga o papatusi auro, ma o lenei faamaumauga sa i ai tusiga a perofeta na faamatala mai ai fegalegaleaiga a le Atua ma nisi o tagata na nonofo i Amerika anamua. Sa faaliliuina e le Perofeta o Iosefa Samita ia tusiga sa i luga o nei papa-tusi, i le meaalofa ma le mana o le Atua. O lenei faamaumauga o le Tusi a Mamona: O Se Tasi Molimau ia Keriso.

O le faagasologa o le faaliliuina o le Tusi a Mamona na maua ai e Iosefa Samita se aoaoina i aoaoga faavae a le Atua—o le Agaga o lona faiaoga, ma o le Tusi a Mamona o lana tusia’oga lea. A i ai se fesili a Iosefa Samita, sa alu atu o ia i le Atua i le tatalo ona faailoa mai lea e le Atua le tali ia te ia. O lea faagasologa na aoaoina ai Iosefa Samita, o se taulealea e le’i aotauina, ia upumoni taua ia na tatau ai mo lona valaauga o le Perofeta o le Toefuataiga. ■

Mo nisi faamatalaga, tagai i le *Mataupu Faavae o le Talalelei* (2009), 87–93, 95–100; *Faamaoni i le Faatuatua* (2004), 124–28, 135–39, 170–74; ma le Gary J. Coleman, “Jesus Christ Is at the Center of the Restoration of the Gospel,” *Ensign*, Nov. 1992, 43.

*E ui ina tatou talitonu o
Iosefa Samita o se perofeta
a le Atua, ae tatou te
tapuai i lo tatou Tama
Faalelagi ma Lona Alo,
o Iesu Keriso.*



MAI LE TALAGAVALE: VIA LE NA FETAI MA IEOVA, SAUNIA E ION MCNAUGHTON; ULIAI FAALIGA VAAIA A IOSEFA SAMITA, SAUNIA E GREG OLSEN; E LE MAFAI ONA KORINA; IOSEFA SAMITA O LOO FAALILIUINA LE TUSI A MAMONA, SAUNIA E DEL PARSON © 1996; PEROFETA A LE AII, SAUNIA E DAVID UNDSLEY; E LE MAFAI ONA KORINA; FAAMATALAGA MAI LE O LE TOEFUATAIGA MAI O LE PERISITUA MEKISATEKO, SAUNIA E IJZ LEMON SWINDLE; E LE MAFAI ONA KORINA; FAATUAGAINA LE EKLESIA A IESU KERISO, 1830, SAUNIA E JOSEPH BRICKLEY; E LE MAFAI ONA KORINA; FAATUAGAINA LE EKLESIA A IESU KERISO, 1830, SAUNIA E DAVID UNDSLEY © 1983

Ua Molimau Mai le Perofeta o Iosefa Samita

1. “Na ou vaai moni lava i se malamalama, ma i totonu o lena malamalama na ou vaaia ai ni Tagata se toalua, ma sa la fetalai moni mai lava ia te au; ma e ui ina sa inosia ma sauaina a'u i lo'u fai atu sa ou vaai i se faaaliga vaaia, ae ua moni lava; . . . Sa ou mautinoa lena mea, ma sa ou mautinoa sa silafia e le Atua lena mea, ma e le mafai ona ou faafitia lena mea, pe ou te fiatoga e fai.”¹



2. “E ala i le mana o le Atua na ou faaliliuina ai le Tusi a Mamona mai tusitusiga o ata anamua, lea e lei malamalama ai le lalolagi, ae na ou tu ai na o au i lenei tulaga matagofie, o au o se talavou e le'i aoga, e faaaogaina se faaaliga fou, ou te faafetaia'ia ai le poto faalelailolagi ma le valea ua faateleina o le seneturi e sefuluvalu.”²



3. “Na ou tauina atu i le usoga e faapea o le Tusi a Mamona o se tusi silisili ona sa'o i tusi uma lava o i le lalolagi, ma o le maa autu o la tatou ekalesia, ma e sili atu ona latalata le tagata i le Atua e ala i le usaita o ona mataupu, nai lo se isi lava tusi.”³



4. “Ou te . . . umiaina ki o le malo faaiu, lea o loo i ai le augatupulaga o le atoaga o mea uma na taua e fofoga o Perofeta paia uma talu le amataga o le lalolagi, e tusa ai ma le mana o faamauga o le Perisitua Mekisateko.”⁴ (Tagai i le MF&F 27:12–13.)



5. “O Le Ekalesia a Iesu Keriso o le Au Paia o Aso e Gata Ai, sa faatuina i luga o faaaliga tuusao, e pei lava ona i ai le Ekalesia moni a le Atua, . . . ma e auala mai i le finagalo ma faamanuiaga a le Atua, ua avea ai au ma mea faigaluega i Ona aao, e oo mai i lenei taimi, ina ia faaalualu i luma le galuega a Siona.”⁵



6. “[O lenei tusi . . . ua tau maia ia i tatou na faatino e le Faaola Lona faailoa atu i lenei konetineti [i Amerika] ina ua mavae Lona toetu; na la totoina ai le Talalelei iinei i lona atoatoa, ma le tamaoaiga, ma le mana, ma faamanuiaga.”⁶

FAAMATALAGA

1. Iosefa Samita—Talafaasolopito 1:25
2. Aoaoga a Peresitene o le Ekalesia: Iosefa Samita (2007), 64.
3. Aoaoga: Iosefa Samita, 68.
4. Aoaoga: Iosefa Samita, 544.
5. Aoaoga: Iosefa Samita, 207.
6. Aoaoga: Iosefa Samita, 64.

*Ia mautinoa ua e amatalia se siosiomaga tamaoaiga e mafai
e lou aiga ona tulimatai atu i ai i taimi faapitoa o le tausaga,
i le taimi e tuufaatasia ai e agaifanua outou o se iunite
faaleaiga tele e faavavau.*





O AGAIFANUA O LE MALAMALAMA MA LE MOLIMAU

O le Ekalesia a Iesu Keriso o le Au Paia o Aso e Gata Ai e moni lava o se Ekalesia ua soo ai le lalolagi. Ae ui o lea, e taua le iloaina e le mafai lava e le Ekalesia ona i ai i le tulaga ua i ai nei e aunoa ma le fanau mai o se malo tele, o le Iunaite Setete o Amerika. Sa saunia e le Alii se laueleele fou e faatosina mai i ai tagata o le lalolagi o ē sa saili ia faasaolotoina ma le saolotoga faaletapuaiga. Sa faamanuiaina lenei laueleele fou i ni taitai malolosi o ē sa lagonaina o lo latou tiutetauave le faatuina o se malo e faatagaina ai tagata taitoatasi e tapuai e tusa ai ma o latou lotofuatiaifo.

Sa talitonu Tagata na Faavaeina le Iunaite Setete, o le faatuatuaga faalelotu o le ute lea o le faavaeina o se malo malos. Peitai, e toatele tagata i le lalolagi, ua galo le taua tupito o talitonuga faalelotu i le faavaeina o aiaiga faavae, puleaga, ma tulafono a le malo. Mo se faataitaiga, e tele tagata Amerika, e le malamalama sa talitonu i latou na faavaeina le malo, o le a taua le matafaioi a tapuaiga i o tatou taimi e faapei foi o o latou taimi. Latou te lei mafaufau o le a avea tapuaiga ma le amiopulea o se mea e tele ni taumafaiga e tauaamalamalama ai—na latou tautinoina faamalosi lena mea o se vaega taua o faigamalo lelei ma le fiafia o le tagata.

Na faamatalaina lenei tulaga e le uluai peresitene o le I.S, o Siaosi Uosigitone, i lana Malelega Faamavae. Na Ia saunoa:

“E ui i uiga ma amio masani uma e tau atu i le manuia faaupufai, o tapuaiga ma le amiopulea o lagolago aupito taua ia. . . . Ia tatou faanana ma le faaeteete i le talitonuga e mafai ona faatumauiina le amiopulea e aunoa ma se tapuaiga. . . . E le faatagaina e le mafuaaga ma le poto masani i tatou e faamoemoe faapea, e mafai ona manumalo le amiopulea faaleatunuu e aunoa ma le mataupu faavae faaletapuaiga.

“E matuai moni lava o le amioatua po o le amiopulea o se faapogai e tata ai mo se malo manaomia.”¹



O fea ou te saili i ai ina ia ou aoao e uiga i le auala e fausia ai se fua-fuaga faaleoleo mo le saogalemu faaleagaga o lo'u aiga? Ou te saili i le fatāmanu—a le Ekalesia lea ou te fauina ai se aiga e faavavau.

O le Iunaite Setete o le nuu folafolaina lea na muai ta'ua i le Tusi a Mamona—o se nofoaga na faatonutonuina ai mai le lagi ni tamalii musuia e amatalia ia tulaga e tatau ai mo le Toefuataiga o le talalelei a Iesu Keriso. O le foafoaina lea o le Iunaite Setete o Amerika, lea na amata ai le faaiuga o le Liliuese Tele, ina ua pouliuli ma valea tagata ina ua leai ni perofeta ma leai se atamai na faaaliga. E le o se mea na faafuaveta le tulai mai o le Uluai Faaaliga vaai i lena taeao matagofie, ina ua mavae nai tausaga talu ona faavaeina le Iunaite Setete.

Na amatalia i le Uluai Faaaliga se lolo o upumoni faaaliga. Sa toefuatai mai le iloa e uiga i le natura o le Aigaatua. Na aumaia e se tusitusiga paia fou ua faaliliuina se moli-mau lona lua ma se tautinoga ia Iesu Keriso. O le toefuataiga mai o le perisitua ua toe faamanuiaina ai le tagata i le mana ma le pule e galue ai e fai ma sui o le Atua i le faafoeina o sauniga ma le toefaatuina o le Ekalesia a Iesu Keriso i le lalolagi. Ua faamanuiaina i tatou i le aveai ai ma tagata o le Ekalesia toefuataiina.

O Se Fuafuaga mo le Saogalemu Faaleagaga

O se tasi o faamanuiaga o le Ekalesia toefuataiina o perofeta soifua. Sa i ai ia Peresitene Harold B. Lee (1899–1973) se malamalamaaga matagofie ma le manino i mea e faamuamua. Sa ia aoao mai, “O le tele lava o mea tatou te faia o se faalapopotoga [i le Ekalesia] . . . o le fauina lea o fausaga e lagolago ai, a o tatou saili e fauina tagata taitoatasi, ma e le tatau foi ona tatou sese i le fauina o fausaga e lagolago ai le agaga.”²

E lei faaitiitia e Peresitene Lee le matafaioi a le Ekalesia i le faaolataga o tane, fafine, ma aiga. Ae, sa ia aoao mai ma le mamana o le totonugalemu o le talalelei a Iesu Keriso o tagata taitoatasi, aiga, ma auai, lea o le galuega a le Ekalesia o le lagolagoina.³ O le mea lea, o loo fausia e le Ekalesia fausaga tatou te galueaiina ai aiga e faavavau.

Ou te sau mai se lala o le gafa o le au Wing. O loo i ai pea i tagata o le aiga o le au Wing le fale aupito tuai na fausia i Niu Egelani, lea na i ai i le aiga lava lea. E ta'u o le Old Fort House. O le fale o Stephen Wing ma lona aiga, ina ua latou taunuu i Amerika pe tusa o le 1635.

O le ogatotonu o le fale sa fausiaina mo le puipui. O ona puipui e lua futu (0.6m) le mafafafu, e fausia mai ogalaau o le garava e tu'imaui i le elelee e fai ai le fausaga masani o se 'olo o Niu Egelani. E lua puipui e tu eseese. O le va sa faatumu i maa oneone e puipui ai mai au ma uafana. O le 'olo o le totonugalemu lea o le fale. A o faatupulaia le aiga o le au Wing, sa faaopoopo atu i itu o le uluai fale. Peitai, na tumau ai lava le 'olo mo lo latou puipui, o lo latou maluapapa e saogalemu ai.

Atonu e tatau ia i tatou taitoatasi ona mafaufau e fausia ni fausaga mo lo tatou saogalemu faaleagaga, ia e saoloto mai uuniga a le lalolagi—ni nofoaga e mafai ona tatou puipui ai ma aoao tagata o le aiga i le ala e faafetaia'ia ai luitau o se lalolagi o loo

faamata'uina ai pea tulaga faatauaina o le talalelei. E sili ia te au le mautinoa, ina ia ou faamoemoe ai pea mo suiga lelei i le lalolagi. Ae o a'u foi o se tagata e faamautu, o lea la ou te faia ai se fuafuaga faaleoleo ne'i le oo mai ni suiga lelei. O la'u fuafuaga faaleoleo mo le saogalemu faaleagaga e tatou ona faamatala ai anotusi uma—lelei ma leaga—na tufa mai i ala eseese o faasalalauga. O fea ou te sueina ai le ala e fausia ai se fuafuaga faaleoleo mo le saogalemu faaleagaga o lo'u aiga? Ou te su'ea i le Ekalesia—o le fatāmanu po o le fausaga lea ou te fausia ai se aiga e faavavau.

E lua mafuaaga autu ou te talisapaia ai le upu valiata a Peresitene Lee mo le Ekalesia o se fatāmanu po o se fausaga mo o tatou aiga e faavavau. Muamua, ua fesoasoani ou te malamalama ai i le tulaga o le Ekalesia. Lona lua, ma e tutusa foi le taua, ua fesoasoani ou te malamalama ai i le tulaga e le o sō le Ekalesia.

O le Ekalesia i le avea ai o se fatāmanu atonu e sili ona faamatalaina i se faaupuga a le Perofeta o Iosefa Samita na faia e uiga i lana matafaioi o le taitai o le Ekalesia. Na ia saunoa, “Ou te aoao atu ia i latou ia mataupu faavae sa'o, ona latou pulea ai lava lea o i latou.”⁴ O mataupu faavae o le faavavau, o fatāmanu ua saunia e le Ekalesia. O nei mataupu faavae o le faavavau, o loo maua i aoaoga faavae o le malo o le Atua ma o loo atagia mai i Lana fuafuaga e faavavau o le fiafia. Tatou te potopoto o ni tagata o le Ekalesia e aoao atu ma aoao mai i le tasi ma le isi ia mataupu faavae o le amiotonu, ma ia mauaina sauniga faaola ina ia mautu ma mausali le fatāmanu a o tatou fausiaina o tatou aiga e faavavau.

Matau o le Ekalesia e le faapea na te faia le galuega a matua; ae, na te taialaina le galuega a matua. E ofo mai e le Ekalesia se mamanu o le faavavau. I le avea ai ma tufuga o aiga e faavavau, ua faamautu mai ia i tatou

le folafolaga, afai tatou te fausia e tusa ai ma lenei mamanu o le faavavau, e mafai e a tatou taumafaiga ona saunia le saogalemu ma le puipuiga o loo tatou sailia mo i latou e sili ona tatou alolofa i ai.

O la tatou lu'i o le faaaoga lea o le Ekalesia e fai ma fatāmanu e fausia ai se aiga e malosi faaleagaga pe malosi atu foi nai lo le malosi faaletino o le Old Fort House. E faapefea ona tatou faia lenei mea?

O Le Taua o Agaifanua

Ou te talitonu o agaifanua faaleaiga, e pei o ogalaau o le garava ua tu'imau i le eleele e fau ai le Old Fort House. Ua avea ai agaifanua faamamaluina a le aiga—agaifanua mo tafaoga, o agaifanua mo asofanau, agaifanua mo Aso Sa, agaifanua i taimi o 'aiga i le afiafi—ma le atina'ega o mea fou e avea o se faamuamua i o outou olaga atoa. Faamamalu i ai, tusi i lalo, ma ia mautinoa ua mulimuli ai. Ua faaalua i suesuega, o le mafuaaga e ō ai tupulaga talavou i kegi, e mo se agaifanua ma faiga e avea ai o se vaega o se mea e tele atu nai lo ia lava. O le mea lena e tatau ona i ai le aiga. Ia mautinoa o loo e fauina se siosiomaga 'oa e mafai e lou aiga ona sagisagi i ai i taimi faapitoa o le tausaga e tuufaatasia ai outou e agaifanua o se iunite faaleaiga tele e faavavau.

Ia malamalama e le o se faaiuga laitiiti pe faigofie lenei. E pei lava o Roma e lei fausia i se aso se tasi, e faapena foi i agaifanua faaleaiga. O agaifanua faaleaiga e mafai ona aumaia ai le lagolago faavae tumau, ae e anoanoai e tatau ona fausia faataamilo ai. Atonu e pau le taimi e aoga ai agaifanua faaleaiga, pe a latou faia se matafaioi mo tagata taitasi o le aiga ma pe a i ai se taumafaiga tuufaatasi e fausia ai. O lona uiga e manaomia e tagata o le aiga ona faaalua faatasi so latou taimi ma aoao ai pe faapefea ona galulue faatasi. A oo mai i aiga, e leai se mea e ta'u o se taimi 'anoa e faaalua faatasi e aunoa ma se taimi tele e alu ai.



E pau le taimi e aoga ai agaifanua faaleaiga, pe a latou faia se matafaioi mo tagata taitasi o le aiga ma pe a i ai se taumafaiga tuufaatasi e fausia ai. O lona uiga e manaomia e tagata o le aiga ona faaalua faatasi so latou taimi ma aoao ai pe faapefea ona galulue faatasi.

E tatau ona tatou lotototoa i a tatou tautinoga ma molimau i le paia o Iesu Keriso. Tatou te mananao i isi ia iloa tatou te talitonu o Ia o le ata tutotonu i le talafaasolopito o tagata uma.

A e mafaufau i le galuega e te faigaluega ai, mo se faataitaiga, mafaufau i le tele o le taimi o le a manaomia ai oe i aso taitasi. Pe o se galuega o le a e faigaluega ai mo le 14 itula i le aso ma lē mafai ai e oe ona e taunuu i le fale vagana ai ua momoe lau fanau? Ou te le o fai atu e aua nei mafaufau i ai i na avanoa faigaluega, ae a e filifilia, e tatau ona e sailia ni auala fatufatua'i e fesootai ai i lou aiga. O le fatāmanu a le Ekalesia o le a fesoasoani e faamanatu atu ai ia te oe au faamuamua e faavavau.

Mo la'u matata faalegaluega, sa ou filifili ai se pisinisi faleoloa. Na tatala o matou faleoloa i aso e ono o le vaiaso mai le 10:00 i le taeao seia aulia le 10:00 i le po. O o'u itula faigaluega masani o le 10 itula, o nisi taimi e 12 i le 15. Sa tatau ona ou matua faaeteete ina ia i ai so'u taimi mo la'u fanau, ma ou te talitonu o

le vaaia pea lava pea o le Ekalesia o se fata-manu, sa faamanatu mai ai a'u faamuamua e faavavau.


Mo se faataitaiga, sa ou faaaofiaina la'u fanau uma i galuega faavaaitaimi i o matou faleoloa. O lo'u afafine matua sa masani ona sau ma faamaopoopo fuainumera o tupe e maua mai faatauga ina ia mautu a'u lipoti i taimi uma ma ou mafai ai ona fai faatusatusaga ma lea tausaga ma lea tausaga. Ou te faafaigaluegaina lo'u atalii i le vaaiga o tusi mo tupe totogi i le taumafanafana. Sa ou aoaoina lo'u afafine laititi i le faaaogaina o le masini e teu ai tupe ina ia mafai ona avefaa ma kesia faavaitaimi. O iina na matou maua ai le avanoa e fevaaia'i ai i le aso, aai faatasi i aoauli i le tele o aso i le vaiaso, ma faaalu faatasi ai taimi taua ma tagata taitoatasi. O le taimi sili lava e faatasi ai o le taimi e malaga faatasi mai ai i le galuega ma toe foi.

Fatamanu mo o Tatou Olaga Faalegaluega

Ou te talitonu foi e mafai e le Ekalesia ona saunia ni fatamanu mo o tatou olaga faalegaluega. I le avefaa ai o ni tagata o Le Ekalesia a Iesu Keriso o le Au Paia o Aso e Gata Ai, ua avefaa i tatou ma sui o le Faaola ma Lana Ekalesia. Mo i tatou, o le lelei e faapei o se tasi mai se isi ekalesia, ua le lava lena. Na aoao mai e Peresitene Siaosi Alapati Samita (1870–1951) le lesona lena ina ua ia saunoa:

“I le tausaga na te'a nei, sa ou maua ai le avanoa e feiloai ai ma talanoa e uiga i le talalelei ma ni alii e nonofo ai i lea nuu [Aai o Sate Lekil], e le ni tagata o la tatou Ekalesia. O le tasi alii ua luasefulu tausaga sa nofo ai iina, o se tagata e tamalii, o se tagatanuu lelei, o se faipisinisi lelei tele, o se tasi e agalelei i o tatou tagata. Na ia fai mai e faapea, ua ia . . . faia se faaiuga faapea, e tutusa lava lo tatou lelei ma o tatou tuaoi o ni tagata o isi ekalesia; na te le iloina lava so tatou eseeseaga.

Ou te fia fai atu ia te outou, uso e ma tuafafine, e le o se tala manaia lea ia te au. Afai e



le faia e le talalelei a Iesu Keriso ia a'u, ia avea ma se tagata ua sili atu, o lona uiga e le'i atiina ae a'u e pei ona tatau ai, ma afai e mafai ona ola ai faatasi i tatou ma o tatou tuaoi e le auai i lenei Ekalesia, mai lea tausaga i lea tausaga ma latou lē vaaia se faamaoniga o faamanuiaga e maua mai i le tausiga o poloaiga a le Atua i o tatou olaga, ona i ai lea o le tulaga manaomia e toe fatufatua'i ai Isaraelu."⁵

O se tagata o le Ekalesia ua agavaa mo se pepa faataga o le malumalu, e tatau ona tulaga ese lava i taimi uma i soo se li'o faalegaluega o i ai. Ia lototoa ia ese. Aua lava nei popole i le faatiga o isi e ala i lou ola ai i tulaga faatonuina o le Ekalesia. Ou te folafola atu o le ola ai i tulaga faatonuina o le pepa faataga o le malumalu, o le a faamanuia ai ma o le a le faatiga ai lava ia te oe i soo se tulaga e te ono oo i ai.

Atagia Mai o le Malamalama o le Faaola

A ou faitau ma matamata i talavou i aso taitasi, ou te ofo lava i faigata tatou te faatupuina mo i tatou lava. A o suia taimi ma tulaga ma atili ona lavelave, e foliga mai ua faasolo lava ina toaitiiti tagata ua mafai ona tauaveina ia tiutetauave o le taitaia o suiga lelei. Ou te tuuina atu se lu'i ia te outou o e o taitai ma taitai mo a taeao, ia iloa ua vave tele suiga o le lalolagi. Ua i ai se tulaga manaomia faanatinati mo taitai agavaa ma lava le totoa e faafetaia'ia luitau ogaoga ua tatou feagai i le taimi nei.

O le faavae lelei o se agaifanua malosi FaaIutaia-Kerisiano, ua foliga mai ua faaitiitia i le Iunaita Setete ma isi atunuu. O lenei agaifanua sa faavae i luga o le amiotonu, agaalofo, ma le faaalalo mo le mamalu faaletagata. Sa lei faavae i luga o tulafono ma taupulega ae o luga o le Malamalama o Keriso o i tagatanuu lelei uma ma tauagafau.

O le aofaiga o tagata ua taliaina nei talitonuga ua tolaiti, ae o loo tumau pea ona tatou mulimuli i le mea ua tatou iloa e moni. Ua tatou osifeagaiga ma le Faaola e avea ma

Ona sui. O le avea ma sui o Iesu Keriso ma atagia mai ai le Malamalama o Keriso i o tatou olaga, e mafai ai ona tatou fesoasoani i le tele o o tatou uso ma tuafafine ia manatua a latou talatuu ma agaifanua Faa Iutaia-Kerisiano.

E tatau ona tatou lotototoa i a tatou tau-tinoga ma molimau i le paia o Iesu Keriso. Tatou te mananao i isi ia iloa tatou te talitonu o Ia o le ata tutotonu i le talafaasolopito o tagata uma. O Lona soifua ma aoaoga o le fatu lea o le Tusi Paia ma isi tusi ua tatou manatu i ai o tusitusiga paia. Ua faamatala mai e le Feagaiga Tuai mea na tutupu i luma mai o Lana galuega i le tino. O loo aumaia e le Tusi a Mamona ia i tatou se molimau lona lua o Lana galuega i le tino. Na afio mai o Ia i le lalolagi e folafola mai Lana talalelei o se faavae mo tagata uma ina ia mafai ai e fanau uma a le Atua ona aoa e uiga ia te Ia ma Ana aoaoga. Ona Ia ofoina mai lea o Lona soifua ina ia avea ma o tatou Faaola ma Togiola. Ua na o Iesu Keriso lava e mafai ai ona maua le faaolataga. O le mafuaaga lea tatou te talitonu ai o Ia o le ata tutotonu i le talafaasolopito uma o tagata. O loo i ai pea i Ona aao lo tatou taunuuga e faavavau. O se mea viia le talitonu ia te Ia ma taliaina o Ia o lo tatou Faaola, lo tatou Alii, ma lo tatou Matai.

Manatua na pau lava le mea sa faia e le Ekalesia, o loo faia, ma mafai ona faia e mo oe ma lou aiga. Ia manatua foi, e le faapea ua na o se tasi foi o ekalesia; o le Ekalesia toefuataina a Iesu Keriso. ■

Mai se lauga i le sauniga lotu na tuuina atu i le aso 24 o Ianuari, 2012, i le Iunivesite o Polika Iaga-Idaho. Mo le lauga atoa i le gagana Peretania, asiati ane i le web.byui.edu/devotionalsandspeeches.

FAAMATALAGA

1. *Washington's Farewell Address*, ed. Thomas Arkle Clark (1908), 14.
2. *Aoaoga a Peresitene o le Ekalesia: Harold B. Lee* [2000], 43.
3. Tagai i *Aoaoga: Harold B. Lee*, 148–49.
4. *Aoaoga a Peresitene o le Ekalesia: Iosefa Samita* (2007), 301.
5. *Aoaoga a Peresitene o le Ekalesia: Siaosi Alapati Samita* (2011), 7–8



Manatua na pau lava le mea sa faia e le Ekalesia, o loo faia, ma mafai ona faia e mo oe ma lou aiga. Ia manatua foi, e le faapea ua na o se tasi foi o ekalesia; o le Ekalesia toefuataina a Iesu Keriso.



**Saunia e Elder
David S. Baxter**
O Le Fitugafulu

FAAGALO MAFATIAGA

*O le a oo
mai se taimi
tatou te le toe
mafatia ai, ma
faatasi ai ma
le fesoasoani
a le Alii, e ea
a'e ai mai le
pouliuli i se
malamalama
tele naua.*

O se tasi o viiga maoae o le Toefuataiga, na tusia e Parley P. Pratt, o loo talanoa ai i le tatalaina o pupuni o le pogisa o le liliuese i le malamalama matagofie o le upumoni ua toefuatai mai:

*Ua tafa ata, mavae le po;
Le fu'a Siona ua tu mai! . . .
Ua o'o mai se aso fou
Le lalolagi mamalu ai.*

*Ua mavae ao o mea sese
I le sulu o mea moni paia; . . .
Le mamalu ua sau mai luga
Ua lata oo mai i tagata.¹*

E maeu lava, na faaaoga foi e le Aposetolo o Paulo le talafaatusa o le malamalama e faamatala ai le auala e mafai ai ona ia molimau faapea “ua puapuagatia i matou i mea uma, ae le faatuatuvaleina; ua fememeai, ae le matua fememeai; ua sauaina, ae le tuulafoaiina; ua

lafotuina i lalo, a e le fano” (2 Korinito 4:8–9).

Na ia faamatalaina faapea na sao mai o ia mai le siui o le pogisa faaleagaga: “Aua o le Atua o le na fai atu ia pupula mai le malamalama mai le pouliuli, ua faapupula mai e ia io matou loto, ina ia malamalama e iloa ai le mamalu o le Atua i fofoga o Iesu Keriso” (2 Korinito 4:6).

O le toatele o i tatou e i ai se tiami i o tatou olaga e lagona ai le maatiati o le matagi o mafatiaga. E fotuai mai afa, e agi mai matagi, e toulu timuga, e tulai mai lologa. E ono foliga mai e le uma mafatiaga, tatou te feagai pea ma se lumanai o le le mautonu ma le le mautinoa, tofotofoga ma faigata.

E faapea foi i le feagai ai ma le papatetele o faititili i nisi o taimi, e mafai ona tatou oo i afa fulifao ma taaviliga o mea faalafua, ia e mafai ona faataumaoia ai lo tatou mautinoa ma luluina ai o tatou lagona o le taua o le tagata lava ia. O mea e pe le ia i tatou e mafai ona



faafuasei ona lē tumau, ua se'e atu i o tatou tamatamailima. E mafai e suiga tetele o le olaga ona faalavelaveina o tatou olaga sololelei, ma faasalaveia gasologa masani o le olaga.

Atonu o se faamutaina faafuasei mai se galuega ua oo ai ina umi se taimi e le o toe faigaluega, o le leai o se saolotoga i mea tautupe ua leai ai se filifiliga e fai, po o se pagatia i mokesi ua tuua ai i tatou i faanoanoaga tautupe. Atonu o se litaea na naunau i ai ina ua mavae se taimi umi sa faigaluega lelei ma pisi ai, a ua aumaia ai se lagona ua toilalo. Atonu o se gasegase faafuasei po o se tulaga matautia ua i ai ni manaoga faapitoa ua tulai mai ai ni o tatou lagona ua "nofofale," ua le toe aoga, ua leai se faamoemoe, ma ua le mautinoa. O na tulaga, e mafai ai ona oo gofie mai le atuatuvalet, ma faigata ai ona tausisia le faatuatua.

Ua ou iloina nei mea uma mo a'u lava ia. A o tau saili malosi mai se taotoga e aveesea ai ni patu lapopoa mai le faiai, sa ou oo ai i ni vaitau o le le fiafia ma le faanoanoa mai aafiaga uma faalelagona ma faalemafau. Sa ou iloa ai le lava le malosi e faatoilalo ai e pei ona sa ou manatu

ai. Sa le'i fesoasoani vailaau, ma o le toe foi mai o le ma'i na faapoopo mai ai le faanoanoa ma le ātu. Sa amata ona ou faanoanoa mo a'u lava ia.

Faaiuga E Fiafia

Ona amata lea ona tutupu ni mea matagofie. Na ofo mai e ni uo lelei ma taitai faatuatua o le Ekalesia la latou lagolago ma le malamalama, ma sa amata ona ou faalogo atu i a latou fautuaga ma talia la latou faamalosiuga. I le tuneva o se tasi po, a ou faamatala atu o'u lagona lē fiafia i lo'u atalii laitiiti, sa ia fai mai, "Papa, sa ou manatu i taimi uma o le fiafia o se faaiuga." E sa'o o ia.

Sa ou faateleina ona ou faailoa atu le lotofaafetai mo faamanuiaga uma o loo ou sapi ai pea. Sa ou iloina foi mo a'u lava ia, "o nei ituaiga [o tofotofoga] ua na o le tatalo ma le anapogi e o ese ai" (Mataio 17:21).

Sa ou lagonaina le malosi, le mana faafou, ma le alofa o le Faaola. Faatasi ai ma Paulo, sa oo ina ou olioli i le iloa ai e le mafai lava e puapuaga, atuatuvalet, po o le pelu ona faateaeeseina a'u mai le alofa o Keriso (tagai i le Roma 8:35).

E oo foi pe a i ai taimi e foliga mai ai ua itiiti lo tatou faatuatua e pei o se fatu o le sinapi, a tatou agai i luma, o le a tatou agai atu faatasi ma le Alii. Afai tatou te sailia le fesoasoani mai le lagi, o le a tatou mauaina lava—atonu e oo mai i ni ala e lei mafaufauina.

O le mea e lelei ai, o le mea moni e i ai le faamoemoe ma le mautinoa tusa lava po o le a, e mafai lava ona tatou maua le malosi ma le faamalosiauga. E mafai ona tuumāmāina a tatou avega, tusa lava pe le mou ese atu faafuasei. E mafai ona tatou ea a’e i luga o le isi itu o le vaifagaloa aupito pogisa, o ni alii ma ni tamaitai ua sili atu ma ua sili atu le naunau e fai le mea tonu.

Pe a faamaonia ai i le afi faamama o puapuaga, o le a tatou atiina ae ai se uiga e mafai ai ona feagai ma tatalia mea e faate’ia ai le olaga i le lumanai. O le taunuuga, e mafai ona tatou faaogaina o tatou aafiaga e fesoasoani ai ma alofa i isi. O a tatou lava faataitaiga o le faapalepale patino, e mafai ai ona avatu i isi le faamoemoe ma musuia ai o tatou aiga. Tatou te atili fetaui lelei ai mo le lumanai.

E ui atonu e faifaimalie ona tuua i tatou e mafatiaga, *ae e mafai ona tatou filifili* e tuua i soo se taimi. O le folafolaga a le Alii ia i tatou, e faapei foi o le folafolaga ia Alema ma lona nuu i le lotolotoi o sauaga matautia:

“Ina ea ia o outou ulu ma ia faamafanafanaina outou; ona ua Ou iloa le feagaiga na outou faia mai ia te a’u; ma o le a Ou osifeagaiga ma o’u tagata ma laveai i latou mai le pologa.

“Ma o le a Ou faamamaina foi avega ua tuu i o outou tau’au, e oo ia te outou tou te le lagonaina i latou i luga o o outou tua” (Mosaea 24:13–14).

Ma le isi, ua faamautinoa mai e le Alii, “Ou te le tuua outou o matuaoti: Ou te sau ia te outou” (Ioane 14:18).

Saili i le Fesoasoani Faalelagi

Atonu e le tumatilatila mai le fesoasoani faalelagi. Atonu o le a tatou le vaaia vave pe iloina e i ai ni nai avega semanu e oo mai ia i tatou a ua aveesea, ma tata’iese mai lo tatou faitotoa.

Ua faamautinoa mai e le Alii: “Ae faauta, e moni, e moni, Ou te fai atu ia te outou ua i o outou luga o’u mata. Ua Ou i ai i totonu ia te outou ae ua le mafai ona outou vaai mai ia te a’u” (MF&F 38:7).

Ioe, atonu e manaomia ona tatou matua onosai lava i isi ma i tatou lava; e masani ona tele se taimi e alu ona faatoa sologa lelei lea o mea uma. E oo foi pe a i ai taimi e foliga mai ai ua itiiti lo tatou faatuatua e pei o se fatu o le sinapi, a tatou agai i luma, o le a tatou agai atu faatasi ma le Alii. Afai tatou te sailia le fesoasoani mai le lagi, o le a tatou mauaina lava—atonu e oo mai i ni ala e lei mafaufauina.

E mafai ona tatou maua le naunautaiga e faafetai atu ai mo mea ua tatou maua, nai lo le faavauvau i mea ua leiloloa. O se mea mālīe, e tele taimi tatou te faalogo ai i lena lava faamatalaga o ta’ua e i latou ua leiloloa uma a latou meatotino faalelailolagi i se mala faalenatura, e pei o se afisosolo, lologa, po o se afa. Toetoe lava o mea uma e tutupu mai, latou te faapea mai, “O le mea sili o lea lava e i ai a matou mea e sili ona taua.”

E faamalosiua le molimau a Paulo:

“Ua aoaoina a’u ia toafilemu lo’u loto i mea ua ia te au.

“Ua ou iloa le mativa, ua ou iloa foi le mauoa, o i mea uma lava ou te i ai, ma mea uma e oo ia te au ua aoaoina ai au ia ou maona, ma ou fiaai, ia faulai mai mea ma ia oge mea.

“Ou te mafaia mea uma lava i le faamalosi mai o Keriso ia te a’u” (Filipi 4:11–13).

E pei ona tusia, “O mea uma lava e le o sa’o e uiga i le olaga e mafai ona faasa’o e ala i le Togiola a Iesu Keriso.”²

Po o a lava o tatou tulaga, o le a oo mai se taimi tatou te le toe mafatia ai, ma faatasi ai ma le fesoasoani a le Alii, e ea a’e ai mai le pouliuli i se malamalama tele naua. ■

FAAMATALAGA

1. “Ua Tafa Ata,” *Viiga*, nu. 1.
2. *Tala’i La’u Talalelei: O Se Taitala mo le Galuega Faafaifeautalai* (2004), 123.

E Le Tuua Lava Toatasi

Saunia e Andrea Dayne Quilla-Soleta

O tausaga e tolu ua mavae atu, sa ou maua ai le avanoa e tofotofoina ai. Sa ou iloa ai po o le a lava le mea o e tauivi ai, a i ai le Atua e te le tau faia lava na o oe.

Ina ua faatoa uma lo'u asofanau o lo'u 16 tausaga, sa ou iloa ai ua ou maua i se faama'i leaga o le pa'u. Sa faigata i taeao uma ona ou tiloilo atu i le faaata ma vaai ai i le pata faasoloatoa o lo'u tino. Sa ou lu'iina a'u lava ia avea o se avanoa e tofotofoina ai au. Nai lo lo'u faanoanoa mo a'u lava ia, sa ou taumafai e fai le mea sa aoaoina ai au e o'u taitai o Tamaitai Talavou: e faitau o'u faamanuiaga i aso taitasi e ui lava i o'u mafatiaga. E ui lava e le o mama atoatoa lo'u pa'u i le taimi nei, ae ou te faafetai i lo'u aiga ma uo ma a'u taleni faamusika. Ou te faafetai ua i ai o'u vae e lua, o lima e lua, o mata e vaai ai, ma taliga e faalogo ai. Ou te iloa o le aulelei moni lava e i totonu o le tagata lava ia, ae le o fafo.

Ae ua faasolo ina aafia ai ma o'u lagona i le ma'i o le pa'u. Ua ou le toe faauo atu e pei ona ou masani ai ua ou le toe matafiafia foi. Sa talitonu foi le tele o fomai sa vaaia au, o le a "lelei atoatoa" a o lei oo i le Kerisimasi. Ae e leai. Sa ou tatalo i aso uma mo le malosi e faatoilalo ai lo'u

matamuli ona o le faama'i o le pa'u sa ou maua ai.

Sa fai mai pea lava tagata e aua ou te mafaufau i le tulaga faigata ua ou i ai, ae fai lava a'u e pei ona masani ai ma faafoliga e leai se mea o faaletonu i lo'u pa'u. Ae sa lei faigofie ona faia lena mea. E faamatala mai pea lava pea ma le agamalu e lo'u tina ia tala faatusi paia, ma le faamoemoe e faamafanafana ma faamalosiauina ai au.

Fai mai le Mataupu Faavae ma Feagaiga 24:8, "Onosai i puapuaga, ona o le a tele o le a oo mai ia te oe; ae ia e onosaia i latou, aua, faauta, ua Ou faatasi ma oe, e oo lava i le iuga o ou aso." Ua aumaia e lenei mau ni upu ou te ola ai. Ua ou tusia i luga o a'u faailogatusi, o a'u api, ma

totonu o lo'u potu. Ua avea nei ma se tasi o a'u mau ou te fiafia i ai e faamalosiauina ai au e faia le mea sili tusa lava po o a o'u tofotofoga.

O le onosaia o lenei tofotofoga sa faigata, ae o lea ua sili atu ona ou saunia mo tofotofoga i le lumanai. Ua saunia au e le Tama Faalelagi ina ia mafai ona ou taulimaina soo se luitau e oo mai. Ua ou iloa nei po o le a lava le mea o le a oo mai, o le a ou le faia lava na o a'u. ■



O Perofeta i le Taimi o le Kerisimasi



Osoifuaga o o tatou perofeta e 16 o aso e gata ai, e faaalua ai le agaga o le Kerisimasi, ma faamanatu mai ai ia i tatou lena mea e le mafaatusalia na tupu i le falemanu i Peteleema i le silia ma le 20 seneturi talu ai: o le soifua mai o lo tatou Faaola, o Iesu Keriso. E le mafai lava ona tatou sese pe a mulimuli i a latou faataitaiga— aemaise lava i le Kerisimasi.

Meaalofa o le Alofa

O le foai atu o meaalofa o le alofa ma le auunaga ia i latou e le tagolima, o se uiga tulagaese lea o aafiaga a perofeta i le Kerisimasi. I le 1931, i le taimi o le Pau Tele o le Tamaoaiga, sa avea Peresitene Harold B. Lee ma peresitene o se siteki tele i le Aai o Sate Leki, Iuta. Sa naunau Peresitene Lee ia iloa manaoga o tagata o lana siteki ma faia mea uma na te mafaia e faamama avega ai i o latou manaoga. O se sailiiliga sa faia na ia iloa ai e silia ma le afa o lana siteki e toetiiti atoa le 5,000 tagata, sa faalagolago i isi mo se fesoasoani, e aafia ai le toetiiti atoa le 1,000

o tamaiti e i lalo ifo o le ta'i 10 tausaga le matutua. Sa ia auina atu tagata o le au paia e ao mai meataalo ma faatulaga ia vaega e lipea, vali, ma fufulu mama meataalo tuai pe faia foi ni meataalo fou ina ia leai se tamaititi e leai se meaalofa i le Kerisimasi. Sa tonu ia te ia, e tata i aiga uma o le siteki ona faia se toonai mo le Kerisimasi ma talosaga—ina ia foa'i o meaai ina ia mafai ai ona fai lena mea.¹ I se taimi mulimuli ane ina ua avea o se Aposetolo, sa talosagaina ai Elder Lee e faatulaga le polokalama uelefea a le Ekalesia, e faavae i mataupu faavae faapena o le auunaga, ositaulaga, ma le galue.

A o talavou, sa faamanatu ai e Peresitene Thomas S. Monson le Kerisimasi ina ua fai atu e lana uo se fesili na te'i ai, "Pe faape'i se tofo o le pipi?" Sa ia tali atu e pei lava o le tofo o le moa, ae o iina na ia iloa ai e le'i tofo lava foi si ana uo i se moa. E le gata i lea, ae sa leai se mea i le fale o lana uo e saunia ai se toonai o le Kerisimasi. "Sa

ou mafaufau loloto i se tali,” le tala a Peresitene Monson. “E leai ni a’u pīpī, leai ni a’u moa, leai sa’u tupe. Ona ou manatua ai lea sa i ai ni a’u fagafao lapiti se lua. Na ou tago atu loa lava uu le lima o la’u uo ma faa-topetope atu loa i le pa o lapiti, tuu lapiti i se atigipusa, ma tuu atu ia te ia ma fai atu i ai, ‘Ia, ave lapiti ia e lua. E lelei i le ‘ai—e pei lava o le moa.’ . . . Sa vave ona maligi ifo o’u loimata a o ou tapunia le faitotoa o le pa ua gaogao o lapiti. Ae ou te lei faanoanoa. Sa faatumulia lo’u loto i se lagona o le mafanafana e le mafaamatalaina, o le fiafia. O se Kerisimasi e manatua pea.”²

Tutu Faatasi o se Aiga

O se tasi o Kerisimasi aupito matagofie e manatua e Peresitene Ezra Taft Benson, na tupu i le 1923, ina ua ia toe foi i le Po o le Kerisimasi i le faatoaga a lo latou aiga i Whitney, Idaho, ISA, ina ua mavae le lua ma le afa tausaga na faamisiona ai i Egelani. O le toetuufaata-siga fiafia ma ona matua ma uso ma tuafafine e toa 10 sa faatumulia i le naunautai ma le sagisagi fiafia mo le Kerisimasi. E avea o se mea faapitoa, na faatagaina ai o ia e ona matua e ala e fesoasoani i tapenapenaga o le Kerisimasi ina ua momoe uma isi tamaiti. A o galue ai o ia faatasi ma ona matua, sa ia faamatalaina lemu i ona matua ona aafiaga o se faifeautalai. Sa le mafai ona taofi ona loimata i lenei “afiafi faapitoa” i lona aiga na ola ae ai o se tamaitiiti.³

O soifuaga o perofeta e uunaia ai i tatou e latalata atili i o tatou aiga i taimi o le Kerisimasi. Na manatua e Peresitene Iosefa F. Samita se tasi Kerisimasi a o avea o se tamā talavou, e leai sana tupe—e oo lava i se pene—e faatau ai ni meaalofo mo lana fanau. Ae o le a oo lava i le Kerisimasi, sa ia tuua ai lona fale ae savalivali atu i le aualatele, ma autilotilo i mea mananaia i faamalama o faleoloa ae sa iloa e le mafai ona ia faatauina se mea. I le toetiiti a leai se faamoemoe, na ia maua ai se pausisi ma “tagi ai pei o se tamaitiiti” e faamafanafana ai i lona loto tiga. Peitai, sa ia soloi ona mata, ma alu i le fale ma taaalo ai ma lana fanau i le aso atoa, “ma le lotofaafetai ma le fiafia mo na o i latou.”⁴ E ui i lona le mafai ona tuuina atu ni meaalofo o le

Kerisimasi mo lana fanau, ae na ia tuuina atu ia i latou ni meaalofo aupito silisili sa mafai e soo se tamā ona tuuina atu—o lona alofa ma lona taimi.

Na faaalu e le Perofeta o Iosefa Samita le Kerisimasi o le 1838 i le falepuipui i Liperate i Misuri. Sa taofia o ia ma nisi o ana paaga i se sela pogisa i le pito i lalo malulu, palapala, ma asu mai le afi tafu sa faamallosia i latou e faaoga. Sa maualalo tele le tualuga ma sa le mafai ai ona latou tutu sa’o i luga. Ae sa i ai se taimi fiafia i lona vaitau o le Kerisimasi. Sa mafai ona asiasi atu i ai le faletua o le Perofeta, o Ema mo sina taimi mo ni nai aso a’o loma le Kerisimasi. E le gata i lona, ae na ia aumaia le la tama tama, o Iosefa Samita III. O le lagonaina o le alofa mo lona aiga, na tusia ai e Iosefa upu faamallosiau mai le sela i le Au Paia: “Matou te olioli i o matou puapuga, aua ua matou iloa o loo mafuta mai le Atua ma i matou.”⁵

I le 1937, na taufetuunai ai Peresitene Filitia Samita i le olaga e aunoa ma lona faletua pele o Eteli, e lei leva na maluu. Na talosaga Eteli, ia pese ia Jessie Evans, o se tamaitai nofofua e matagofie lona leo pese, i lona falelauasiga. O lona feiloaiga, na masani ai Jessie Evans ma Iosefa Filitia Samita, ma i’u ai ina fuga mai lona mafutaga i le alofa. Sa ia taliaina le faamalamalama la te faaipoipo a o le’i leva ona mavae le Kerisimasi. Ina ua mafaufau Peresitene Samita i meaalofo na ia mauaina i le Kerisimasi o le 1937, na ia tusia ai, “Sa ou mauaina [Jessie] o se meaalofo o le Kerisimasi, ma o lea ou te matua faafetai ai.”⁶ Na faaipoipoina i la’ua ia Aperila na sosoo ai.





O se tasi o agaifanua masani faaletausaga a le aiga o Peresitene Tavita O. MaKei, o le aveina lea o fanau a fanau e faatietie i taavale faase'e i le kiona e tosaina e ni solofanua, e i ai "logo tagitagi." O lea tietiega o se tasi o a latou agaifanua masani e fiafia i ai. Sa faia pea e Peresitene MaKei seia oo i lona 80 tausaga. Ina ia mafanafana, e fai e Peresitene MaKei lona ofutalaloa umi, mafiafia ma ona totigilima lapopoa. E tietie tamaiti laiti i le taavale faase'e, ae o tamaiti matutua e mulimuli atu i a latou lava faase'e" e nonoa i tua o le taavale faase'e. O nei faamanatuga o le Kerisimasi e umi ona manatua, ma o nisi taimi e faaii ai i pesepesega a o faataaliolio i le piano ma usu le "A i ai i le Aiga le Alofa."⁷

O Le Molimau ia Iesu Keriso

Atonu o le mea e aupito sili ona taua, o aafiaga i le Kerisimasi a perofeta ua aoao mai ai i tatou ia faateleina a tatou molimau ia Iesu Keriso, a o tatou tuuina o Ia i le totonugalemu o a tatou faafiafiaga. I le 1876, ina ua lata ina maea le Malumalu o St. George Utah. Sa faatulaga le sauniga o le faapaiaaga mo le fogafale i lalo, potu autu, ma le potu mo faamauga mo le aso 1 Ianuari, 1877.⁸ I le toe fitu aso oo i le Kerisimasi a o lei faia le faapaiaaga, e toatele tagata i St. George sa galulue punouai e

fesoasoani ina ia mautinoa ua mae'a le malumalu.

Na tusia e Peresitene Uilifoti Uutilafi, o le sa avea ma uluai peresitene o le malumalu, i lana api o talaaga e faapea, i le aso Kerisimasi, sa pisi tamaloloa e galulue i masini ma 'ili ae sa faaalu e fafine e 40 le aso atoa i le malumalu e su'i kapeta. Sa latou folaina kapeta ma tautau ie pupuni.⁹

E ui ina toetoe a le uma le galuega i le taimi na atofaina, ae o la latou taulaga i le vaitau o le Kerisimasi na matua aoga lava. O lena galuega o la latou faamanatuga lea o le Kerisimasi. Faatasi ai ma tagata e 2,000 na i ai i le aso 1 Ianuari, na tuuina atu ai e Peresitene Uilifoti Uutilafi le tatalo o le faapaiaaga mo vaega o le malumalu—ua silia ma le 30 tausaga talu ona faamalosi le Au Paia o Aso e Gata Ai e lafoai le Malumalu o Navu.

I le taimi o le Taua Lona Lua a le Lalolagi, e tele aai o le Iunaite Setete na faamalosi ona tapē moli i le po ina ia faasaoina ai le suauu. I le Aai o Sate Lekī, sa tapē moli e tatau ona mu faasoloatoa o le Malumalu o Sate Lekī. Ina ua manu i Europa ua mae'a le taua, sa faatonuina loa e Peresitene Heber J. Grant ia moli mu faasoloatoa o le malumalu ina toe ki.

O le Kerisimasi i le 1945, na fuafua ai e Peresitene Siaosi Alapati Samita se kata musuia ma le anoa o le Kerisimasi. I le pito i luma sa i ai se ata o tumutumu e tolu i le itu i


sasae o le Malumalu o Sate Leki, ua manaia le susulu i luma mai o le agelu o le faatusa o Moronae i luga a'e. O lalo ifo sa tusia ai upu "Kerisimasi—1945" ma le savali "Ua toe ola moli."¹⁰ E leai se mea sili e mafai ona atagia lelei ai le olioli na lagonaina e tagata uma talu mai tausaga uumi o le oti ma le faatafunaga.

Ae o lenei foi kata matagofie o le Kerisimasi o se ala foi lea a Peresitene Samita na tuuina atu ia lana molimau ia Iesu Keriso ma le Toe-fuataiga o le talalelei. Pei lava ina aumaia e le faaiuga o le taua o le fafia ma le malamalama i nofoaga pogisa, ae na faapena foi e le Toe-fuataiga o le talalelei ina ua mavae seneturi uumi o le Liliuese ona "toe ki" moli malamalama o le upumoni mo tagata uma i le lalolagi.

O faataitaiga a o tatou perofeta o aso e gata ai o le alofa, auunaga, faatuatua, ma le ositaulaga ua molimau mai ai o le olioli moni i le vai-tau o le Kerisimasi, e maua i le ola ai e faapei ona soifua Keriso. E pei ona saunoe Peresitene Howard W. Hunter, "O le Kerisimasi moni lava e oo mai i lē na te aveina Keriso i lona olaga e fai ma malosiaga ola, maoae, ma le malosi. O le agaga moni o le Kerisimasi o loo i ai lea i le soifuaga ma le misiona a le Matai."¹¹ ■

FAAMATALAGA

1. Tagai Larry C. Porter, "Remembering Christmas Past," *BYU Studies*, vol. 40, no. 3 (2001): 94–96.
2. Thomas S. Monson, "Christmas Gifts, Christmas Blessings," *New Era*, Dec. 1986, 7.
3. Tagai Porter, "Remembering Christmas Past," 104–5.
4. Joseph F. Smith, "Christmas and New Year," *Improvement Era*, Jan. 1919, 267.
5. Joseph Smith, in Porter, "Remembering Christmas Past," 53.
6. Joseph Fielding Smith, in Joseph Fielding Smith Jr. and John J. Stewart, *The Life of Joseph Fielding Smith* (1972), 255.
7. Tagai David Lawrence McKay, *My Father, David O. McKay* (1989), 70–71.
8. O le faapaiaaga faaiu o le Malumalu o St. George Utah ua maea na faia i le fa masina mulimuli ane, i le aso 6–8 Aperila, 1877.
9. Tagai Wilford Woodruff's *Journal*, ed. Scott G. Kenney, 9 vols. (1983–85), 7:297.
10. Tagai Albert L. Zobell Jr., "It Being Christmas," *Improvement Era*, Dec. 1949, 826–27.
11. *The Teachings of Howard W. Hunter*, ed. Clyde J. Williams (1997), 269.



O Suiga PAIA

*E tele atu mea ua faia e le Malumalu o San Salvador El Salvador
nai lo le na o le suia o foliga o le laufanua; o lana uunaiga ua suia
ai loto, aiga, ma le atunuu atoa.*

Suiga o se Mauga

I le aso 20 o Setema, 2008, pe tusa o le 600 le Au Paia o Aso e Gata Ai na faapotopoto i luga o se mauga na matua susu i le timu i le aai o San Salvador, El Salvador. Sa latou laulaututu i luga o se eleele na fai ai faatoaga i le tele o tausaga. I lalo o le taitaiga a le Au Peresitene o le Eria a Amerika Tutotonu, sa latou tatalo faatasi ai ma faasoa upu o molimau. O nisi o latou na tuuina ifo suo fou i le eleele anamua, ma le faamoemoe

o se suiga e le o toe umi ae oo atu i lena nofoaga.

I le aso 21 Aokuso, 2011, e faitau afe Au Paia o Aso e Gata Ai sa sagisagi fiafia atu ma le migao e faafeiloai le tasi ma le isi i lena lava mauga. Ua le toe avea o se faatoaga, a ua suia e avea ma nofoaga aupito paia i El Salvador. Sa potopoto faataamilo le Au Paia i se malumalu. Sa latou faatalitali ma le naunautai i le taunuu atu o se perofeta, Peresitene Henry B. Eyring o le Au Peresitene Sili, o le a



*O le suatiaina
o le eleele mo
le Malumalu o
San Salvador
El Salvador na
faailoga ai le
amataga o se
suiga paia i
le eria.*

*Faapei ona
suia le lau-
eleele lea na
fausia ai le
Malumalu o
San Salvador
El Salvador, na
suia foi olaga
o Amado ma
Evelyn Vigil e
le talalelei a
Iesu Keriso.*

faapaiaina lena malumalu i le Alii. Sa toetoe ina a tuumumusu mai se tasi ua loa ona auai i le Ekalesia e faapea, ua pei lava ua tavavaeese mai lea nofoaga mai lona siosiomaga—“o se vaega itiiti o le lagi i le lalolagi.”

Suiga o se Aiga

Ia Aperila 2010, sa popole ai Evelyn Vigil faapea, ua amata ona mou atu le faatuatua o lona toalua o Amado. Ua 11 tausaga e lei toe alu i se lotu, ua fai lana faaiuga e le o i ai le Ekalesia moni. O le taimi lea, e lei taofia ai lava le talitonu o Evelyn i le Atua, ma sa alu atu o ia mai lea lotu i lea lotu, ma le naunau e fia faalogo i Lana upu ae e lei faamalieleina lava o ia i le mea sa ia faalogo i ai. O nisi taeao e ala mai i loimata. A oo i aso faapena, ona ia aioi atu lea mo se taitaiga o ia mai lona Tama Faalelagi. Sa fesili atu o ia ia te Ia, pe aisea lava na te le lagonaina ai le tonu i se tasi o lotu sa ia auai, e ui ina sa matua manao o ia e aoao e uiga ia te Ia. Sa ia tatalo foi ia i ai se aso e maua ai e lona aiga le lotogatasi i se lotu e tasi.

E oo atu i le 31 o Aokuso, 2011, ua maua e Amado ma Evelyn Vigil se suiga e le pei o le suiga sa tupu i luga o lena mauga i lo latou taulaga. I o latou ofu papae, sa latou ulu atu ai i se potu mo faamauga faatasi ma lo la afafine, o Michelle, e iva tausaga, ma lo la atalii, o Christian e tolu tausaga. O i latou o le uluai aiga na faamauina mo le olaga nei ma le faavavau i le Malumalu o San Salvador El Salvador. E faapei o le malumalu sa latou ulufale atu i ai, sa fou lo latou tuuto atu i le auunaga i le Alii, ma sa latou tutufaatasi foi i la latou tautinoga.

O Le Tala a le Au Vigil

“Na amata la matou tala,” na tomanatu ai Amado, “ina ua matou mauaina se soa o faifeautalai—ae la te lei mauaina i matou. Na matou tuua le fale o matua o Evelyn, ma ato o la matou faatauga. Na matou vaaia ua iloa mai matou e faifeau ma o la ua kolosi agai mai ia i matou. Sa fesili mai ma le agalelei se tasi o i la’ua pe mafai ona fesoasoani mai.

“Sa la fesili mai foi pe mata matou te faatagaina i la’ua e asiasi mai. Sa ou fai atu ua lelei, o le tele lava ona o le fiafiao. E oo mai i le taimi lena, e le tele se mea na ou iloa

e uiga i le Ekalesia—na o nai faamatalaga sa ou faalogo ai mai isi tagata.

“Ina ua uma ona ou ioe e faataga faifeau e asiasi mai i lo matou fale, sa ou fai atu i lo’u toalua, ‘Aua le soona sasalu i lea mea. Aua foi nei i ai se manatu faapea o le a ou auai i se ekalesia. Na o lo’u fiafiao lava po o le a sa la’ua tala.’

“Sa amata ona asiasi mai faifeau. Sa ou saunia e ta’u atu ma le faaaloalo ia i la’ua e o ese pe a la fai maia se tala e le sa’o ia te au. Ae sa ese lo la’ua agalelei, ma sa faagaetia ai lava au aua la te le’i faia lava se tala leaga e uiga i isi ekalesia. Sa la aoao mai ma se alofa ma le maelega, ma sa la onosai pe a tele a’u mau fesili. Sa vave ona matou alolofa ma faame-melo ia i la’ua.”

Na saunia i sia mea ma sia mea, ia Amado ma Evelyn lava la’ua ina ia papatisoina ma faamau o ni tagata o Le Ekalesia a Iesu Keriso o le Au Paia o Aso e Gata Ai. O le lu’itau tele a Evelyn o le Upu o le Poto. Sa faanoanoa o ia ina ua ia iloina e tataua ona lafoai lona manao i le kofe. Sa leai ni mausa leaga o Amado na manaomia ona lafoaia; na pau lava le mea o lona aoao e taofimau i le upumoni. Sa talitonu o ia i mea sa aoao atu e faifeautalai, e oo foi i le tele o aoaoga faavae ma mea faatino, sa ia iloina ma sa la lagonaina ma lona toalua mea na la misia mai isi ekalesia, e pei o aiga e faavavau, papatisoga mo e ua maliliu, ma le faaumea ma faalapotopotoga i le Ekalesia. Peitai, sa faatuatua ona ia tautino atu e papatiso. Sa popole nei auai o ia i le Ekalesia ae iloa mulimuli ane ua ia faia se faaiuga sese.

E lei pine ae mou atu nei atugaluga. Sa tatalo Evelyn mo se fesoasoani ma faatoilaloina ona mausa mo lana kofe, ma fai mai, “O le a ou le faatagaina lenei mea e taofia au mai le mauaina o faamanuiaga.” Ina ua mavae le tusa ma le lua masina o le le mautonu, sa tautino atu loa Amado e papatiso. O le taimi nei, e tusa ai ma lagona o Evelyn, e masani ona fai mai, “E tataua ona ma opomauina aoaoga faavae.”

Suiga ma Faamanuiaga

Na papatisoina Amado, Evelyn, ma Michelle ma faamauina i le amataga o Iuni 2011. “Mai le taimi na matou

*O le a faaauau
pea ona suia
e le malumalu
ia olaga ma
loto o tagata
o Salvador.*



papatiso ai,” na fai mai ai Evelyn, “Sa mafai ona ou lagonaina ua amata ona suia mea uma. Sa tuufaatasia lo matou aiga i le Ekalesia. Ua matou mauaina le talalelei toefuataina. Sa matou feagai ma tofotofoga ma ma’i talu mai lena taimi, ae sa liligi mai e le Tama Faalelagi i o matou luga le tele o faamanuiaga.”

Na matau e Amado: “O le suiga muamua lava na ou iloa o le lotogatasi i lo matou aiga. E le faapea na i ai ni a matou faafitauli tuga muamua, ae sa amata ona faateleina lo matou lotogatasi. Sa fesoasoani ia aoaoga faavae o le talalelei ia i matou. A aoaoina i matou e taitai o le Ekalesia e uiga i le paia o le aiga, ona atili ai lea ona matou mafaufau i le taua e tatau ona matou tuu i lo matou aiga.”

Na vaaia foi e le epikopo o le au Vigil, o César Orellana, ia suiga i o latou olaga. E lei leva ona uma lo latou papatisoga, ae alu atu Amado ia Epikopo Orellana ma fai atu, “Ua matou mananao e totogi a matou sefuluai, ae matou te le iloa pe faapefea.”

Sa faamalamalama atu e Epikopo Orellana e faapea, o le sefuluai o le 10 pasene lea o a latou tupe maua. Sa fai si popole o Amado. I le taimi lena, sa faigaluega ia Evelyn, ae lei sana galuega. “E masani lava ona le lava le matou faasoa,” sa faamatala atu ai e Amado i lona epikopo, “ae matou te mananao e totogi le sefuluai.”

Sa tali atu Epikopo Orellana, “Uso, e tele folafolaga ua faia e le Alii.” Sa la faitauina faatasi ia mau e uiga i

faamanuiaga e maua mai le totogi ma le faamaoni o le sefuluai, e aofia ai upu a le Alii i le perofeta o Malaki: “Ina aumaia mea e sefulu a’i a outou mea uma lava i le fale e tuu ai mea; . . . ma ia outou tofotofo mai ai ia te au i lenei mea, ua fetalai mai ai Ieova o ‘au; pe ou te le toina pupuni o le lagi mo outou, ma sasaa atu le manuia mo outou ina seia silisili ona tele” (Malaki 3:10).

Ina ua uma ona faitauina faatasi nei mau, sa tilotilo atu Epikopo Orellana i le alii fou faatoa liliu mai ma fai atu, “Afai o le totogiina o le sefuluai o le a le mafai ai ona totogi le vai po o le eletise, ia totogi lau sefuluai. Afai o le totogiina o le sefuluai o le a le totogia ai lau lisi, ia totogi lau sefuluai. Tusa lava pe o le totogiina o le sefuluai o le a le lava ai tupe e fafaga ai lou aiga, ia totogi lau sefuluai. O le a le tuulafoaiina lava outou e le Alii.”

O le Aso Sa na sosoo ai, sa toe alu ai foi Amado i le Epikopo. O le taimi lea, na te le’i toe fesili ai. Sa na ona ia tuu atu lava i lona epikopo o se teutusi ma fai atu, “Epikopo, o la matou sefuluai lea.”

O le toe manatunatu i ai i lenei aafiaga, na fai mai ai Epikopo Orellana, “Talu mai lava lena taimi, o i latou o ni tagata e totogi faamaoni ia sefuluai.” Sa maua e le aiga ni meaai mai le fale teuoloo o le epikopo i taimi o faigata tautupe. Ae, na faamanuiaina i latou e le Alii ina ia mafai ai ona latou tausia i latou lava. Na maua e Evelyn sona siitaga, ma sa maua foi se galuega lelei a Amado. Na le toe faigaluega Evelyn i se taimi mulimuli ane, ae sa faaauau

pea ona totogi a latou sefuluai ma maua faamanuiaga faaletino ma faaleagaga ona o lo latou faatuatua. Na fesili Epikopo Orellana ia Amado i se tasi taimi, po o faapefea mai le tulaga tautupe a lo latou aiga. Sa tali Amado, “O la e lelei. O nisi taimi e le tele ni a matou mea e ‘ai, ae e lava lava. Ae e sili atu i lo se isi lava mea, matou te faalagolago lava i le Alii.”

Ina ua mavae si taimi o totogi pea ia sefuluai, sa talanoa atu Evelyn ma Amado i le Epikopo e uiga i faamanuiaga sa latou mauaina. E tusa ai ma le Malaki 3:10, na la fai atu, “Ua matou tofotofoina le Alii.” Ma e moni lava le folafolaga a Epikopo Orellana, e lei tuulafoai lava i latou e le Alii.

O Se Vaaiga Fou

Sa ta’ua ma le faananau e Evelyn ma Amado le aso na potopoto ai lo latou aiga i le potu mo faamauga. Sa popole i la’ua i le taimi o o la’ua faaeega paia, atonu e oo atu i le taimi o le sauniga o le faamauga i le aso lava lena, ua vaivai le la fanau. Sa patino lo la’ua popole i lo la atalii ulavale e tolu tausaga, o Christian. Ae na ulufale atu tamaiti i le potu mo faamauga ma le migao filemu, e ta’u atu ai na latou malamalama i le mafuaaga na latou o atu ai iina. Ma ina ua oo i le taimi e auai atu ai le fanau i le sauniga o le faamauga, sa savali atu Christian, e aunoa ma se faatonuga po o se tau fai atu i ai, i le fata faitaulaga ma tootuli i tafatafa o ona matua.

E manatua e Evelyn le vaai atu i ata o le aiga i faaata. Na ta’ua foi e Amado lona vaai atu i ai e le gata i le malumu ae o o latou olaga i aso faisoo. Na ia faamatalaina lona lotofaafetai mo le vaaiga e faavavau ua taialaina ai nei lona olaga—o se vaaiga ua faalauteleina atili talu mai lena taimi, aemaise ina ua faaulufale mai e le au Vigils se pepe teine fou i totonu o le aiga—o Andrea, lea na fanau i totonu o le feagaiga ia Aokuso.

O Se Malamalama i luga o se Mauga

O le a suia pea e faavavau le aiga o Vigil e ala i le tau-laga togiola a Iesu Keriso ma le uunaiga a Lona malumalu



O le au Vigil o le uluai aiga lea na faamauina i le Malumalu o San Salvador El Salvador, na faapaiaina ia Aokuso 2011.

i lo latou laueleele. Talu ai ona ua suia se faatoaga e avea o se elele paia, ua avea nei lo latou fale ma nofoaga e sili atu ona paia.

E tele auala ua avea ai i latou ma folafolaga o se atunuu atoa. O El Salvador o se nofoaga o le fia miliona o tagata lelei, ma le faamaoni o loo lofituina i aso uma i leo ma faatosinaga a le lalolagi. E alolofa tele le Au Paia Salvatoa i lo latou atunuu, ma ua latou mauaina le faamoemoe ua toe faafou a o latou vaaia le malumalu o le Alii iina. Ua faamautinoaina i latou i le mulimuli ai i upu o le tatalo o le faapaia o le malumalu na fofogaina e Pere-sitene Eyring:

“Matou te tatalo mo Au faamanuiaga ia i ai i luga o lenei atunuu o El Salvador. Ia pa’i atu i loto o i latou o loo pulea, ina ia faamanuiaina tagata i le saolotoga ma avanoa. Ia pulea e le filemu lenei laueleele.

“Ia faauluolaina Lau galuega i lenei laueleele. Ia pa’i atu le savali o le talalelei i loto o tagata i le atunuu atoa. Ia latou ui ifo i le vai o le papatisoga, ma tumau faamaoni ai i Lau Afio. . . .

“ . . . Faatasi ai ma loto ua tumu i le faafetai, matou te faapaia ai ma faamanuiaina lenei maota paia ma ona siosiomaga mo le faataunuuina o Lou finagalo ma le faataunuuina o Lau galuega e faavavau. Matou te tatalo ina ia lagonaina lana uunaiga i lenei laueleele atoa ia avea o se malamalama i luga o se mauga.”¹

O le tele o lenei uunaiga na lagonaina lava i auaunaga ma faataitaiga a tagata e pei o le aiga o Vigil. A o tauaofiofi loimata ma taumafai e tautala a o ootia lona loto, sa talanoa faamama’i ia Amado Vigil e uiga i faifeautalai na mafai ai e ia ma lona aiga ona o mai ia Keriso ma mauaina faamanuiaga o le malumalu. “Ma te faamoemoe o le a faamisiona le ma fanau,” o lana tala lea, “ina ia faamanuiaina ai isi aiga, e faapei ona faamanuiaina lo matou aiga e na alii talavou.” ■


FAAMATALAGA

1. “May Peace Reign in the Land”—Dedicatory Prayer for El Salvador Temple,” *Church News*, Aug. 27, 2011, ldschurchnews.com.



TAULAI ATU I SE AIGA E **FAAVAVAU**

*O le i ai o se malumalu ua fausia
i El Salvador ua avea o se faamanu-
iaga sili mo se fanau e toalua
sa fesoasoani i o la'ua matua
e toe foi mai i le Lotu.*



Saunia e Mindy Raye Friedman

Mekasini a le Ekalesia

O Kevin ma Jacqueline S., o se tuagane ma se tuafafine i El Salvador, o se uo sili, ma e fuifuilua lava i la'ua i mea uma. E ese le alolofa i le talalelei ma lo la'ua aiga. E mananao i la'ua ia faatasi lo latou aiga e faavavau.

A o laiti Kevin ma Jacqueline, e fesili tagata i le lotu i lo la'ua tama, "O afea tou te faamau ai i le malumalu?" O lana tali, "Pe a i ai se malumalu i El Salvador."

Tatalo mo o La'ua Matua

Peitai, e oo atu i le taimi na fofogaina mai ai le Malumalu o San Salvador El Salvador i le 2007, a ua le toe lolotu matua o Kevin ma Jacqueline. Peitai, o la lava e o ia Kevin, ua 18 ona tausaga, ma Jacqueline ua 15, i le lotu, ma tatalo ia i ai se aso e toe foi atu ai o la'ua matua.

"E le'i tuua lava lo'u tatalo atu ma aoi atu i le Tama Faalelagi ina ia toe toaaga mai i la'ua," o le tala lea a Jacqueline. "Ou te iloa e manao le Tama Faalelagi i le mea sili mo i matou, ma e manao o Ia ia avea i matou o se aiga e faavavau."

Sa taumafai foi i la'ua ia avea ma faataitaiga lelei mo o la'ua matua. "E lei uma lava lo'u faamoemoe," o le tala lea a Kevin. "Ou te faitauina lava tusitusiga paia ma tatalo; e vaai mai foi o'u matua o o'u suesue ma ou alu e fai asiasiga i aiga ma ou alu i gaoioiga a le Ekalesia. A o ou galue e tausi poloaiga ma agaigai i luma, sa vaaia a'u faataitaiga e o'u matua."

Lagonaina o le Agaga o le Malumalu

Na amata ona tali ia tatalo a Kevin ma Jacqueline mo o la'ua matua ina ua lata ina mae'a le malumalu. "Ina ua fofoga mai e o matou taitai le faapaiaga ma le sauniga faaleaganuu, sa ma valaauina o ma'ua matua," na ta'ua ai e Kevin. "Na ma fai atu i ai e uiga i le avanoa o le a ma auai o ni talavou, ma sa faaosofia ai i la'ua ma sa fesoa-soani lena mo i la'ua e agaigai ai i luma faaleagaga."

E le gata i le auai atu i faafiafiaga faaleaganuu, ae na mafai foi ona o le aiga e matamata ina ua tatala le malumalu mo maimoaga.

"E ui e le'i toaaga o'u matua i le lotu, ae sa la vaavaai atu lava i le Ekalesia ma le talalelei o se mea e paia," o le tala lea a Kevin. "Ina ua matou ulu atu i le malumalu, na

amata ona faamalamalama mai e lo'u tama ia te au ma o'u tuafafine, a oo ina matou ulu atu i le malumalu, matou te oofu papae ma o iina e faatino ai sauniga paia."

Sa ofo ia Kevin ma lona tuafafine e lua tausaga le matua, o le sa masani ona feosofa'i solo, i le nofofilemu ina latou i ai i totonu o le malumalu, ma sa ia matauina foi le maligi o loimata o lona tina a o matamata i potu eseese ma atavali. Ina ua ulufale atu le aiga i se potu mo faamauga, sa faamatala atu e se taiala o maimoaga, o iina e faamau ai aiga mo le faavavau.

"Sa amata e lo'u tuafafine laitiiti ona pa'i mai ia i matou taitoatasi ma fai mai, 'O lo'u tina, o lo'u tama, o la'u Kevin, ma la'u Jacqueline,'" o le tala lea a Jacqueline. "Sa pei na fetalai mai le Tama Faalelagi e ala mai ia te ia, e ta'u mai ia i matou o i matou uma lava o ana."

"Ona ia fusi mai lea o i matou ma amata ona kisi mai ma tusitusi atu i faaata," o le tala lea a Kevin. "Sa matou tilotilo atu ia i matou faatasi i faaata, ma o se mea sa maofa ai. Ina ua matou tuua le potu mo faamauga i lena aso, sa matou faia se sini ia mafai ona matou toe foi atu iina."

Toe Mauaina o le Vaaiga Mamao

Ina ua uma ona auai i se maimoaga i le malumalu, sa amata e le aiga ona faia ni suiga. "Talu ona matou o i le





O LE SINI AUPITO TAU

"Afa'i e te lei alu lava i le malumalu pe sa e *i ai* foi, a ua e le agavaa nei mo se pepa faataga mo le malumalu, e leai se isi sini e sili ona taua atu mo oe e te galue agai i ai nai lo le agavaa e alu i le malumalu. . . . O faamanuiaga taua uma ma le faatumutuga o le avea ai ma tagata o le Ekalesia, o faamanuiaga na tatou te mauaina i malumalu o le Atua."

Peresitene Thomas S. Monson, "O Le Malumalu Paia—o se Sulu Taiala i le Lalolagi," *Liahona*, Me 2011, 92.

malumalu, sa toe maua e lo matou aiga se vaaiga mamao," na ta'ua ai e Kevin. "Talu mai lena taimi, ua fai a matou afiafi faaleaiga, ua ave matou e o matou matua i le lotu ma matou nonofo faatasi i le laina pito i luma o le falesa."

Ia Aokuso 2011, sa lagona e Kevin ma Jacqueline ua faamanuiaina ina ua nonofo faatasi ma o la matua i le fale autu o le siteki, a o latou matamata i le faasalalauga o le faapaiaiga o le malumalu.

"Ina ua fofoga mai le malumalu i le 2007, sa lei malolosi o'u matua i le lotu, ma sa ou manatu o le a ou le maua lava le avanoa e faatasi ai ma i la'ua i le faapaiaiga," o le tala

lea a Kevin. "Ae ina ua matou nonofo faatasi i le faapaiaiga, sa ou lagonaina moni lava ua tali mai e le Tama Faalelagi a'u tatalo. O le i ai faatasi ma lo'u aiga iina, o se tasi o faamanuiaga silisili ua ou maua i lo'u olaga."

"O lenei aafiaga i le malumalu ua faamalosia ai au," o le tala lea a Jacqueline. "O le mea ua sili ona faamalosia ai au nai lo se isi mea, o le vaaia lea ua suia e le malumalu ia olaga, aua ua fesoasoani i o'u matua e toe toaaga mai ai i le Lotu. O lea ua faatu nei le matou sini o le a faamauiina i matou i le malumalu. Ou te iloa e manao le Tama Faalelagi i le mea sili mo i matou." ■



A I AI LE ALOFA I LE AIGA

Efelata'i tele Kevin ma Jacqueline o se tuagane ma se tuafafine, ma ua la aoaoina o le sootaga vavalalata i le va o uso ma tuagane/tuafafine, e mafai ona avea o se vaega faamanuiaina tele o le olaga. O le ala lea e lagolago ai e le tasi le isi.

Fai mai Jacqueline, "E

fesoasoani lo'u tuagane ia te au i taimi uma i o'u tiute i le fale ma le a'oga. Na te lagolagoina lava au i taimi uma, ma ou te iloa e aunoa ma se masalosalo e alofa o ia ia te au, ma o le a ia lagolagoina a'u i soo se taimi. A ou faanoanoa pe le fiafia, e i ai lava o ia iina e faamalosiau mai ia te au."

Fai mai Kevin, "A ou faavaivai, e lagolagoina au e lo'u tuafafine

ma faamalosiau mai. Na te ta'u mai mea e lelei e uiga ia te au, ma ou lagona ai le fiafia. E tele mea ua ou aoaoina mai ana faataitaiga. A oo i taimi ua ou le faatuatua ai, e fai mai lava o ia ia aua nei ou masalosalo ma o le a lelei mea nai lo le mea ua ou manatu ai."

Fai mai nei talavou e toalua e fiafia lava i la'ua i la la'ua sootaga, ma e le taua'imisa i la'ua e pei ona faia e le toatele o fanau. "Atonu tou te faapea e ese a i ma'ua, ae ou te faafetai i lo'u Tama Faalelagi mo lenei sootaga ma lo'u tuafafine," o le tala lea a Kevin.

LAGONAINA O LONA ALOFA E ALA I LE AUAUNA ATU

Saunia e Mishelle Wasden



AUAUNAGA TAUA E FAAVAVAU

“Atonu o faataitaiga e sili ona masani ai ma e sili foi ona taua, o le auaunaga lē manatu faapito lea ma le ositaulaga o loo faatinoina i totonu o o tatou aiga. E tuuto atu e tina i latou lava i le fanauina ma le faafaileleina o a latou fanau. E tuuina atu e tane i latou lava i le lagolagoina o a latou ava ma fanau. O osigataulaga o loo aofia ai i le auaunaga taua e faavavau i o tatou aiga, e tele naua e le mafai-aulia ma ua masani lelei ai foi e le manaomia ai ona ta’ua.”

Elder Dallin H. Oaks o le Korama a Aposetolo e Toasefululua, “Osigataulaga,” *Liahona*, Me 2012, 22.

Ua toe lua vaiaso aulia le Kerisimasi, ma sa ou feagai ma le fa’ātu masani o le vaiata. E tatau ona faatau meaalofo, o se laau e teuteu, ma meaalofo e tiliva.

E tele masina o o’u lofituina i feau o aso taitasi e feagai ma se tina o se fanau laiti e toalima. Ua oo lava ina ou manatu ua na ona ou alu lava i le Lotu a o ou tauivi e faafilemu la’u fanau laiti i le nofoa. Sa ou moomoo mo se faatelega o le Agaga ma ni aafiaga faaleagaga i lo’u olaga.

O le taimi foi lea na faatau ai e lo’u uso se fale fou i se setete tuaoi, ma sa taumafai e faamae’a ona faamautu mea uma a o lei oo i le Kerisimasi. O le matua tele lava o galuega mo soo se aiga, ae o le a sili atu ona faigata mo ia. Ua valu masina le maitaga o lo’u uso, o se tina o se fanau laiti e toalu, ma o ia foi e tausia lona toalu ua le aoga uma vae ma lima.

I le iloa ai o le tauiviga o loo feagai ma ia, sa ou valaau atu ai e vaai po o a mai. Sa fiafia o ia i lo latou sii mai i lo latou fale fou, ma sa faamoemoe o le a lagolagoina i latou e tagata o la latou uarota fou. Ina ua uma le ma talanoaga, sa tuu i lalo le telefoni, ma faamanuia atu ia te ia ma ou mafau-fau pe mafai faapefea ona ou fesoasoani atu mai le 400 maila (650 km) le mamao.

Sa oo mai pea i lena afiafi se mafaufau, e tatau ona ou i ai iina e fesoasoani i ai. Peitai, a o ou vaavaai atu i la’u lisi o mea e fai, sa ou aveese lena manatu ae ou moe.

Na ou ala ae i le taeao e sosoo ai ma le uunaiga lava lea e tasi. Sa matua malosi le lagona ma sa le mafai ona ou faafitia. Sa ou vili i lo’u toalu ma fai atu i ai, “E tatau ona ou alu e fesoasoani i lo’u uso.” E aunoa ma se faatuai, sa ia tali mai, “O le mea foi lena na ou mafaufau i ai.”

Sa ou vili i lo’u uso, ma ta’u atu i ai la’u fuafuaga, ma fai so’u avanoa i le vaalele i lena afiafi. Sa vave ona teu la’u ato, sogi atu ma faatofa i la’u fanau, ae malaga atu i le malaevaalele.

Ina ua mavae aso e tolu, sa ou talaia pusa ma faatulaga ia potu, ma fesoasoani i teuteu se laau Kerisimasi. Ina ua uma ona talai le tele o pusa, sa matou saofafai i lalo ma lo’u uso ma lona aiga, ma matamata fiafia atu i la latou laau manaia. Na fai mai si o’u tei ua lima tausaga, ma ua fiafia ua saunia lona aiga mo le Kerisimasi, “O se Kerisimasi manaia tele lenei.”

Ina ua ou toe malaga i lo’u aiga, sa ou iloa o le tuuina atu o se vaega o a’u lava i lenei aiga lelei, sa ou lagonaina ai le Agaga, lea sa ou moomoo e maua. Na oo mai ona sa ou auauna atu i isi.

E faigofie lava ona talanoa e uiga i le tuuina atu o auaunaga i le taimi o le Kerisimasi, pau lava le mea ia fetui lelei le tuuina atu o lena auau-naga ma le faasologa o a tatou mea e fai, ma e le taugata foi, pe aveesea mai ai i tatou mai mea tatou te fiafia e fai. Ae ina ia maua moni lava le agaga moni o le Kerisimasi, e ao ona tatou aapa atu i isi. O le faia o lena mea e fesoasoani tatou te malamalama ai i le alofa o le Faaola mo i tatou taitoatasi. ■



Saunia e Epikopo Gary E. Stevenson

Epikopo Pulefaamalumu

O Le Saogalemu ma le Filemu o le Tausia o Poloaiga

*O mamanu ma upumoni o loo maua i le
Tusi a Mamona e manino ma aoga, mama ma taua.
A tatou amata i le amiotonu ma le usiusitai, o le a tatou
faaiu i faamanuiaga ma le olioli.*

I o tatou vaitaimi o faamatalaga faafuainumera, e foliga mai o se faataamiloga o talafou e 24-itula e le mafai ona laa loa e aunoa ma ni mataupu o se tala masani e faaalua pea lava pea. O tagata o fuafuaga ua uma le aoga sa masani ona mauaina tulaga lauiloa ma le iloga e ala i taleni tulaga ese i le avea ai ma ni tagata fai ata tifaga, tagata afeleti, tagata fai polokiki, po o taitai o pisinisi. O le tele o tausaga o faataitaiga po o auaunaga tuuto ma osigataulaga—e fesootai atu i tulaga mauualuluga o o latou tulaga faamanuiaina i se faiva faapitoa po o se matata—e vave ona nutililiina i le totonugalemu o le faalumaina.

O le vaaiga faaiu e masani lava o le faatusa faanoanoa lea o tagata e augani lotulotu i se faamasino, le au faisea, po o itumalo po o i aiga, uo, ma aumea mo se faamagaloga o a latou amioga faavalevalea. O le iuga e masani lava ona lafo atu ai se upega tele o taunuuga e le'i mafaufauina—e aofia ai le lototiga, maasiasi, ma le le fiafia—ia i latou, o e pele ia i latou, ma a latou paaga.

O upu mama ae o'oo'o o le perofeta anamua o le Tusi a Mamona o Alema i le apoapoaiga i lona atalii e foliga mai e talafeagai lava i le seneturi lona 21 aua sa sili atu ma le 2,000 tausaga ua mavae: "E le'i avea lava le amioleaga ma fiafia" (Alema 41:10).

TULAFONO
Tagai i le
2 Nifae 2: 11–27



**Fiafia
(olioli)**

Faamanuiaga

**Usiusitai
(amiotonu)**

**Le usiusitai
(amioleaga)**

Faasalaga

**Le fiafia
(faanoanoa)**



I le toetoe lava o faalumaina uma i aso nei, o se malamalama i le ma le usiusitai i poloaiga o loo maua i le talalelei toefuataiina semanu ua lava lea e liliuese ai mala faaletagata lava ia ma faalegaluega.

O Se Fuafaatatau mo le Fiafia

O se fuafaatatau ua vaaia i le talalelei a Iesu Keriso ua faaalai mai ai le ala i le fiafia. O se upumoni mama ma taua o loo maua i le Tusi a Mamona atoa. O loo faamatalaina lelei mai lava i aoaoga a le perofeta o Lia e ona atalii ina ua lata ina maliu o ia. I lona tautala atu i lona atalii o Iakopo, sa ia aoao mai, “Ona e ao lava ina i ai se faafeagai o mea uma” (2 Nifae 2:11). Sa ia faaopoopo mai i nai fuaiupu mulimuli ane, “Ua i ai le tagata, ina ia latou maua le olioli” (2 Nifae 2:25).

O aoaoga a Lia e lenei lauga ia Iakopo e ono ototoo ina faafaigofie: O le usiusitai ma le amiotonu e taitai atu ai i faamanuiaga, lea e oo atu ai i le olioli. I le isi itu, o le le usiusitai ma le amioleaga e taitai atu ai i le faasalaga, lea e oo atu ai i le faanoanoa. O le Faaola o le Fautua sili lea o tagata ola uma ma o le lagolago o le auala i le fiafia ma le ola e faavavau. O le tiapolo o le tama faanoanoa o pepelo ma o le lagolago o le auala e tau atu i le faapologaina ma le oti.

E manino lava, e malamalama le fili o le a tatou le filifilia ma le iloa le faapologaina ma le oti, ae ona o le a faanoanoa pea o ia e faavavau, o lea e saili ai o ia ia faanoanoa tagata uma (tagai i le 2 Nifae 2:27). Na te faia lenei mea e ala i le mimiloina o taunuuga o le agasala ma le le usiusitai. O le tasi lena o mafuaaga ua ta’ua ai o ia o le tama o pepelo.

Na saunoa Peresitene Spencer W. Kimball (1895–1985): “O outou uma . . . ua iloa Satani, o le tama o pepelo. Ua outou iloa le ala na te liliuina ai le mea moni i se pepelo. Na te teuteuina mea faatiapolo ia foliga mai e matagofie, moomia, faigofie pe lelei foi.”¹

E manao Satani ia tatou talitonu e faapea o le fuafaatatau o le fiafia e amata atu i le amioleaga ma le agasala. Ua lapataia i tatou o ana faaososoga e faalafiina ma le potolea e i ai taimi e faafoliga mai ai o ia “ia foliga mai o se agelu o le malamalama” (2 Nifae 9:9). Ua faamalamalama mai e le Alii le toilalo ma sini a Satani:

“O le mea lea, ona sa fouvale Satani ia te au, ma saili e faaumatia le faitalia a le tagata, lea na tuu atu e Au, o le Alii le Atua ia te ia, ma le tasi foi, ia Ou avatu ia te ia lou

lava mana; i le mana o lau Toatasi na Fanaua, na Ou faia ai ia lafoina o ia i lalo;

“Ma sa avea o ia ma Satani, ioe, o le tiapolo lava lea, o le tama o pepelo uma e faasese ma faatauaso tagata ma taitai faatagataotaua i latou i lona loto” (Mose 4:3–4).

O le ala i le fiafia e amata i le amiotonu e ala i le usiusitai i poloaiga. O poloaiga ua tuuina mai ia i tatou o se tusitaalo faalelagi e taitaiese ai i tatou mai le tele o malaia o le olaga nei. Sa folafola mai e le Alii lenei mea i le talutalufou o le Toefuataiga: “O le mea lea o Au o le Alii, ona ua Ou iloa le malaia o le a oo mai i luga o e o nonofo i le lalolagi, na Ou valaau atu ai i luga o la’u auauna o Iosefa Samita, Laitiiti, ma tautala atu ia te ia mai le lagi, *ma tuu atu ia te ia poloaiga*” (MF&F 1:17; ua faatusilima mea ua faamamafa).

Tausi Poloaiga

O nisi tagata latou te iloa ua le tusa ai ma le tulaga e masani ona i ai le i ai o poloaiga i le amataga o le ala i le fiafia nai lo se mea e tauaveina i le ala. O le tala lenei mai la’u auaunaga o se peresitene o le misiona i Nagoya, Iapani, i nai tausaga ua mavae e faamalamalamaina ai lenei mea.

Sa ma masani ma lo’u toalua o Lesa, i se tamaitai talavou i se taimi e le’i leva ona sau i le lotu e auai i se vasega faaPeretania sa aoaoina e faifeautalai. Sa faamasani gofie o ia, ma fiafia ma pulea lelei lona olaga, lea sa aofia ai se galuega lelei, sana uo tama ua leva ona la faamasani, ma lona aiga. O lana masaniga ma faifeautalai ma le au paia e ala i le vasega faaPeretania sa faaosofia ai lona fiafia i le Ekalesia, ma sa amata ona fai ana lesonea a faifeautalai. Sa foliga mai sa tootogoa’e lana molimau i le moni o le talalelei toefuataiina i taimi taitasi latou te feiloai ai ma faifeautalai. A o ia faitauina le Tusi a Mamona, ma mafaufau loloto ma tatalo e uiga i ai ma mea sa ia faalogoina, sa ia iloaia ua moni.

Ina ua amata ona aoaoina o ia e faifeautalai e uiga i poloaiga, sa ia iloaia e tataua ona ia usitai. Sa faauma le la faigauo ma lana uo tama ma faamavae i lana galuega, lea sa manaomia ai lona faigaluega i Aso Sa. Sa amata ona ia tausia le Upu o le Poto ma taliaina le tulafono o le sefuluai. Sa matuai malosi lona faatuatua o lea sa amata ai ona ia tausia poloaiga i le toetoe lava o le taimi na te aoao ai e uiga i ai.

Ina ua ia logoina lona aiga e uiga i lona fiafia i le

Ekalesia ma lana suesuega i le talalelei toefuataiina, sa ta'u atu e ona matua o se taunuuga o lana filifiliga o le a afaina ai le latou mafutaga. I totonu o ni nai vaiaso o le taliaina o poloaiga, sa iu ina leai sana galuega, se potu mautotogi, po o se lagolago a lona aiga. O le mea moni lava, o taunuuga o lona usiusitai na aafia ai lona olaga i le mea sa foliga mai o se auala pagatia.

Sa matuai ou popole lava i lona tulaga. I se leva o se tasi po, i le faaiuga o se aso pisi, sa ma tuua ai ma Lesa le fale o le misiona mo se savalivaliga, i le sailia o sina taimi faatasi filemu. Sa ma tetei ina ua ma oo mai i se pupuvao i le fetaulaiga o ala i le taimi tonu foi lea na oo mai ai lenei tagata sailiili talavou malos i lana uila. Sa ia faafeiloaia i maua i se ataata alofa ma se opo. O le ma tete'i i le leva o le po ae o loo fealuai lava o ia, sa ma fesili atu ai po o a ana mea sa fai.

“O lea ou te alu atu i la'u galuega fou ou te faigaluega i le sifi o le vaveao o se faatauoloa i se faleaiga o meaai faavavave,” sa ia faamatala mai ai ma le fiafia tele.

O lenei galuega ua fai ma faailoga o se pau tele o le totogi, matafaioi, ma itula mai lana galuega muamua. E ui lava i tofotofoga iloga ma mea faalavefau i mea faaletino o lona olaga, ae sa susulu mai ia te ia le fiafia. Ona ia ta'u mai lea ua uma ona seti le aso o lona papatisoga. A o ma toe savavali toe foi atu i le fale o le misiona, sa ma ofo ma Lesa i le tuuina o ia e lona faatuatua ma le usiusitai i poloaiga fou na faatoa ia mauaina i le ala i le fiafia moni.

O ni nai vaiaso mulimuli ane sa papatisoina ai o ia. Ina ua mavae sina taimi, sa toe faalelei o ia ma lona aiga ma toe maua se galuega lelei atu. O ni nai tausaga talu ona uma lona papatisoga, sa faamauina ai o ia i le Malumalu o Tokyo Iapani i se faifeautalai ua maea sana misiona sa la fetau i se gaoioiga a le autalavou matutua nofofua. I le aveavei nei ma se aiga e faavavau, sa faamanuiaina lata mai nei i se pepe tama aulelei. O



se viiga puupuu ma le manaia e faamatalaina ai le mea na tupu i lona olaga o se taunuuga o lona tausia o poloaiga:

Tausi poloaiga; taus i poloaiga!

O i ai le malu; ma le filemu.

E faamanuia mai; O lo tatou Matai.

O upu ia a le perofeta: E malutia ma filemu ai.

O loo i ai i le saogalemu ma le toafilemu.²

O mamamu ma upumoni o loo maua i le Tusi a Mamona e manino ma aoga, mama ma taua. A tatou amata i le amiotonu ma le usiusitai, o le a tatou faaii i faamanuiaga ma le olioli. ■

FAAMATALAGA

1. Spencer W. Kimball, “The Blessings and Responsibilities of Womanhood,” *Ensign*, Mat. 1976, 70.
2. “Tausi Poloaiga,” *Tusipese a Tamaiti*, 68–69.

Sa ma tetei ina ua ma oo mai i se pupuvao i le fetaulaiga o ala i le taimi tonu foi lea na oo mai ai lenei tagata sailiili talavou malos i lana uila. Sa ma ofo i le tuuina o ia e lona faatuatua ma le usiusitai i poloaiga fou na faatoa ia mauaina i le ala i le fiafia moni.

E MAFAI FAAPEFEA ONA TATOU FAFAGAINA LE ANOANO?

I le avea ai ma peresitene o le Aualofo, sa ou lagona le lofituina i manaoga ma luitau sa feagai ma nisi o aiga o le matou paranesi laitiiti. O taimi sa faigata, ma sa i ai ni nai tagata o le au paia na leai ni galuega.

I fafo atu o le Ekalesia, sa vaaia ai le faavaivai, faanoanoa, ma le leai o se faamoemoe i foliga o le toatele o e sa faafaigata ona tausii o latou aiga. Na oo lava foi i tamaiti ma le autalavou sa faaalua lagona o le le mautonu ma le fememea'i.

Sa lagona e taitai o le paranesi le manaomia ona tauave sina faamoemoe ma alofa mo i latou sa sili ona le tagolima—o se mea e mafai ai ona fesoasoani ia lagona e tagata o le matou lotoifale na silafia e se Tama Faalelagi alofa o latou tofotofoga ma sa ia tausii i latou.

A o tuu e le peresitene o le paranesi le tupe i luga o le fata, sa faapea ona taliina a latou talosaga.

A o latalata mai le Kerisimasi, sa matou fautuaina e valaaulia ia tamaiti aupito matitiva o le matou nuu i se taumafataga o le afiafi. Sa fai suega-tupe a tagata o le Paranesi, faatau mai meaai mai se faleoloa gaosi meaai faavavave, ma tapena le matou falelotu mo le taliina o a matou malo. Sa aafia ai tagata uma, e aofia ai tamaiti o le Peraimeri, tamaitai ma alii talavou.

Sa matou faia se fetuunaiga ma le au gaosi meaai faavavave e saunia le meaai, ma sa matou faafesootaia tagata faigaluega lautele e sue aiga e sili ona i ai le tulaga manaomia. Sa tuuina mai e le afaigaluega ia i latou se lisi pe a ma le 100 tamaiti, lea sa sili atu nai lo le mea sa matou fuafuaina. Sa le'i vaivai ai o matou agaga, ae sa foliga mai sa faigata ona maua se tupe talafeagai e faatau mai ai

meaai mo na tamaiti e toatele.

Ina ua oo i le aso o le matou taumafataga o le afiafi, sa ave atu e le peresitene o le paranesi, faatasi ma nisi o le au tiakono, le tupe na matou maua ma o atu loa i le faleaiga, ma le mafaufau pe o le a faapefea ona matou fafagaina le anoano o tamaiti i la matou tupe utiuti. Sa latou tatalo ao o, ma mafaufau atonu e tatau ona matou valaaulia na o tamaiti aupito laiti, vaevae tai afa meaai, pe tolo foi le gaoioiga.

Ina ua latou taunuu atu i le faleaiga, sa tuu e le peresitene o le paranesi le tupe i luga o le fata. O le taimi lena na taliina ai a latou talosaga.

Sa tilotilo ane le pule o le faleaiga ia i latou ma, faatasi ai ma se ataata, ma fai mai o le a fiafia le faleaiga e foai mai pe fia lava ni meaai e manaomia—ae le totogai! E le mafai ona ou faamatalaina le fiafia sa matou lagona ina uma ina ua matou iloa lea galuega agalelei, lea na mafai ai ona matou aumaia sina alalaga fiafia—ma le tele o meaai—i se vaega toatele o tamaiti matitiva.

E faafetaia ai le agalelei o le faleaiga, sa mafai ona matou faaogaina le tupe sa matou sailia e faatau mai ai meaai ma fai ai ni ato meaai mo aiga na sili ona matitiva.

Mai lena aafiaga na matou aoao ai e leai se taumafaiga e maumau pe a faaoga a tatou taleni ma faanau-nauga lelei e auauna atu ai i o tatou uso a tagata. Sa faamalolosia a matou molimau e tatalaina e le Alii faitotoa pe a uma ona tatou faia mea uma tatou te mafaia. ■

Marta Fernández-Rebollos, Sepania



OU TE FAAMOEMOE O LE A ALOFA SE TAGATA IA TE IA

I na ua tolu tausaga le matua o lo'u atalii ae fa la'u tama teine, sa avea i laua ma se vaega o le aoga amata a le pitonuu. O le taumalulu lena o i matou sa nafa ma le vaaiga o le vaega, sa matou filifili e fai se galuega faatino o le Kerisimasi na aofia ai le tuu atu i tamaiti taitoatasi e foai atu se meataalo i se aiga limavaivai.

Sa tele ni lesona sa matou aoaoina atu i vaiaso na muamua mai e uiga i le fiafia tatou te maua i le loto faafetai ma le fetufaaai atu i isi. Sa ou fai atu i lau fanau e amata ona mafaufau po o le fea meataalo la te mananao e ave, sa ou manao ia la maua le aafiaga o le filifilia o le mea e foai atu. Sa utiuti mea tautupe a lo matou aiga, ma sa ou fia iloa po o le fea o a la meataalo laiti o le a la naunau e aveese atu.

I se tasi taeao o se Aso Toonai, sa ou fai atu ai i la'u fanau ua oo i le taimi e filifili ai a la foai. Sa ou fesoasoani ia Hunter e afifi le loli sa ia filifilia ona ou alu atu lea e vaai pe o a mai ia Mikelle. O le vaaiga sa ou molimauina mai le faitotoa o lona potu sa maligi ai o'u loimata.

Sa uu e Mikelle lana pepe meataalo e sili ona fiafia i ai o Mella, sa faaofu i lona ofu meataalo sili ona manaia, ma sa pese i ai. Ona ia tuuina lea o se palanikete laitiiti i le pito i lalo o se ateaalofa. Sa ataata o ia i le pepe meataalo, fusi ma kisi i ai, ona tuuina lea o ia ma le alofa i totonu o le ato. O lona iloa mai o a'u, sa ia fai mai ai, "Tina, ua uma ona sauni ia Mella. Ou te faamoe-moe o le a alofa se tagata ia te ia."

I se tasi taeao o le Aso Toonai, sa ou fai atu ai i tamaiti ua oo i le taimi e filifili ai a la'ua meataalo e foai atu. O le vaaiga sa ou molimauina mai le faitotoa o le potu o Mikelle sa maligi ai o'u loimata.



O le iloina o lagona o la'u tama teine i lenei pepe meataalo, sa ou maofa i lona aveeseina atu. Sa toetoe lava a ou manao e fai atu ia Mikelle e le tatau ona ia aveeseina lana pepe meataalo e sili ona fiafia i ai, ae sa ou taofia a'u lava.

"O loo malamalama o ia i le foai atu," o lo'u manatu lea. "Ua ia tuuina atu lana mea e sili ona lelei."

Sa faafuasei ona ou iloina lena vaega o a'u sa naunau e foai atu ma tufa atu ae sa le o se osigataulaga maoae tele. Sa ou tuua ni tapulaa i lo'u alofa mama, ma sa ou iloina na tatau ona ou sui.

Sa ou mafaufau i le tuuina mai e le Tama Faalelagi o Lona Alo atoa-toa e toatasi ma faatagaina o Ia e puapuagatia ma maliu mo a'u. Sa ou vaai faalemafaufau i se Tama oi le

Lagi agaalofa o sogi i Lona Alo Pele e Toatasi ma auina mai o Ia i le lalolagi o se pepe, ma le faamoemoe o le a tatou alolofa ma mulimuli ia te Ia.

O le Faaola lava Ia na te le'i taofia se mea e tasi ae tuuina mai mea uma sa ia te Ia.

Sa ou mafaufau pe mata o le a sui le mafaufau o Mikelle a o lei faia le polokalama o le Kerisimasi, i le taimi o le a foai ai meataalo, ae leai. Sa ou mafaufau foi pe mata o le a ia toe salamo mulimuli ane i lana filifiliga ma lagona ai le faanoanoa, ae sa leai foi.

O le vaaia o le faataitaiga faaKeriso a la'u tama teine, sa ou filifili ai e tusa pe tele pe laitiiti se mea ou te maua, o le a ou foai atu ma le agaga fiafia i taimi uma le mea sili ou te maua pe a ou maua se avanoa e faasoa atu ai. ■

Brittney Pyne, luta, ISA

SA OUTOU PEPESE MAI O OUTOU LOTO

Ia Tesema 2000 sa saunia ai le aufaipese a le matou siteki e talimalo i se faaliga pese. Sa faamautu mai e nisi o aufaipese o aai lauiloa o Posadas, Atenitina, o le a latou auai, ma e toatele ni tagata o le a auai mai. Sa matou faamoemoe e faasoa atu a matou molimau e uiga i le soifua mai o le Faaola e ala i a matou pesega.

I le avea ai ma taitai pese, sa fai si o'u popole. Na faaopoopo mai i lo'u atuatuva le lo'u ma'itaga na valu masina i le masaga. Sa ou lagona ni tiga i le taimi o a matou faataitaiga mulimuli i le vaiaso a o le'i oo i le koneseti o lea sa ou soafai ai ma taimi ia pese.

Ina ua uma le faataitaiga, sa le mafai ona ou tu i luga. Sa tuuina mai e lo'u toalu o Carlos, ma lo'u tama so'u faamanuiaga. Ona ave lea o a'u e Carlos i le falemai, lea sa manatu ai fomai o le a fananau mai ia pepe i lena aso. Sa ou fefe, ae sa fai mai Carlos ou te faatuatua i le Alii.

E le'i umi ae faalogoina le tagi a se pepe fou faatoa fanau mai i totonu o le potu. Sa osooso fiafia lo'u loto i le leo, ona soso mai lea o le fomai ma fai mai, "O Kira lena e tagi, ae ua malaia Abril."

Sa leai ni a'u upu e faamatala ai lagona na lolofi mai ia te a'u. E le'i leva ae ave au i se isi potu, lea sa faatalitali mai ai lo'u toalu ia te a'u. Sa ma feofoofotai ma fetagisi.

"Dafne, ta te le iloa le fuafuaga a le Alii ua ave atu ai Abril ia te Ia," o le tala lea a Carlos. "Ae e tatau ona ta lototetele, talia Lona finagalo, ma agai i luma i le faatuatua."

O se taimi puupuu mulimuli ane, sa sii ai e Carlos le tino itiiti o Kira ma

faamanuia o ia ia ola. Sa ola, ae peitai ona o nisi o faafitauli, sa nofo ai o ia i le falemai mo le isi 10 aso.

Sa ou te'a i tua i le vaiaso na sosoo ai. Ona o lo'u malaga soo mai i le falemai e vaai ma fafaga Kira, sa ou le mafaufau ai lava i le aufaipese. O le po a o lumanai le faaliga pese, sa fesili mai lo'u tama pe ua ou filifili pe ou te taimia ia pese. "Tatalo e uiga i ai, Dafne," o lana tala lea, "ma e mau-tinoa lava po o le a lava le filifiliga e te faia o le filifiliga sa'o lena."

Sa ou mafaufau ia Kira, o le sa taoto pea i le falemai. Sa ou mafaufau

A o milo faatasi ia leo ma mea fai musika, sa lofituina au i le lagona e faapea sa ou i ai i se nofoaga matagofie.



i tagata o le aufaipese, o e sa galulue malosi e tapena mo le konafesi. Sa ou mafaufau i le Faaola ma Lona fanau mai, soifuaga, ma le ositaulaga. Sa ou iloa le mea e tatau ona ou faia.

O le faaaliga o le alofa na maua e lo matou aiga i le afiafi na sosoo ai mai tagata o le aufaipese sa matuai faaga-eetiaina ai i matou, ma o le agaga o le lotogatasi o i latou sa fatuina ai se naunautaiga mai le loto ia pai atu ia i latou na auai.

Ona o i matou sa talimalo i le faaaliga, o lea sa pepese mulimuli ai le aufaipese a le matou siteki. Ina ua ta le piano ma le vaiolini le amataga o le viiga "O Le Noea Muamua," sa tafe mai o'u loimata i o'u alafau. Ma a o milo faatasi leo ma mea fai musika, sa lofituina atu i le lagona sa ou i ai i se nofoaga matagofie lava.

Ina ua uma, sa ou faliu e tilotilo atu o le toatele o le au maimoa sa maligi o latou loimata. O tagata o e atonu sa le'i faalogo lava i le savali o le tala-lelei o le filemu ma le alofa sa latou lagonaina e ala i la matou musika le matagofie ma le mataina o le soifua mai o le Alo o le Atua.

Mulimuli ane, sa faapea mai le taitai pese a le tasi o aufaipese ia i matou, "Sa manaia a matou metotia, ae sa outou pepese mai o outou loto."

I le Vaeluaga o le Kerisimasi sa ma faafetai atu ma lo'u toalu i le Atua mo le auina mai o Kira i lo matou aiga ma mo le Auina mai o Lona Alo i le lalolagi. Ona o le Togiola a le Alo ma le faamauina o i matou i le malumalu, ua ma iloa ai e i ai se aso o le a toe avea ai Abril ma a ma tama. ■

Dafne Analia Romero de Tau,
Misiones, Atenitina

POPUKONI, PAIONIA, MA LE FILEMU

Sa tuu e tina ni piliki i le ogaumu ona affi lea i ni palanikeke ina ia mafanafana ai o matou vae a o matou malaga i le matou taavale e aunoa ma se ea faamafanafana. O le 1935, na sa matou tietie atu i le 60-maila (96 km) mai le Aai o Sate Leki i Payson, Iuta, e asi o'u matua matutua i le amataga o Tesema. Sa toulul malie le kiona faataamilo ia i matou ma faataavili i mea na foliga o ni asiosio laiti i luma atu o le auala. O ma'ua ma lo'u tuagane matua o Feleti, sa ma faapupuu i ni ofutalaloa mamafa ma ni totino fulumamoe mageso ma ni sikafu. O le malaga na pei e le gata ia te a'u o se tagata na fitu tausaga le matua.

Sa matou faia lenei malaga i masina uma o Tesema. Sa le amataina lelei le vaitau o le Kerisimasi seiiloga matou te i ai i le umukuka mafanafana o Tinamatua ma Tamamatua Tanner i le faiga o polo popukoni. E saeu e Tamamatua le afi, ae faatumu e Tinamatua le ato i popukoni ma lulu malos i luga o le afi seia oo ina tumu i sana fefete papae. Ona liligi lea a Tinamatua le pata hani vevela i luga o popukoni i totonu o se ulu uamea tele ma saeu i ai ma pinati. E maalili loa le paluga, ona totofu loa lea i ai o o matou lima ua lilo i le pata ma fai ni polo fiasia e faasoa atu i aiga ma uo.

Ae peitai, o le Kerisimasi lenei, o le a ese. Sa masani lava ona ma tietie ma Feleti i le nofoa pito i tua, ae o le tausaga lenei sa ma feoma'i i le va o o'u matua i le nofoa umi i le pito i luma. Sa ave e se pusamaliu

laitiiti lanupaepae na ave ai le tino o lo'u tuagane e tasi le tausaga le matua o, Gerold, le nofoa pito i tua. O se misela na iu ina limonia na faamuta ai lona olaga laitiiti. O se taimi na mua-mua atu, sa matou o atu ai i le falemalii e aumai le tamati pusamaliu laupapa.

A o matou faia le malaga e lua itula, sa taitai i matou e Tama i le usuina o pese Kerisimasi. Sa paleni lelei le pepese a Tina ma Tama, ma o le musika matagofie sa faamafanafanaina ai i matou a o matou faavauvau i le oti o le matou pepe.

Ina ua matou taunuu atu i le fale o Tamamatua, sa faatalitali mai ma le faanoanoa le tumutumu o aiga ma au-aiga lea sa masani ona pisapisao. Sa aveese mai le pusamaliu mai le nofoa pito i tua ma avatu i totonu o le potu malolo mama manaia o Tinamatua. Sa saunoa le epikopo a o'u matua matutua i ni nai upu agalelei, ona matou toe foi lea i le taavale e tietie atu i le fanuamaliu, lea sa matou fetagisi ai i lenei tamaitiiti laitiiti faapelepele sa faataoto i le elele malo.

Sa oo mai le Kerisimasi. Sa saveu le afi, sa faapapa popukoni, ma sa kilivaina ia polo popukoni fiasia i le taavale solofanua a Tamamatua. Sa i ai le faanoanoa i lena aso, ae sa i ai foi se toafilemu loloto a o ou faalogologo atu i o'u matua matutua faamaoni o faitauina le tala o le soifua mai o Keriso.

Sa fananau mai o'u matua matutua i ni matua paionia o e sa faataotoo-ina le tele o pepe i le elele. A o faavauvau lo matou aiga i le malii o le matou pepe, sa matou liliu atu i le mea sa liliu i ai o matou tuua—i le Alo o le Atua ma Ana fetalaiga. Ou te manatuaina le tala o le Kerisimasi ma se loto na suia i lena tausaga, aua o le pepe lea na fanau i se faatanoa vaovao o le a mafai ai e le pepe sa matou faataotoina i le elele ona toetu mai ma avea ma a matou pepe.

Ua tele tausaga ua mavae talu mai lena mea, ae o Kerisimasi taitasi ou te liligiina ia lava le pata hani i le popukoni, saeu i ai ma pinati, faalapopototo le paluga i ni polo, ma manatua. ■
Shirlee Hurst Shields, Iuta, ISA

A o matou o i le malaga e lua itula, sa taitaia i matou e Tama i le usuina o pese o le Kerisimasi. Sa paleni lelei le pepese a Tina ma Tama, ma o le musika matagofie sa faamafanafanaina ai i matou a o matou faanoanoa.





**Saunia e Elder
Jeffery R. Holland**

O Le Korama a Aposetolo
e Toasefululua

Kerisimasi I TOTONU IA TE OE

*Tumau i lou faa-
tuatua. Vaai mo le
lelei i ou tulaga. Fai
se galuega agalelei
mo se tasi. Saili le
Keriso e leai ni afifi
ma ni mea feilafi.*

Ou te matea e manatua e tagata uma lana uluai Kerisimasi na aluese mai ai ma lona aiga. O le mafuaaga o le aluese mai atonu ona o le misiona po o le tautua i le militeli, olaga faatagata aoga, po o le galuega. Po o le a lava le mafuaaga, o lena uluai Kerisimasi ua e aluese mai ai o se manatuaga ootia mo i tatou uma. Ia i latou o e ua o ese mai aiga i le Kerisimasi, po o e ua o ese mai i le aiga i lenei tausaga, ou te ofo alofa





atu e ala i o'u manatuaga faapena.

I lo'u tulaga o la'u auunaga o se faifeautalai. Mo le 19 tausaga sa ou fiafia ai i Kerisimasi na siomia e aiga ma uo. Ou te matea i lo'u manatu faapito faaletalavou ou te le'i mafau-fauina lava e faaaluiina lo'u Kerisimasi i se isi lava ala.

Ma, a o fotuai mai le vaiatau o le Kerisimasi o le 1960, sa ou iu ane i le isi afa o le lalolagi ma aluese mai na mea uma. Sa le'i atoa le tolu o masina talu ona ou i ai i Egelani ma, i le aso muamua o Tesema, sa feau mai ai a'u i le ofisa o le misiona ma te filoai ma Elder Eldon Smith, na faatoa taunuu mai mai Champion, Alberta, Kanata—o la'u uluai soa laitiiti lea. Sa auina atu i maua e tatala le galuega faafaifeautalai i le aai e le taliaina ni suiga o Guildford, i le itumalo o Surrey, o se eria e le'i i ai muamua ni faifeautalai o le Au Paia o Aso e Gata Ai ma, i lo ma iloa, sa na o le toatasi le tagata o le au paia sa lafi ai i se mea o totonu o ona tuaoi. Sa ma talavou, leai se pote masani, na sina lofituina, ae ma te le'i lotovaiwai ai.

Sa ma lesitala i le ofisa o leoleo, fai fetuunaiga mo le fale ma te faamautu ai, ma, o le taimi muamua sa le mafai ona maua le tagata e toatasi o le Ekalesia, ma lafo i maua i le mea e tasi sa ma iloa ona fai—o le tu'itu'i i faitotoa. Sa ma tuitui i faitotoa i le taeao, sa ma tuitui i faitotoa i le aoauli, sa ma tuitui i faitotoa i le afiafi, sa ma tuitui i faitotoa i le po. Sa vili atu a ma uila i na auala i le mea pe

a o le Tesema aupito timuga lea i le talafaasolopito o Peretania—ia o le mea lena sa foliga ai ia i maua. Sa ma susū i le taeao, sa ma susu i le aoauli, sa ma susu i le afiafi, ma sa ma susu i le po, ae sa ma tuitui pea i faitotoa. Ma sa toetoe lava a leai se isi na ma mauaina.

Sa faapena ai lava seia oo i le
Vaeluaga o le Kerisimasi, ae ua tau
le mananao foi tagata e faalogo i ni
faifeautalai e toaluā “mai ni kolone.”
O lēna afiafi, i le vaivai ae na tuuto, sa
ma foi atu ai i le ma potu mautotogi e
tasi ma fai se ma lotu o le Kerisimasi.
Sa ma usuina se pese o le Kerisimasi
ona fai lea o se tatalo amata. Sa ma
faitau mai tusitusiga paia ma faalo-
gologo i se lipine na faaautuina *O Le
Tala Moni o le Kerisimasi*. Ona ma
usuina lea o se isi viiga o le vaitau,
ma fai se tatalo faaiū, ma ma o loa
e momoe. Sa matuai o ma vaivai
lava mo le faia o ni miti e uiga i siva
palamusuka i o ma mafaufau.

I le taeao o le Kerisimasi sa ma tausisia pea ia fuafuaga faatulagaina o suesuega i le taeao ma tatalaina ia affi e lua pe tolu na maua mai i le taimi o le siitaga. Ona ma o lea e tuitui faitotoa. Sa ma tuitui i le taeao, sa ma tuitui i le aoauli, sa ma tuitui i le afiafi, ma sa ma tuitui i le po. Ma te le'i maua foi se isi o i latou.

Mo se Kerisimasi le manaia faa-
pena—e manino lava o le Kerisimasi
aupito le fiafia lea o soo se Kerisimasi
na ou maua pe talu mai—e ta’u mai
ai se mea e faapea o na aso faapitoa
ia Tesema o le 1960 e tumau pea i

lo'u fatu (i le mavae ai o le silia ma le 50 tausaga!) o se tasi o Kerisimasi aupito matagofie na ou maua. Ou te manatu ona o le taimi muamua i lo'u olaga, na ou malamalama ai i le Kerisimasi nai lo na o le fiafia ai. Ou te manatu mo le taimi muamua i soo se auala taua moni, sa ou maua le aano o le fanau mai ma le soifuaga o Keriso—Lana savali ma Lana misiona ma Lana taulaga mo isi.

Sa tatau ona ou faia lena fesootaiga i se tausaga na muamua atu, ae ou te lei faia—e le'i malosi tele. Ae o lena Kerisimasi i Egelani—o se tagata 19 tausaga sa maalili, susu ma sa fai sina lofituina—na ou “malamalama ai.” E mafai ona ou faapea moni atu ona o la'u misiona, o le Kerisimasi, e pei foi o le tele o isi vaega o le talalelei, ua sili atu ona anoa ia te a'u i tausaga uma talu mai lena aafiaga.

I lenei Kerisimasi e momoli atu ou alofaaga i faifeautalai uma, alii ma tamaitai uma i le militeli, i tamaiti aoga uma, ma tagata faigaluega uma ma tagata malaga uma o e o le a le i ai “i le aiga mo le Kerisimasi,”¹ e pei ona fai mai le pese o le Kerisimasi. Tumau i lou faatuatua. Vaai mo mea lelei i lou tulaga. Fai se mea lelei mo se tasi. Saili Keriso e leai ni pepa e affi ai ma feilafi. O le a e maua lena mea e ui lava i le tele o tulaga e i fafo atu, o le Kerisimasi—e pei lava o le malo o le Atua—e i “totonu ia te oe” (Luka 17:21). ■

Mai le “O Se Kerisimasi Misiona,” Church News, 17 Tes., 2011, 10.

FAAMATALAGA

1. James “Kim” Gannon, “I’ll Be Home for Christmas” (1943).



Saunia e
Mary N. Cook

Fesoasoani Muamua i
le Au Peresitene Aoao o
Tama'itai Talavou



Teuteu o le Kerisimasi, Uo FaaKeriso

O le saunia ai e teu la matou laau Kerisimasi, sa ou la'uina mai ai i fafo se atigipusa sa tumu i mea teuteu o le Kerisimasi ou te le'i vaai i ai pe faaagaina i ni nai tausaga. A o o'u lagaina moli Kerisimasi ma ie, sa ou tau ai i se atigipusa sa afifi na tumu i teuteu o le Kerisimasi sa ou faaputuina a o ou nofotoatasi ma faiaoga i se aoga. Sa ou tau ai i se teuteu lanutasi, na suina faafaakoluse lea sa na ona faapea mai "Faletatala o le Kerisimasi—1984." Sa toe foi lo'u mafaufau i tua i lona tausaga. Ou te le'i faaipoipo ma sa ou siitia mai ma le popole mai se uarota o le autalavou nofofua matutua i se uarota o aiga.

Ou te fiafia lava i le vaitau o le Kerisimasi, ae o nisi o vaitau mo a'u sa matuai tuua toatasi lava. O lo'u matua sa i ai o le 30 ma ona tupu, nofotoatasi, ma le leai o se fanau, sa ou lagonaina ai i nisi taimi le tuu-lafoaiina. Sa faigofie ia te a'u lo'u popole faanoanoa mo a'u lava, i le pau atu i tua i le mea sa ou ta'ua o le "faamai o le talofa e ia ta ita." O lona tausaga faapitoa, 1984, ou te manatua lou faia ai o se filifiliga malamalama lelei ia faatoilalo le faama'i, ia ou vaai i tua atu o a'u lava ma vaai po o le a

se mea e mafai ona ou faia ia avea ai le Kerisimasi o se mea fiafia mo isi.

Sa fai si o'u fou i le uarota ma sa ou manatu faapea o le tatalaina o lo'u potu mautotogi faatauvaai i le Aualofa o le a fesoasoani ia te a'u e faamanatu ai aso fiafia ma faamasani lelei ai ma isi uso.

A o ou talanoa e uiga i lona fale-tatala, sa ou manatua ai le tamai laau Kerisimasi sa teuteuina i la'u pusa o teuteu, o le manogi o kuki manutinuti sa fesoasoani mai a'u uo nofofua e tao, ma le manogi suamalie o le "vai-inu pa'epa'e o le Kerisimasi" a Tina lea sa ou tufaina atu i malo.

A o ou iloiloaina ituaiga eseese o teuteu, sa faatumulia lo'u loto i lagona mafanafana o le alofa ma le agaga faafetai, a o ou mafaufau i le toatele o uo faaKeriso, o e laiti ma e matutua, o e sa alolofa ma fautuaina au i taimi luitauina.

Sa ou uuina ae le snowflake pa'epa'e leise sa koloseina e se tamaitai matua mo a'u ma sa ou manatua ai ona uiga agaalofa. Sa ou mafaufau i uso matutua atu o le tele o uarota sa ou nofo ai o e sa faasoai mai o latou atamai ia te a'u. Sa ou aoao e kolose, lalaga, suisui, ma fonofono mea na faaletonu mai nei uso lelei o e sa

naunau e tuuina mai o latou taimi ae maise lava o le onosai ina ia mafai ona ou fiafia i mea sa latou fiafia i ai.

Sa ou uuina lona pu apamemea laitiiti ma mafaufau i le valaaulia a le taitai pese talenia o le sa valaaulia-ina au ou te auai i aoga pese sa fai i taeapopo mo se polokalama musika faapitoa a se talavou. O lona talitonu ia te ia lava na tuuina mai ai ia te a'u le fiafia i musika tuai ma le to'a e auai ai i aufaipese i lo'u olaga atoa.

Faatasi ai ma se ataata sa ou ava'e ai i luga le teuteu o le Isumu o Miki ma sa ou faafetai i le ulugalii sa faasoai mai le la fanau laiti ia te a'u. O le la fanau sa avea ma a'u fanau. Sa ou siiina i latou i le lotu, faitau ia i latou, taaalo ma i latou, ma alofa ia i latou, na fesoasoani e faatumu ai se avanoa tiga ma le gaogao.

Na aoao mai i tatou e le Faaola i le Mataio 10:39, "O le maua lona ola, e maua ai ia te ia: a o le faamaumau i lona ola ona o a'u, e maua e ia."

O lona filifiliga mataala i le 1984 e "maumau lo'u ola" e ala i le vaai i fafo atu sa mautinoa lava o se taimi sili ona taua i le "mauaina" o a'u lava. A o ou mafaufau loloto i le taimi ua tuanai, sa ou iloaina ai o le toatele, na taitoatasi, sa mulimuli i fetalaiiga a lo tatou Faaola ma maua o latou ola ona o a'u. O teuteu o le *Kerisi* masi na avea o se faamanatu matagofie o ni uo faa *Keriso*. ■



O Le Solosolo o le Kerisimasi

Na saunia e Scott M. Mooy

Mekasini a le Ekalesia

O tausaga uma lava a o o'u laiti-iti, sa ou fesoasoani ai i lo'u tina e afifi meaalofo o le Kerisimasi a le matou aiga. Sa i ai ni o'u tei se toa 5 ua faaipoipo ma a latou fanau teine ma tama e toa 13, ma sa le o se galuega faigofie lenei. Ae e ui lava i le gasu felanulanua'i, ae sa ou matauina sa foliga mai o taimi uma lava ma te affiina ai se solosolo mo lo'u tuafafine. E tusa lava pe na ave i ai e lo'u tina se ofumoe po o se palausi po o se mea mo le umukuka, ae sa i ai foi lava lena solosolo mo Ane. Sa ou malamalama o solosolo sa aoga ma e le taugata, ae sa amata ona ou mafau-fau po o a ni manatu o lo'u tuafafine i le mauaina soo o lenei meaalofo.

I se tasi Tesema, sa iu ai ina ou faapea atu: "O se isi foi solosolo mo Ane? Tina, e foliga mai e te aveina lava mo ia se solosolo e toetoe lava o tausaga uma. Pe ua e mafauina ea atonu ua lava ana solosolo ua i ai i le taimi nei? E fia ni solosolo na te manaomia? Ma o se isi meaalofo o le a atili ai le taugata o le lafoina o le afifi a lona aiga. Ou te manatu

e le tatau ona e faia lenei mea.”

Sa faataatia ese e tina lana seleulu. “Sei ou faamatala atu ia te oe se tala. Ma atonu o le a e malamalama ai. O lenei mea na tupu ae e te le'i fanau mai.

“E te iloa le auala na ou oo mai ai i le atunuu lenei.” (Sa ou iloina. Sa faateia le aiga o lo'u tina ina ua faaipoipo o ia i se alii ua maliu lona toalua e i ai se fanau e toafa ae o le tete'i o lona uiga sa ia tuua Holani mo le Iunaite Setete.) “Peitai o nisi mea e te le iloa. Ina ua ma o mai iinei, sa leai se mea sa ia i maua. Sa faigata le olaga. Sa faigaluega lou tama i ni galuega se lua, ae sa laitiiti lava lona totogi. Sa ou faigaluega i le faiga o tagamea ma auli. Ae sa le'i lava a ni a tatou tupe.

“O le taimi lena sa 17 tausaga o Ane ma sa malamalama i le aofai o le tupe sa ma nofo aitalafu ai. Sa filifili loa o ia o le a fesoasoani mai. Sa alu o ia e faigaluega. Sa maua sana galuega i le taulaga i se faleoloa e faatau ai lola. Sa tatau ona alu o ia i le pasi ia oo atu iina ma tu ai i le fata fai faatau i le aso atoa. Sa ia tuuina mai ia i maua na toetoe lava o lona totogi uma, ae na tofia tau lava o le tupe mo lona pasese i le pasi ma faatau ai sana meaai i le aoauli, aua sa le mafai ona ia tuuina ni meaai i lalo o le fata faifaatau.

“E ta'u mai e Ane ia te a'u sa fiasia na i ai sana galuega ma mafai ona fesoasoani lona totogi ia i matou. Ae na te le'i tauina mai faapea sa popole o ia mo ona tuagane laiti. Na oo mai le Kerisimasi. Sa talanoa a latou uo fou Amerika e uiga i meataalo sa latou fai atu ia Tama o le Kerisimasi e aumai mo i latou. Ae faapefea pe afai e le'i aumaia e Tama o le Kerisimasi ni meaaloa i le tatou fale?

“O ni nai aso a o le'i oo i le Kerisimasi, sa tuu mai ai e Ane ia te a'u se tupe. Ae sa le o le aso lea e totogi ai. Sa ou fesili atu ia te ia po o fea na ia aumaia ai lenei tupe. Sa ia fai ai, sa ia sefeina e ala i le le ai i le aoauli. Sa le o se tupe tele, ae na ou iloina o lona uiga sa le'i ai o ia i aoauli mo ni vaiaso se tele. Sa fai mai o ia e ave le tupe e faatau mai ai ni meaaloa o le Kerisimasi mo ona tuagane. Sa ia faatuatuaina a'u, le toalua fou o lona tama, e faatau le mea sa talafeagai.

“Sa ou faatauina mai ni mea laiti. Ae sa ou filifili e mafai ona ou faia se Kerisimasi mo le aiga atoa. O ni moli saina e ai, fasimoli urosa, vali, taavale meataalo laiti, totini mo lou tama. Ma sa ou faatauina mai mo Ane se solosolo. Sa lanutasi, ae sa tuai ona ou moe i le po i le su'iina i ai o ni mamanu ma teuteu faamanaia. Sa ou fiasia lava ona sa tuuina mai mo i matou e la'u tama teine fou se Kerisimasi. Sa ou manao foi ia ona maua se mea faapitoa mo le Kerisimasi.

“Na oo mai le Kerisimasi. Sa faateia i matou ina ua aumai e a matou uo i le lotu se laau Kerisimasi ma se atigipusa na tumu i meaaloa. Sa latou faamalie mai ona sa o ni mea faatauva na afifi i nusipepa, ae sa matagofie! Sa tele ni mea aoga ma ni meaai lelei e ai sa i ai. Ona sosoo lea ma se isi mea na faateia ai, o le mealilo a ma'ua ma Ane: Na sau le Tama o le Kerisimasi i le tatou fale! Sa matuai fiasia ou uso! E le'i umi ae fola solo i luga o le fola o lena potu malolo laitiiti, i le faataavaleina o taavale i luga ma lalo o nusipepa. Sa paepae solo nusipepa! Ma sa tatala e Ane lana meaaloa ma maua ai le soloslo. Sa tagi o ia. Sa ou tagi laitiiti foi.

“Sa fai le matou aiga o le Kerisimasi. Oka, sa i ai ni a matou meaai mananaia ua leva matou te le'i toe aai ai! Ona tapena lea ma faamama mea uma. Sa alu Ane e teu lona solosolo. Peitai na leai se mea. Sa matou sueina i mea uma. Ona ou mafaua lea faapea, oi aue, ua togi e lou tama le nusipepa i le afi. Pe ua alu ai ma le solosolo i le afi? Ia atonu aua matou te le'i toe mauaina. Peitai sa le'i faitio Ane. O le mea ua tupu ua tupu. Fai mai o ia, sa fiasia ona sa fiasia ona tuagane.

“O le Kerisimasi na sosoo ai, sa ou aveina mo Ane se solosolo. Sa ou faamautinoa e le toe leiloa le solosolo lena. Ina ua faaipoipo o ia ma siitia ese atu, sa ou lafoina atu ia te ia se solosolo o le Kerisimasi. Ou te le aveina atu ia te ia se solosolo i le taimi lenei ona e faapea na te manaomiaina. Ou te avatu ia te ia se solosolo e ta'u atu ai ia te ia, o le a le galo ia te au le mea sa ia faia mo le matou uluai Kerisimasi faatasi.”

O ni nai tausaga mulimuli ane ina ua uma ona faamatala mai e lo'u tina ia te a'u lenei tala, sa mafai ona matou faamanatuina le Kerisimasi ma le matou aiga atoa. I le vavao, sa ou matauina ai le tatalaina e lo'u tuafafine o se solosolo. Sa ou vaaia le susulu o ona foliga a o ia aapa ane ma oomi le lima o lo matou tina. Sa ou malamalama. Sa le na o se solosolo. Sa o se faailoga faapitoa ia i laua o le manatuaina o le alofa, meaaloa, ma le ositaulaga. Ma, i lona ala faatauva, sa faamanatu mai ai ia te au le mafuaaga tatou te faamanatuina ai le Kerisimasi—ona o se meaaloa maoae ma le agalelei lea na faapea ona manaomia ai le ositaulaga. ■

“Pe faapefea ona ou tali atu i fesili a a’u uo e uiga i le malumalu pe afai e le tele so’u lava iloa i ai?”

E faigata ona e talanoa e uiga i se mea e te le malamalama i ai, ma e tele mea e le mafai ona tatou malamalama i ai e uiga i le malumalu seiiloga e mafai ona tatou o i ai i tatou lava iina. O fafo o le malumalu tatou te faaeteete ai i auala tatou te talanoaina ai sauniga aua e paia ia sauniga. Ae peitai, e mafai lava ona tatou talanoa e uiga i faamanuiaga ma faamoemoega o le malumalu. E mafai ona tatou ta’u atu i a tatou uo e faapea, o totonu o le malumalu, e aoao ai tagata o le au paia i upumoni e faavavau, maua sauniga paia mo i latou lava, ma fai nei sauniga e fai ma sui o o latou tuua ma isi o e ua maliliu.

O le tele o mea e te iloa e uiga i malumalu, o le lelei foi lena o lou saunia e tali atu i fesili a au uo. Ina ia aoao atili, talanoa i ou matua po o taitai o le Ekalesia. E mafai foi e oe ma au uo ona faitau i le lomiga faapitoa o le *Liahona* e uiga i malumalu (Oketopa 2010) ma maua ia tali i le Mormon.org i lalo o “Temples” i Fesili e Fesiligia Soo.

E mafai foi ona e faasoa atu ou lagona e uiga i le malumalu. Afai sa e alu i le malumalu e fai papatisoga pe sa e i ai i lotoa o le malumalu, e mafai ona e ta’u atu i au uo e uiga i le lagona o le toafilemu sa e lagonaina a o e i ai iina.

Afai e fesili au uo pe aisea e le tatalaina ai le malumalu i tagata uma, e mafai ona e faamatala atu i ai, ona o galuega paia o loo faia ai i totonu o le malumalu, e na o i latou lava ua saunia faaleagaga ma i ai se pepa faataga aoga o le malumalu e mafai ona ulu i ai. A o le’i faapaiaina ia malumalu fou, o se faletatala e mafai ai e tagata o le alalafaga ona maimoa taamilo i le malumalu ma aoao atili ai e uiga i ai. Ae a maea ona faapaiaina le malumalu, soo se tasi lava e mafai ona maimoa taamilo i lotoa. Ae afai e mafai, ia valaaulia lau uo i se fale tatala a le malumalu pe e te lua asiasi atu foi i lotoa o le malumalu.

Ia Agavaa mo le Malumalu



Ou te ta’uina i a’u uo lea faatusa o le malumalu ia te a’u: o le fiafia, malosiaga, ma aiga e faavavau. Ou te faamatala atu i ai le auala e tumau ai i le agavaa. Afai e mafai ona latou iloa ou te ola i lo’u olaga faatasi ai ma le malumalu o se tasi o a’u sini e sili ona taua, o le a

latou lagona le mana o le malumalu. E mafai e tagata uma ona vaai i le matagofie o le pito i fafo o le malumalu, ae o lo’u ola ai i le auala sa’o, e mafai ai ona ou faaali atu i a’u uo le faamoemoe ma le fiafia lea e aumai e le alu i totonu o le malumalu.

Emma R., 18 tausaga, Iuta, ISA

Ia Valaaulia Au Uo e Aoao Atili



Ta’u i au uo mea uma e te iloa—pau le mea ia talafeagai. Ta’u i ai tatou te le talanoaina ia nisi o mea e uiga i le malumalu ona e paia. Afai latou te fesiligia se mea e te le iloina, ta’u sao i ai e te le iloina. Ma afai latou te fiailoa atili, ia valaaulia i latou i le lotu ma ta’u i ai e faamauia e le Atua i latou o e tausia Ana poloaiga i le malamalama atili faaleagaga. Tatou te talitonu i le aoaoina o mea faaleagaga e ala i le laina ma lea laina, mataupu ma lea mataupu.

Carmela B., 18 tausaga, Filipaina

Tatalo mo le Agaga e Musuia Lau Tali



Ina ia tali i fesili a a’u uo, e muamua ona ou tatalo i le Tama Faalelagi i sa’u tala e fai atu. Atonu e manaomia ai se tele o le onosai, ae e aoga lava le faatalitali mo le Agaga e musuia oe i le mea e fai atu. Lona lua, alu i le lotu ma i le papatisoga i le malumalu ia maua atili mai ai le malamalama faaleagaga. A fesili mai la’u uo i ni fesili e uiga i le malumalu, ou te fai i ai o papatisoga e fai mo o tatou tuua ua maliliu o e e le’i maua se avanoa e aveai ai ma ni isi o le

O tali ua faamoemoe e mo se fesoasoani ma ni manatu, ae e le o se faalauiloaga aloaia o aoaoga faavae o le Ekalesia.

talalelei a o soifua i latou. Ma i le lagi ua latou maua ai le avanoa e filifili ai e talia pe teena le sauniga.

Lydia P., 13 tausaga, Florida, ISA

Valaaulia Au Uo e Feiloai i Faifeautalai

A fesili mai a'u uo e uiga i le malumalu, ou te fai i ai o le maota o le Alii, lea e mafai ona tatou faia sauniga faapitoa tatou te latalata atu ai i lo tatou Tama Faalelagi ma mafai ai ona tatou toe foi atu ia te Ia. Ou te fesili foi i a'u uo pe latou te mananao e feiloai i faifeautalai e aoao atili ai. Afai latou te fai mai e leai, ou te tusia i lalo a latou fesili ma ou fesili ai a'u lava i faifeautalai. Ona ou faailoa atu lea i a'u uo mea na ou iloina. O lenei faiga ou te aoao atili ai foi a'u e uiga i le malumalu.

Kimmie H., 13 tausaga, Montana, ISA

Faaali Atu Ata o Malumalu



Ou te fiafia e faitau i tusi e faaali mai ai malumalu mai le lalolagi atoa. Ina ua i i ai sa'u uo sa fesili mai e uiga i malumalu, sa ou iloina sa le lava la'u faamatalaga e fesoasoani ai ia te ia ia malamalama. O lea sa ou aumaia ai a'u tusi e uiga i malumalu ma faaali atu ia te ia le mea e ta'u o le malumalu, o faamoemoega o le malumalu, ma lo tatou faafetai ua tatou asiasi atu i le malumalu. Sa ou filifili e valaaulia o ia i le lotu i le Aso Sa, lea e mafai ai e faifeautalai ma faiaoga o le Aoga Sa ona fesoasoani ia te ia e aoao atili ai.

Jessica A., 18 tausaga, Initonesia

Talanoa i Ou Matua



Saili mo tali. Faitau tusitusiga paia ma fesili i faiaoga o le Aoga Sa. O fesili e mafai ona taliina i taimi uma lava; pau lava lau mea e fai o le

saili. Tatalo e uiga i ai! A i ai ni a'u fesili e uiga i le malumalu, ou te fesili i o'u matua. E faigofie ona ou talanoa i ai ma e naunau foi e fesoasoani mai. *Bryson B., 18 tausaga, Iuta, ISA*

Alu i le Malumalu

Afai tatou te taumafai e o atu soo i le malumalu pe a mafai, e mafai ona lelei atili la tatou fesoootaiga ma lo tatou Tama Faalelagi. O le uiga o lena mea, e mafai ona tatou tatalo atu ia te Ia e uiga i fesili a o tatou uo. Afai e le tele ni mea tatou te iloa e uiga i le malumalu, o lona uiga e tatau ona tatou suesue atili. O taimi taitasi ae

tatou te le'i o atu i le malumalu, ia suesue ma tatalo e uiga i mea e tatau ona e mafaufau i ai a o e i ai i le malumalu. Ona mafai lea ona tatou taliina fesili e pei o le "O le a le lagona e te maua i le malumalu?" *Sara T., 14 tausaga, Idaho, ISA*



E PAIA I LE ALII

"O le malumalu o se nofoaga o le matagofie, o se nofoaga o faaaliga, o se nofoaga o le filemu. O le maota lenei o le Alii. E paia i le Alii. E tatau foi ona paia ia i tatou."

Peresitene Howard W. Hunter (1907-95), "The Great Symbol of Our Membership," *Liahona*, Nov. 1994, 6.

O LE ISI FESILI

"E mafai faapefea ona ou teteaina faaosoosoga?"

Ia oo atu i le aso 15 o Ianuari, 2013 ua auina mai lau tali, i le liahona.lds.org, i le i-meli i le liahona@ldschurch.org, pe meli mai i le:

Liahona, Questions & Answers 1/13
50 E. North Temple St., Rm.2420
Salt Lake City, UT 84150-0024, USA

E ono faapupuina tali mo le uumi po o le manino.

O le faamatalaga ma le faatagaga o loo i lalo e tatau ona aofia mai i lau i-meli po o le tusi: (1) igoa atoa, (2) aso fanau, (3) uarota po o le paranesi, (4) siteki po o le itu, (5) lau faatagaga tusitusia, ma, afai e itiiti ifo i le 18 ou tausaga, o le faatagaga tusitusia a ou matua (e talia foi le i-meli) e lolomiina ai lau tali ma lou ata.

AUALA E AVATU AI MEAALOFA IA KERISO



**Saunia e Peresitene
Henry B. Eyring**
Fesoasoani Muamua i le
Au Peresitene Sili

AUALA UA FAAOGAINA AI E LE AUTALAVOU LENEI MEA

“Sa ou valaauina se uo i le lotu, se gaoioga o le Mutuale, po o se taumafataga i le afiafi. O sina agalelei laitiiti e mafai ona umi sona aoga i le fesoasoani ai i se tagata e lagona e alofaina i latou.”

Armand F.

“Ou te tusi atu i faifeautalai mai la’u uarota.”

Jenny R.

“O nisi taimi o le tau lava o le avea ma se uo ia i latou o e manaomia le fesoasoani.”

Ryan B.

O le agaga o le Kerisimasi e tuuina ai i o tatou loto se manao e **avatu le fiafia** i isi tagata. O le faamanatuga o le Kerisimasi e fesoasoani tatou te **tausia ai a tatou folafolaga ia manatua pea le Alii** ma Ana meaalofo ia i tatou. Ma o lena manatua e faaosofia ai se manao i totonu ia i tatou ia **avatu ni meaalofo ia te ia**.

Ua Ia ta’u mai ia i tatou mea e mafai ona tatou tuuina atu ia te Ia e aumai ai ia te Ia le fiafia. Muamua, e mafai, e ala i le faatuatua ia te Ia, ona **tuuina atu se loto momomo ma se agaga salamo**. E mafai ona tatou salamo ma osia feagaiga paia faatasi ma Ia.

Lona lua, e mafai ona e avatu ia te Ia le meaalofo o le **faia mo isi o mea na te faia mo i latou**. O loo i ai se lisi umi o mea e mafai ona fai i le tusi a Mataio. O iina tatou te faitau ai i fetalaiga mai lo tatou Togiola, lea tatou te faamoemoe uma ia tatou faalogo ma tautatala ai pe a tatou vaai ia te Ia pe a mavae lenei olaga:

“Ona tali mai ai lea ia te ia o e amiotonu, e faapea mai, Le Alii e, o anafea na matou iloa ai oe ua fia ai, ma matou **fagaina oe?** po o fia inu, ma matou avane e te inu ai?”

“O anafea foi na matou iloa ai oe o le tagata ese, ma matou talia oe? po o le le lava-lava, ma matou **faaofuina oe?**”

“O anafea foi na matou iloa ai oe ua ma’ po o i le fale puipui, ma **matou o atu ai ia te oe?**”

“Ona tali atu ai lea o le Tupu, e faapea atu ia te i latou, E moni, ou te fai atu ia te outou, auā na faia e outou i le tasi o e aupito itiiti o ou uso nei, o au lea na outou faia i ai” (Mataio 25:37–40).

O na upu sa faamanino mai ai e le Alii ia meaalofo e mafai ona tatou avatu ia te Ia ona o lo tatou loto faafetai. O **faatinoga taitasi o le agalelei** i soo se tasi e avea o se agalelei ia te Ia aua e alofa o Ia i fanau uma a le Tama Faalelagi. Ma talu ai o na mea e aumai ai le fiafia ia te Ia, e faapea foi ona aumai ai le olioli i Lona Tama, o lē ua tatou nofo aitalafu ai i le faafetai e le mafaatusalia.

O le toatele o outou o le a maua i le vaitau o le Kerisimasi ni auala e avatu ai ni meaai i tagata o e o fiaaai. A o outou faia, tou te aumaia le olioli i le Alii. Ae ua Ia aoao mai ia i tatou e faapea, e i ai se ala e foai atu ai **o se meaalofo e sili atu le tautele ma le tumau**. Na Ia fetalai mai, “O a’u nei le areto o le ola: o le sau ia te au, e le laina lava ia; o le faatuatua foi ia te au, e le toe fia inu lava ia” (Ioane 6:35). Faatasi ai ma le agalelei uma tatou te tuuina atu ia te Ia, o le mea aupito sili e mafai ona tatou ofo atu o le **faasino atu o i latou tatou te alolofa i ai ma auauna i ai ia te Ia**, le pogai e tasi o le ola e faavavau. ■

Mai le saunoaga “O Le Meaalofo a se Faaola” o le Faigalotu o le Kerisimasi 2010 a le Au Peresitene Sili.

Faasoa Mai Ou Aafiaga

Faasoa mai *ou* aafiaga i le faatatauina o nei mataupu faavae ma faitau i aafiaga a isi talavou e ala i le alu i le [lds.org/go/gift12](https://www.lds.org/go/gift12).



O MAI TATOU VIVII IA TE IA

“Tatou te olioli i le soifua mai o lesu Keriso, o le Malamalama o le Lalolagi,
o le ua valaauina i tatou uma e o mai ia te ia ma le Malamalama.”

Elder Patrick Kearon o le Fitugafulu, “O Mai, Tatou Vivii ia te ia,”
Liahona, Tes. 2011, 42.



E Faapefea Tafaoga Faamasani?



**Saunia e
Larry M. Gibson**

Fesoasoani Muamua i
le Au Peresitene Aoao
o Alii Talavou

O le faaaluina o taimi e faafesagai ai ma isi tagata e alagatatau i le fausiaina o faauooga moni.

Ao ou maua le avanoa e talanoa ai ma alii ma tamaitai talavou i le Ekalesia atoa, ua masani ai ona ou faalogo ai e faapea, e ui o le toatele o outou e fiafia i le atinaeina o ni faauooga lelei atu ma isi o le itupa faafeagai, ae e masani ona outou tauivi ma le iloaina o le auala tonu e faatupu ai lena mea.

O le a foliga mai faatasi ai ma agafesootai uma a ala o faasalalauga, e tatau ona sili atu ona lelei ona tatou fesootai nai lo se isi lava taimi muamua. Ae peitai, i nisi o itu, o tekinolosi e ono afua ai ona tatou maua ni fegalegaleaiga ua itiiti lona anoa. O le na o le tweeting, tesi, i-meli, ma faauo e le mafai ona fatuina moni ai se mafutaga e fausia lelei. O le faaaluina o le taimi e faafesagai lelei ai ma isi tagata e alagatatau i le fausiaina o faauooga moni.

Ua oo i le taimi mo outou, o tatou talavou lelei, e toe aumai le faauigaga tuai mo le taimi e faatasitasi ai alii ma tamaitai talavou mo se aafiaga o agafesootai. Atonu ua outou faalogo i le faaupuga; o lenei aafiaga sa ta'ua muamua o se tafaoga faamasani.

Tali i Fesili e Fesiligia Soo

O le toatele o outou o loo i ai ni fesili e uiga i tafaoga faamasani ma le fautuaga o loo tuuina mai i le tamaitusi fou o le *Mo le Malosi o le*

Autalavou. O nisi nei o fesili na fesiligia ai a'u, faatasi ai ma tali mai lenei tusitaiala matagofie.

Ou te le o mautinoa pe ua ou saunia e tafaoga faamasani. O i ai ni mafuaaga faapitoa e tatau ai ona ou [tafaoga faamasani]?

O le tafaoga faamasani e talafeagai mo se vaega o mafuaaga. O loo faamatala mai i le *Mo le Malosi o le Autalavou* e faapea o se tafaoga faamasani “e faatagaina ai se alii ma se tamaitai talavou e faamasani lelei ai le tasi i le isi. O aganuu e talia ai tafaoga faamasani, e mafai ona fesoasoani ia te oe e aoao ma faatitai ni tomai faaagafesootai, atiae ni faigauo, maua ai le fiafia lelei ma mama, ma iu ai ina maua se soa e faavavau.”¹

Ua matou faalogo e faapea e le tatau ona matou tafafao faamasani a'o le'i atoa le 16 o o matou tausaga ma ia aua nei tafaoga faamasani tumau i soo se tagata a o matou talavou. Aisea?

Fai mai le *Mo le Malosi o le Autalavou*: “E le tatau ona e tafaoga faamasani seiiloga ua 16 tausaga lou matua. A amata loa ona e tafaoga faamasani, ia o ma se isi paga po o nisi paga se toatele. Ia aloese mai le tafafao soo ma le tagata lava e tasi. O le atinae ae vave o mafutaga tumau a o laiti e mafai ona faatapula'a ai le toatele o isi talavou e te feiloai i ai ma atonu e mafai ona taitai atu ai i le ola le mama.”²

Ua manao se alii talavou ma te o e tafafao faamasani, ae ou te le lagonaina moni ua tutusa o ma tulaga faatonuina. O le a le mea e tatau ona ou faia?

Ua aoao mai le *Mo le Malosi o le Autalavou*: “Filifili na o i latou e maualuluga o latou tulaga faatonuina e tafafao faamasani i ai ma i le mafuta ma i latou e mafai ai ona e faatumauiina ou tulaga faatonuina. . . . Ia faaalai i taimi uma le agalelei ma le faaaloalo pe a e talosaga atu mo se tafaoga faamasani po o le talia po o le teen'a foi.”³

O nisi taimi e le mafai ona ou mafau-fau i ni manatu mo tafaoga faamasani vagana ai le matamata o se ata tifaga. O le a le mea e tatau ona ou faia?

Ua tuuina mai e le *Mo le Malosi o le Autalavou* ia mataupu faavae aoga nei:



FAASOA MAI LAU TALA

Pe i ai se mea na tupu ia te oe i le faaaogaina o fautuaga mai nei taiala o i le *Mo Le Malosi o le Autalavou*?

- Auauna atu
- Mama Atoatoa i Tulaga Feusua'i
- Sefuluai ma Taulaga
- Galue ma le Faalagolago o le Tagata ia te la Lava

Faamolemole i-meli mau lou aafiaga i le liahona@ldschurch.org ma tuu le "For the Strength of Youth" i le laina o le mataupu. Ia aofia ai lou igoa atoa, aso fanau, uarota ma le siteki, ma le faatagaga a matua (e ala i le i-meli) e lolomi lau tali.

"Ia fuafua ni gaoioiga o tafaoga faamasani e saogalemu, lelei, ma e le taugata ma ia fesoasoani e iloa ai e le tasi le isi. Ia o tau lava na o nofoaga e mafai ai ona faatumauina o outou tulaga faatonuina ma latalata ai pea i le Agaga."⁴

O na vaega faigofie e fa—tafaoga faamasani e saogalemu, lelei, taugofie, ma tumau ai le latalata atu i le Agaga—e maua ai le avanoa mo le tele o tafaoga faamasani sili atu ona manaia.

A o ma toe tomanatu ma lo'u toalua i o maua aafiaga o tafaoga amata faamasani, o aafiaga na e sili ona iloga o taimi ia sa laitiiti pe leai foi se tupe na alu ai, a o matou i ai faatasi ma ni isi paga taitoalua e le itiiti ifo ma le toatasi, ma sa mafai ona matou faia ni talanoaga ma ni fegalegaleaiga anoa.

Puipuia o le Mama o le Tasi ma le Isi

Sei ou faamaea atu i se isi upusii taua mai le *Mo le Malosi o le Autalavou* ma se manatu mulimuli e tasi. Muamua, "Ia manatua o se alii talavou ma se tamaitai talavou e tafafao faamasani, ua ia te i laua le matafaoi e pui-puia le mamalu ma le mama o le tasi ma le isi."⁵ A o outou o i tafaoga faamasani, ia mau-tinoa tou te le faia se mea tou te toe lagona ai le faalumaina. E pei ona aoao mai Peresitene Thomas S. Monson, "Pe a tafafao faamasani,

ia taulima lau paaga ma le faaaloalo, ma ia e faamoemoe foi i lau paaga e faaali atu lena lava faaaloalo e tasi ia te oe."⁶

O Le Eseesega i le va o le Tafao Faamasani ma le Aumoe

O le mea mulimuli, e ui ina faauigaina e nisi le *tafao faamasani* o le "aumoea," ae o le tafao faamasani i le Ekalesia i le autalavou e le faapea ai ua latou "feoai tumau" pe le mafai ai ona latou tafafao faamasani i isi. O tulaga faatonuina o le Ekalesia, o le tafao faamasani ua faamoemoeina e avea o se avanoa mo fegalegaleaiga faaagafesootai lea e mafai ona atinaeina ai ni faauooga se tele.

A o e ulu atu i ou tausaga faaletagata matua—pe a maea misiona mo alii talavou—ona fetalai mai lea o le Alii, "E leai se tane pe a le o i ai le fafine, e leai foi se fafine pe a le o i ai le tane, i le Alii" (1 Korinitho 11:11). O le taimi lena e avea ai le tafao faamasani ma aumoea e pei ona faamafaina i le *Mo le Malosi o le Autalavou*: "Ia avea le tafaoga faamasani ma le faaipoipoga o se faamuamua maua luga. Ia saili se soa e agavaa e alu i le malumalu ina ia faamauiina ia te oe mo le olaga nei ma le faavavau atoa. O le faaipoipo i le malumalu ma le fausiaina o se aiga e faavavau e taua i le fuafuaga o le fafia a le Atua."⁷ ■

FAAMATALAGA

1. *Mo Le Malosi o le Autalavou* (2011), 4.
2. *Mo Le Malosi o le Autalavou*, 4.
3. *Mo Le Malosi o le Autalavou*, 4–5.
4. *Mo Le Malosi o le Autalavou*, 4.
5. *Mo Le Malosi o le Autalavou*, 4.
6. Thomas S. Monson, "Standards of Strength," *New Era*, Oke. 2008, 5.
7. *Mo Le Malosi o le Autalavou*, 5.



Saunia e Hikari Loftus

Mekasini a le Ekalesia

Ona o AIGA

E leai ni aiga se lua e tutusa, peitai na faauuina e le Atua le aiga o le “iunite lautele lea e sili ona taua i le olaga nei ma le faavavau.”¹ Po o fea lava e te nofo ai po o le a foi le tulaga e i ai lou aiga, e mafai e le talalelei ona fesoasoani ia te oe e atiina ae ni fesootaiga malolosi atu ma le malosi faaleagaga a o aumaia le fiafia tele i totonu o lou aiga. Faitau faamatalaga a nei tupulaga talavou i le lalolagi atoa i pogai ua taua ai aiga ia i latou.

O Le Aiga E Faavavau


O Elini, mai Karolaina i Matu, ISA, ma lona aiga (agavale) na i ai i taimi uma se sini e tasi i o latou mafau-fau: ia avea ma se aiga e faavavau. Ae peitai, o le tamā o Elini, sa le o se tagata o le Ekalesia.

“Toe sa mananao lo’u tina ma nai ou tei ia maua foi e tama ia faamanu-iaga o le talalelei. O le talalelei a Iesu Keriso na matou maua ai le fiafia, ma sa matou mananao ia Tama ia aafia ai foi i lona fiafiaga. Sa matou matuai mananao uma lava foi ia faamauina faatasi i matou o se aiga,” na fai mai ai Elini.

O le naunau ai ina ia avea o se aiga e faavavau, sa faia ai e Elini ma nai ona tei ma le tina ia mea uma sa latou mafaia e tautua ai poloaiga ma atiina ae se faatuatua malosi, ma sa latou tatalo faatasi mo le loto o lo latou tama ina ia faagaetiaina e le talalelei.

E ui sa alu ai ni nai tausaga, ae sa iu lava ina papatisoina ma faamauina le tama o Elini. O le sefulu o aso talu ona maea lona papatisoga, sa mafai ai ona ia papatisoina le tuagane ma

*Pe ua e mafau-fau
ea i auala uma
ua faamanuia-
ina ai oe e ala i le
avea o oe ma se
vaega o se aiga?*





le uso laitiiti o Elini. E le o toe mamao ae ausia e lo latou aiga la latou sini o le faamauina i le malumalu.

O Le Aiga e Aumai Ai le Malosi ma le Lagolagosua

Talu lava ona maliu lo laua tama, na faalagolago ai lava Elisapeta ma lona tuagane o, Enau, o Cameroon, Aferika, i lo laua tina. “Sa avea lava o ia ma punavai o fesoasoani ia i maua talu ona maliu lo ma tama. Ua faamanuiaina ma puipuia i matou e le Atua i mea uma matou te faia,” o le tala lea a Elisapeta.

Sa o mai faatasi uma le aiga o Elisapeta (luga) ina ua mavae le maliu o lona tama. Ma, ina ua latou auai i le Ekalesia i le 2010, sa aoaoina ai e Elisapeta ma Enau le taua e faavavau o le aiga.

“O se tasi o mea aupito taua ua ma aoaoina [mai le talalelei] e faatatau lea

i le taua o le aiga,” o le tala lea a Elisapeta. “O le aiga o se mea e sili ona taua ia te a’u aua o lo’u aiga, ua mafai ai ona avea au ma le ituaiga tagata ua ou i ai i le taimi nei.”

O Le Aiga e Aumaia le Tuputupu Ae ma le Toafilemu

Ua aoaoina e Atina, mai Suitiselani, le ala e mafai ai e tagata o le aiga ona fesoasoani le tasi i le isi e atiina ae taleni a o latou fiafia i gaoioiga faafiafia atoatoa.² E fuafuaina e lona aiga se tafaoga a le aiga faalemasina lea latou te aoao atili ai e uiga i mea e fiafia i ai le tasi ma le isi. “Matou te maua le avanoa e tuu atu i o matou tei se vaaiga loloto atu i o matou olaga ma mea matou te faamemelo i ai,” o lana tala lea. I se tasi taimi, sa aoaoina ai e lona tama le aiga e uiga i le aoaoina o taifau (lalo). “Sa manaia le vaaia o lona naunautai ma lona fiafia tele sa i ai e faasoa mai se vaega taua o lona olaga ma le mea e faamemelo i ai ia i matou,” na manatua ai e Atina.

E ala mai i nei gaoioiga faaleaiga, ua atinaeina ai e Atina ni tomai se tele. Ua ia matauina ai foi le faateleina o le toafilemu i lona olaga: “O le aiga o se nofoaga lea e mafai ona ou malolo ai mai le popolevale o le olaga i aso fai soo ma manava toafilemu ai, ma faapea foi ona maua ai le malosi ma iloa ai ou te le tau tu na o a’u i lenei olaga. Ou te faafetai mo lenei mea aua o le lalolagi i aso



AIGA TUUTO

“O le mafuaaga aupito taua o o tatou

olaga, o o tatou aiga. Afai o le a tatou tuuto atu i tatou lava i lenei faamoemoe, o le a tatou faaleleia isi vaega uma o o tatou olaga, o ni tagata ma se ekalesia, o se faataitaiga ma se faailoilo mo tagata uma o le lalolagi.”

Elder M. Russell Ballard o le Korama a Aposetolo e Toasefululua, “Ina Ia Maua Le Ua Leiloa,” *Liahona*, Me 2012, 98.

nei ua saoasaoa tele ma malomaloa. Ua ou fiafia o loo i ai so’u nofoaga ou te maua ai se faasiligamalosia ma mapu ai.”

E ui o o latou mafuaaga atonu e eseese, ae ua iloa e nei tupulaga talavou e mafai ona latou faalagolago i o latou aiga mo le lagolagosua, toafilemu, ma le alofa. ■

FAAMATALAGA

1. *Family Guidebook* (tamaitusi, 2001), 1.
2. Tagai “O Le Aiga: O Se Folafulaga i le Lalolagi,” *Liahona*, Oke. 2004, 49.





O MEAALOFA E LE MAFAI ONA E AFIFIIA

Auauna atu

O le tasi o meaalofo silisili e mafai ona e tuuina atu o le auauna atu. O le a matuai fiafia i ai ou matua.

- Tapena le fale.
- Ofo atu e vaai tamaiti.
- Faatulaga ma tapena le laulau.
- Gasese le meaai o le afiafi mo lou aiga.
- Faamama ipu pe salu le fola o le fale.
- Fesoasoani i sou tei i ana meaaoga.
- E faalagolago i le tau o le atunuu o loo e nofo ai, sua ese le auala savali pe vele le togalaau.



Saunia e Elyse Alexandria Holmes

I le vaitau o le Kerisimasi e masani ona tatou tulimatai atu i le tuuina atu o meaalofo ia i latou tatou te alolofa i ai. Ae ia manatua o nisi o nei meaalofo silisili o meaalofo ia e le mafai ona e afifia. O nisi nei o meaalofo e le mafaagaloina e mafai ona e tuuina atu i ou matua.





Tautinoga

Ia faailoa atu i ou matua ua e faia se tautinoga i se mea taua. O le auala sili e faailoa atu ai lou tautino o le amata nei ma faaaauai ai lava.

- Saunia e fai se misi-ona (mo alii talavou). Amata nei i le faapu-tuina o se tupe mo le misiona pe a mafai.
- Suesue i aso uma i tusitusiga paia.
- Sefe se vaega o au tupe maua.
- Alu i le aoga e aunoa ma le faitio ma fai au meaaoga i le taimi e tatau ai.
- Auai i le seminare. Afai e te auai i le seminare i le taeao, ia e ala lava oe i luga.
- Sauni mo le faaipo-ipoga i le malumalu. Fai se lisi o uiga taua e te suea i se toalua i le lumanai ona atiina ae lea o na uiga ia te oe lava.



Taimi o le Aiga

E tusa lava pe pisi au fuafuaga faatulagaina, ia faaavanoa se taimi mo lou aiga. O lou i ai o le a lago-lago ai ou matua, ma o le a la faafetai atu ia te oe mo au taumafaiga.

- Auai i afiafi faaleaiga (e aunoa ma le tau faamanatu atu e uiga i ai).
- Taaalo ma nai ou tei.
- Ia i ai i le taimi tonu mo taumafataga i le afiafi a le aiga.
- Talanoa ma faalogo atu i tagata o le aiga.
- Auai i tatalo faaleaiga ma le faitauina o tusi-tusiga paia.
- Faaalu se taimi ma lou aiga nai lo na o au uo, pe valaaulia au uo i gaoioiga faaleaiga (i le faatagaga a ou matua).



Amio po o uiga faaaliala

O le a talisapaia e ou matua o se uiga faaaliala lelei ia i laua ma isi tagata o lou aiga.

- Ia i ai se uiga lelei.
- Aua e te vaavaai masei i ou matua po o nai ou tei.
- Ia fai se masani o le fai atu faafetai, e oo lava i mea laiti.
- Tusi se tusi faafetai i ou matua mo mea uma ua la faia mo oe.
- Faalelei ni feteenaiga ma ou matua po o nai ou tei e aunoa ma le ita po o ni finauga.
- Faitau moni ou— faamanuiaga. Fatu se lisi o mea ua mafai ona e faia ona o le lagolago a ou matua, ma faasoa atu lena lisi ia i laua. ■

1 Korinito 15:20-22

I nei fuaiupu o loo folafola mai e le Aposetolo o Paulo e faapea o le Toetu o Keriso o lona uiga o le a toetutu tagata uma.

aso, ma i latou o e e lei fananau mai ma e lei maliliu ua faatoa laveaia lava.

“O se taunuuga o le manumalo o Keriso i le tuugamau, o le a tatou toe tutu uma ai. O le faaolataga lenei o le agaga.”

Peresitene Thomas S. Monson, “E Le o linei o la ae Ua Toetu,” *Liahona*, Ape. 2011, 4.



E Faapea Ona Faaolaina Uma ia Keriso

“Ou te le iloa po o tatou faafetaia atoatoa le matua taua tele o lo tatou

talitonuga i se toetu moni lava, mo le lalolagi. O le mautinoa o le tino ola pea o le faavae lea o lo tatou faatuatuaga. . . .

“I la tatou faigamalaga e faavavau, o le toetu o le pou faailo malosi lea e faailoga ai le iuga o le olaga lenei ma le amataga o le olaga a sau. . . . Ua tatou iloa foi, mai faaaliga i ona-ponei, a aunoa ma le toe faatasia o o tatou agaga ma o tatou tino i le toetu e le mafai ona tatou maua se ‘atoatoaga o le olioli’ (MF&F 93:33–34).”

Elder Dallin H. Oaks o le Korama a Aposetolo e Toasefululua, “Toetu,” *Liahona*, Iulai 2000, 17.

A o lenei, ua toe faatuina mai Keriso i e ua oti, ua avea ma faapolopolo o e ua momoe. Auā ua oo mai le oti talu le tagata, 21 ua oo mai foi le toe tutū o e ua oti talu le tagata. Auā faapei ona oti 22 uma ia Atamu, e faapea foi ona faaolaina uma ia Keriso.

Faapolopolo o E Ua Momoe

Uluai fua—o fualaaauina mata, fualaaau faisua, ma fatu e muamua pula i le seleselega.

I lalo o le tulafono a Mose, o uluai-fua e ofoina o se taulaga paia i le Alii e faaali ai le agaga faafetai ma le tuuto. Talu ai o uluai-fua o se faailo ua amatalia le seleselega ma e tele atu isi laau toto o le a maua mai, o loo faapea mai ai le Aposetolo o Paulo, o Iesu Keriso o le uluai tagata (“o e ua momoe”) ua toetu mai i e ua oti ma e toatele isi tagata o le a toetutu mai.

E Pei Ona Oti Uma ia Atamu

Ona sa pauu Atamu ma Eva, o lea e tatau i tagata ola uma ona oo i ai le oti faaletino (tagai i le 2 Nifae 9:6; Mose 6:48).

O le faamatalaga a le faatonu: O lenei itulau e le o se faamalamalama atoa o mau na filifilia, ae ua na o se amataga mo au lava suesuega.



O Lenei Ua Toetu Mai Keriso mai le Oti

“E leai ni upu a atunuu Kerisiano e sili atu ona anoa ia te a’u nai lo na upu na

fai atu ai le agelu ia Maria le Makatala ma le isi Maria a o fetagisi, ina ua la taunuu atu i le tuugamau e asi le tino o lo laua Alii: ‘Se a le mea tou te saili ai le ua soifua i e ua oti? E le o iinei o ia, a ua tu’ (Luka 24:5–6).

“Faatasi ai ma lenei folafolaga aloaia, o i latou o e sa ola ma ua maliliu, o e o loo ola nei ma o le a maliliu i se



FAFAGAINA ○ E FIAAAI

*O mea laiti e mafai ai ona tatou faafetauia manaoga tetele
—i le faaletino ma le faaleagaga.*

Na saunia e Dallin C. Wilcox

Ia Tesema o le 2004, sa ou auauna ai o se faifeautalai faamisiona i Lins, São Paulo, Pasila. Sa filifili le uarota ma le paranesi i le lotoifale e auai i le polokalama faaletausaga a Pasila o le “Natal sem Fome” (Kerisimasi e aunoa ma se Fiaai). O le aufaatasi ai ma isi tagata—e aofia ai fitafita mai le vaegaau a Pasila, ave meli, ma tagata o isi ekalesia—sa matou uia ai nisi o pitonuu i le aoina o meaai ia o le a tuuina atu i se taimi mulimuli ane i tagata matitiva o le aai. Sa matou faaagaina foi lenei mea o se avanoa lelei lea e tufa atu ai kata e pasi solo, po o “kata mo faauooga” e pei ona matou ta’ua ai. E tusa ma le 2,000 na tufatufaina ai.

E toatele le au paia na faailoa mai ni lagona lelei sa latou lagonaina a o latou auauna atu ma fetufaai i le agaga o le Kerisimasi i lalo o le la vevela o Pasila. O se vaaiga faagaetia le vaaia o fitafita o tufaina atu nei kata e pasi solo mai se ekalesia latou te le auai.


E tasi le vaiaso mulimuli ane, ae ma maua ni talosaga se 127 mo le DVD o le Kerisimasi *Joy to the World* lea e

faaalua ai le Aufaipese a le Tapeneko Mamona. O le vaiaso sa sosoo ai e 22 isi talosaga na maua mai. Sa amata ona ma aoaoina ma la’u soa ia nei tagata ma sa mafai ona ma ulu atu i le tele o maota ona o se taunuuga o lenei galuega faatino.

O le a le galo ia te a’u le olioli ma le alofa o lena galuega faatino faapitoa, ina ua ma fesoasoani e faasalalau atu le talalelei ma aumai le mapusaga i le tele o le fiaaai o aiga. Sa tuutiitia uma le fiaaai faaleagaga ma le faaletino.

Ou te iloa e ala atu i mea laiti ma faatauvaa (e pei o kata e pasi solo) na oo mai ai le tele o mea maoae ma le matagofie (e pei o le faaolataga o agaga o tagata). O lenei aafiaga sa o se molimau e faapea e tele avanoa e siomia ai i tatou i le vaitau o le Kerisimasi ma isi vaitau ina ia faataunuua ai lenei galuega maoae ma le ofoofogia. ■

O le DVD Joy to the World ma kata e pasi solo mo le DVD o loo maua i le store.lds.org.



AUALA E FAUSIA AI LE LOTOGATASI O LE KORAMA

A faauuina oe o se tiakono e pei o Tyler ma Gerrit, e avea oe o se vaega o le korama o le perisitua. O nisi nei o manatu o ni auala e mafai ona e fesoasoani ai e fausia le lotogatasi i lau korama:

- la faaaofia ai tagata uma.
- Fai faatasi galuega auauna atu.
- Tuuina atu faamalosiaga.
- Faalogo i le tasi ma le isi.
- Mulimuli i faatonuga mai taitai.
- Fesoasoani i le tasi ma le isi ia ola i tulaga faatonuina o le talalelei.

OLA FAATASI O NI TIAKONO

E ui ina matuai eseese o laua foliga, ae o nei alii talavou e toalua e tele ni mea la te tutusa ai.

O Tyler W. e ono futu (1.8 m) le umi, e lanumumu lona lauulu, ma e see i seevae e 13 le tetele. O Gerrit V. e fa futu valu inisi (1.4 m) le umi, e enaena lona lauulu, ma e see i seevae e 2 ½ le tetele. Peitai e ui ina eseese i laua faaletino, ae e ta'u i laua e o laua aiga o le “masaga” aua o i laua o se uo lelei lava ma e tele mea la te tutusa ai.

O Gerrit ma Tyler e tai 12 o la tausaga ma e i le korama e tasi o le au tiakono. E tau fai fiafia uma i laua e taaalo i taaloga, faaalu o la taimi faatasi ma o laua aiga, ma le aoaoina o mea fou. E tofu foi i laua ma ni moli-mau i le talalelei ma e taumafai e faamamalu le Perisitua Arona. “E tatau ona ma faataunuaina o maua tiute faaleperisitua ina ia mafai ona ma aoao ai,” o le tala lea a Gerrit.

E fiafia uma i laua e faataunuu na tiute e ala i le tufaina o le faamanatuga ma le aoina o taulaga anapogi.

La te fesoasoani foi e faaumea mai isi tiakono o la latou uarota e ala i le valaauliaina o i latou e o mai ia Keriso. “Afai e leai se tasi i o, e tusi e le tasi o i maua se tusi puupuu ia te ia e ta'u i ai mea uma sa matou aoaoina i le lotu. Ona ma aveina lea i ai ma faapea atu, ‘Faamolemole sau i le lotu,’” o le tala lea a Gerrit.

E auai foi Gerrit ma Tyler i le Tiute i le Atua. Ua la faia ni fuafuaga e faitau atili i tusitusiga paia. “E mafai ona fesoasoani tele i ou talitonuga ma faamalosiaga ai lau moli-mau,” na fai mai ai Tyler.

O nei alii talavou o ni tiakono e pei lava o oe po o isi tiakono e te iloina. E i ai mea la te eseese ai ma mea la te tutusa ai. Ae o le mea e sili ona taua, o i laua uma o fanau a le Atua ma e mananao e auauna ia te Ia, aufaatasi i lo laua korama o le perisitua. ■



**Saunia e
Elder D. Todd
Christofferson**

O Le Korama a
Aposetolo e Toasefululua

*O sui o le Korama a
Aposetolo e Toasefulu-
lua e ta'ua o molimau
faapitoa a Iesu Keriso.*

E mafai
faapefea ona avea
a'u ma molimau a
Iesu Keriso?

O i tatou o molimau a
Iesu Keriso pe a tatou
ola ina ia atagia atu ai
Ana aoaoga. O le ala
tatou te faia ai se mea,
tautala, tilotilo, ma
faapena foi i le mafau-
fau e atagia ai o la ma
Ona ala.

O i tatou o molimau a
Iesu Keriso pe a tatou
talanoa i isi e uiga i o
tatou lagona e uiga ia
te la.

O i tatou o molimau
a Iesu Keriso pe a
tatou ola ma se vaaiga
fiafia e faaali ai lo tatou
faatuatua ia te la.

O i tatou o molimau a
Iesu Keriso pe a tatou
molimau atu i isi ma
fesoasoani ia latou
aoao e uiga ma muli-
muli ia te la.

Saunia e Rachel Lynn Bauer

E faavae i se tala moni

*“Fanau a le Atua ia vivii,
aumai meaalofo mo le Alii”
 (“O Le Pese a Agelu,”
Liahona, Tes. 1993, 8).*

Taimi mo le afiafi faale-
aiga!” o le valaau mai
lea a Tama.

Sa ou topetope atu i le
potu malolo. Matou te faia
i taimi uma ni mea malie i
le afiafi faaleaiga muamua
o Tesema.

Sa tamoe muamua atu i o’u
luma lo’u uso laitiiti o Michelle,
ma oso i luga o le nofoa faamalu
lanumoana.

“E le fea!” Sa ou alaga atu ai. “Sa
e nofo iina i le vaiaso lea ua te’a.
O lo’u taimi lenei.”

“O au na muamua mai ii, ia ou
te nofo ai ii,” o lana finau mai lea.
“Nofo oe i luga o le nofoa umi.”

“Ou te le fia nofo i luga o le
nofoa umi,” na ou oso atu ai.

Sa ou matele atu i le nofoa faalua
ma liliu ese ina ia ou le tilotilo atu ia
Michelle. Na te matuai faaitaina lava
a’u i nisi o taimi! Faapea lava o ia
na te mauaina uma mea e manao i
ai. Soo se taimi lava ou te faitio ai, e
fai mai Tina ia te a’u, e le tatau ona
ou aiu.

Ina ua uma ona usu e lo matou
aiga se viiga ma fai le tatalo, sa fai
mai Tama, “O le Kerisimasi o se
taimi fialia lea, ma e tatau ona tatou
manatua le uiga moni o le aso fialia.
O le afiafi nei o le a tatou amata ai i
a tatou meaalofo mo Iesu.”

A tatou meaalofo mo Iesu. Ua
galo ia te a’u le mea lena!

“Tatou te faamanatuina le Keri-
simasi aua sa fanau mai ai Iesu,”
o le faaauau lea a Tama. “O Ia ua
mafai ai ona tatou maua le meaalofo

silisili—o le ola e faavavau ma le
Tama Faalelagi.”

“Ae o le a le mea na Ia fai mai
tatou te faia?” O le fesili lea a tina.

“Ia mulimuli ia te Ia ma tausia Ana
poloaigna,” na tali atu ai lo’u tuagane.





mea o le a tatou faia ia avea atili ai e faapei o Iesu.

Sa vave ona ou iloa la'u mea-alofa. Sa aoao mai i tatou e Iesu e alolofa atu i isi, e tusa pe latou te faaitaina i tatou. Sa ou iloina sa manao Iesu ia ou alofa i lo'u uso. Sa ou tusia, "O le a ou agalelei ia Michelle."

Sa matou tuuina a matou kata i totonu o se pusa sa afiina i se pepa lanuau. Sa matou tuuina le pusa i lalo o le laau Kerisimasi. Soo se taimi matou te tilotilo atu ai i le pusa, e tataua ona matou manatua le mea-alofa a le Faa-ola ia i matou ma la matou mea-alofa mo Ia.

O ni nai aso muli-muli ane, sa ou vaaia ai ua ave e Michelle lo'u mitiafu ou te fiafia lava i ai e aunoa ma le faanoi mai. Sa ou fia ee atu ia te ia. Ona ou tilotilo atu lea i le pusa lanuau ma manatua ai lo'u alofa tele ia Iesu. E mafai ona ou faaali atu ia te Ia le alofa e ala i lo'u agalelei i lo'u uso. Sa ou fai atu, "Ese lou aulelei i lenei aso, Michelle."

Sa ataata o ia. "E faamalie atu ou te le'i fai atu ou te ofu i lou mitiafu. E te le'i i ai iina i le taimi na fai ai o'u lavalava, ae sa ou manao ia ou foliga aulelei teisi atu mo le pati o le Kerisimasi a le matou vasega."

Sa ou lagona le fiafia i totonu. Sa ou fiafia sa ou filifili e agalelei atu ia Michelle nai lo lo'u ita ia te ia.

Mo lena masina atoa, sa ou tau-mafai lava e manatua lena lagona lelei ma o la'u sini ia ou faapei o Iesu. Sa faasolo ina ou lelei atili i le onosai ma le aga-alofa.

I le Vaeluaga o le Kerisimasi, sa faitau e Tama le tala i le fanau mai o le pepe o Iesu, ae o i matou uma na faatinoina. Sa ou filifili e fai ma agelu nai lo le ma finau ma Michelle po o ai e faatinoa le vaega a Maria.

O le mea na sosoo ai sa matou tatalaina le pusa lanuau ma faitau leotele a matou mea-alofa mo Iesu. Ina ua ou faitauina la'u mea-alofa, sa fai mai Tina, "Sa ou matauina sa e agalelei atili ia Michelle. Ua ou mitamita lava ia te oe!"

Sa ou mitamita foi. Ou te le'i talaia ni mea-alofa i lena taimi, ae o lea ua ou mauaina se mea faapi-toa: o se lagona mai le Agaga Paia e ta'u mai ai ia te a'u sa ou faia le mea sa'o. ■

Sa tufa mai e Tina ia i matou taitoatasi se kata ma se peni. Sa tataua ona matou tusia ai pe o a ni auala o le a matou faaali atu ai ia Iesu matou te alolofa ia te Ia. O le tatou mea-alofa lena—ia filifili se



"I lenei vaiata o le Kerisimasi, e ala i a tatou tu ma aga eseese o le Kerisimasi, ou te faamoemoe o loo tatou tepataulai muamua atu i le Alii o Iesu Keriso."

Elder Russell M. Nelson o le Korama a Aposetolo e Toasefulu-lua, "Christ the Savior Is Born," *New Era*, Tes. 2006, 2.

O La Tatou Itulau



LATOU TE FIA VAAI I LE MALUMALU

Sa asiasi atu tamaiti Peraimeri o le Uarota Tolu a La Florida i Santiago, Chile, i lotoa o le malumalu faatasi ma o latou taitai Peraimeri ma lo latou au epikopo. A o latou maimoa faataamilo i togalaau mananaia, sa latou talanoa i faamoemoga o malumalu, ma sa latou usuina le pese “Ou Te Fia Vaai i le Malumalu” (*Tusipese a Tamaiti*, 99). Sa latou matamata foi i se vitio e uiga i le soifuaga o Iesu Keriso.



O MAI I LE MALUMALU

Ou te auina atu faamamuiaga mai le malumalu. Sa o se ata matagofie le taimi na matou o atu ai ma isi tamaiti mai le Siteki a Libertad Ekuatoa ma mafai ona matou asiasi i lotoa o le Malumalu o Guayaquil Ekuatoa. Matou te valaaulia ia tamaiti uma o le lalolagi ia vaai i le malumalu pe afai latou te mafaia—o se nofoaga e ese le matagofie.

Aida V., 10 tausaga, Ekuatoa

O LE A OU AOAO ATU E UIGA I LE PEROFETA O IOSEFA SAMITA

Ile Peraimeri sa matou aoaoina ai le pese “O Le Talosaga Muamua a Iosefa Samita” (*Viiga*, nu. 14), ma o lea ua avea nei ma viiga e sili ona ou fiafia i ai. A avea au ma se faifeautalai, o le a ou faasoa atu le tala e uiga i le Togavao Paia i tagata ou te aoaoina. Ou te alofa ia Iesu Keriso ma le Perofeta o Iosefa Samita. Ou te iloa e moni le Ekalesia.

Axcel C., 5 tausaga, Peru



O Le Togavao Paia,
na saunia e Axcel C.



E FIAFIA O IA I AFIIFI FAALEAIGA

Na vave ona lagona e Helena C., e 9 tausaga, mai Costa Rica, le pei sa avea o ia ma se tagata o le Ekalesia ina ua uma ona papatisoina o ia e lona tama. E fiafia o ia i lesonea i afiifi faaleaiga e uiga ia Iesu Keriso. E fiafia o ia e alu i le aoga ma taaalo ma ana uo.



O Le Kerisimasi—Ua Fanau Keriso, na saunia e Oluchukwu O., 9 tausaga, Nigeria



Toefuataiga o le Perisitua Arona, na saunia e Felipe L., 12 tausaga, Pasila



O SE CHIGIRI-E O PERESITENE MONSON

Ile umi e ono masina, sa fatuina ai e tamaiti Peraimeri o le Uarota a Fuji i Shizuoka, lapani se *chigiri-e*, o se pepa tele o ata ma faamatalaga mai pepa na saeia, o loo faaalai ai Peresitene Thomas S. Monson. E tele se taimi ma ni galuega na alu ai, ae sa galulue faatasi tagata uma a o mafaufau ma aoao e uiga ia Peresitene Monson.

MANATU LELEI

“O mai ia Keriso.”

—Moronae 10:32

TAMAITI



O Le Malamalama o le Lalolagi



Saunia e Kimberly Reid

E faavae i se tala moni

“Aua e faapei ona oti uma ia Atamu, e faapea foi ona faaolaina uma ia Keriso” (1 Korinito 15:22).

Sa tutu Elini i le Lotoa o le Malumalu i le Aai o Sate Leki ma tilotilo i faatusa tetele o le vaaiga i le soifua mai o Iesu ma faatalitali mo le musika ma le tala ina ia amata. Sa feemoemoa'i moli Kerisimasi na siomia ai o ia. Peitai sa le'i pei o se vaitau o le Kerisimasi.

“O lelei lou faalogona?” o le fesili lea a Tina.

Sa luelue le ulu o Elini, ae na te le o mautinoa.

Sa o ni nai aso ua mavae, sa oti ai se tamaitiiti mai le vasega a Elini i le aoga ona o se faalavelave tau taavale. Sa ia vaaia le fetagisi

o le toatele o tagata i le maluu, ma sa tagi tele foi o ia. Na te le'i iloa ina tele foi le tamaitiiti, ae sa iloa e Elini sa alolofa tele le aiga o le tamaitiiti i le tamaitiiti e pei foi ona alolofa tele lona aiga ia te ia. Sa ia lagona le fefe i le iloa e mafai ona tupu se mea faapena i se tagata o lana tupulaga.

O lea la ua ia le lagona ai le fiafia mo le Kerisimasi. Sa ia lagona i taimi uma le popole—le fefe e alu i totonu o se taavale, fefe e taumamao mai ona matua, fefe e alu ese mai lona fale ina ne'i tupu se mea leaga ia te ia ao aluese atu. Sa le mafai e moli Kerisimasi uma i le Lotoa o le Malumalu ona tafiese le lagona popole sa i totonu ia te ia. E mafai faapefea ona ia maua le fiafia i se lalolagi e le o taimi

uma e saogalemu ai o ia?

“O lea o le a amata,” o le tala lea a Tama. Sa tusi atu lona lima i le vaaiga o le fanau mai o le pepe o le Kerisimasi.

Sa ola mai sipika faaleotele leo, ma amata ona tautala mai se leo. Sa tata mai musika, ma sa faasusulu tonu ifo molisulu i lalo i faatagata o leoleo mamoe, Au Makoi, Maria ma Iosefa. Sa faalogologo Elini i le tala masani. Sa fanau le pepe o Iesu ma faataoto i se faatanoa vaovao. Sa pepese agelu. Sa ifo atu leoleo mamoe. Sa olioli le Au Makoi.

Sa tilotilo atu Elini i foliga o ona matua ma le aofia na tumutumu faataamilo i le vaaiga o le fanau mai o le pepe fou. Sa latou foliga fiafia uma. Ae aisea ua fiafia tele ai



"O Iesu Keriso o le . . . mala-malama o le lalolagi aua o ana faataitaiga ma ana aoaoga e faamalamalamaina ai le ala e tatau ona tatou uia e toe foi atu i le afioaga o lo tatou Tama oi le Lagi."

Elder Dallin H. Oaks o le Korama a Aposetolo e Toasefululua, "O Le Malamalama ma le Ola o le Lalolagi," *Liahona*, Ian. 1988, 58.

tagata uma i le pepe o Iesu pe afai e le mafai e Lona fanau mai ona taofia le tutupu o mea leaga? Sa le'i fiafia Elini i le fesili sa feosofai i lona ulu. Na pau lava le mea sa manao i ai, ia uma lona lagonaina o le fefe.

Sa uma le tala, ma sa faalogo-ina le leo sa pueina o le perofeta i luga o le sipika faaleotele leo. Sa ia tuuina mai lana molimau ma faitau mai se mau mai le Tusi Paia: "Aua e faapei ona oti uma ia Atamu, e faapea foi ona faaolaina uma ia Keriso" (1 Korinito 15:22).

Sa tope le tata o le fatu o Elini. Sa ia toe faia ia upu i lona mafaufau, ma taumafai e manatua. *Aua e faapei ona oti uma ia Atamu, e faapea foi ona faaolaina uma ia Keriso.*

Fai mai le mau lena, o le a oti

tagata uma—tagata laiti, tagata matutua—tagata uma lava. Ioe, sa iloa e Elini lena mea, ae sa le'i mafaufau tele i ai muamua. Sa faapea sa laitiiti tele o ia e mafaufau i mea faapena. Ae sa le'i laitiiti tele o ia e maua se molimau o le upumoni: ona o Iesu Keriso, o le a toe ola ai *tagata uma*. O le mafuaaga lena na olioli ai le au leoleo mamoe ma le Au Makoi. Sa latou malamalama i le mea na afio mai Iesu i le lalolagi e fai.

Sa tilotilo mai Elini mai le tamai faatanoa vaovao i se faamalama i le nofoaga autu o tagata asiasi o loo i tua ane o le vaaiga o le fanau mai o le pepe fou. I totonu o le fale sa faasusulu atu ai se malamalama i luga o se faatagata lapoa o Iesu o loo faaloloa mai Ona lima

faamanualia. Sa mafaufau Elini i le pepe meamea i le moega vaovao ma Lona tuputupu ae i se tagata sa i ai le mana uma. Ae peitai sa Ia filifili e taulaga Lona ola mo ia. Sa soifua mai o Ia ina ia mafai ona toe ola o ia [Elini]. E tusa lava pe o le a le mea e tupu, e mafai ona lagona e Elini le saogalemu i le alofa o Iesu.

Sa lofia o ia i le toafilemu. Sa tau le mafai ona ia faamatalaina pe na faapefea, ae sa mouese atu lona popole. Ina ua tilotilo atu o ia i le faatagata o Iesu Keriso, na susulu malosi atu nai lo moli emoemo o le Kerisimasi, sa ona tau le iloaina ai le lagi pogisa o le po. Sa pisi tele o ia e lagona le mafanafana o le faamoe-moe lea sa amata tupu ae i totonu ia te ia. ■

E mafai ona e faaaogaina le
lesona ma le gaoioiga lenei e
aoao atili ai e uiga i le autu o le
Peraimeri i le masina lenei.

O Iesu Keriso

o le Alo o le Atua

Vaai faalemafaufau o loo e malaga i le toafa. O le malaga e umi, o lau tietie i le kamela e patupatu solo, ma e te le o mulimuli foi i se faafanua! Ae, o loo e mulimuli i se fetu. O a ni ou lagona e i ai? Mata e te maua le faatuatua e te alu ai pea?

I le lua afe tausaga ua mavae, o le mea tonu lava lena sa fai e le Au Makoi. Sa latou vaaia se fetu pupula i sasae ma faimalaga atu loa agai i Peteleema e ifo atu i le pepe o Keriso ma ni meaalofo matagofie. Ma sa le na o le Au Makoi ni tagata sa vaaia atu i le fetu. I le isi itu o le vasa laolao, i le konetineti o Amerika, sa vaaia ai sa Nifae i le fetu ma iloa ai ua fanau Iesu Keriso, le Alo o le Atua.

O aso nei, o le mafaufau i lena fetu e faamanatu mai ai ia i tatou le Faaola. Sa susulu i le pogisa ma faasino ai i le Au Makoi le ala, e pei lava ona faaali mai e Iesu ia i tatou le ala tatou te ola ai. O le fetu foi sa tumau, e pei lava o le alofa o le Faaola mo i tatou. O le isi taimi e te vaavaai atu ai i fetu, ia manatua o Iesu Keriso o le Alo o le Atua ma le Malamalama o le Lalolagi! ■

GAOIOIGA FMT: FAAIOLOGA O LE FAAOLA

E tele mea sa faatusalia i ai e Iesu Keriso o la lava. O le susesueina o nei faatusasaga, tatou te iloa ai mea e tele e uiga ia te la. Faitau faatasi o se aiga ia mau nei ma talanoaina po o a mea e ta'u mai i nei faailoga e uiga i le Faaola.




Leoleo Mamoe (tagai i le Salamo 23:1)



Tamai Mamoe (tagai i le Ioane 1:29)



Areto (tagai i le Ioane 6:51)



Vai (tagai i le Ioane 4:14)



Papa (tagai i le 2 Nifae 8:1)

PESE MA LE MAU

- "Pese O Le Kerisimasi," *Tusipese A Tamaiti*, 32–33.
- Mataupu Faavae ma Feagaiga 11:28



NA O OE

Fai ni teuga o le Kerisimasi e manatua ai ni auala ua faamanuiaina ai e le Faaola lou olaga. Oti ese ia fetu ma faapipii i se pepa malo. I le pito i tua o teuga, faapipii ai sou ata po o se ata o lou aiga, ma tusi ai se mea e te manao e fai e mulimuli ai ia Iesu Keriso, le Malamalama o le Lalolagi. Oti ia pu o loo pito i luga ma momono ai se manoa i pu e faauma ai ia teuga.

O Le Taliina O Se TATALO o le Kerisimasi



Saunia e Peggy Schonken

E faavae i se tala moni

“Ma o le a manatua foi e le Alii tatalo a e amiotonu, ia sa tuuina atu ia te ia mo i latou” (Mamona 5:21).


Sa ala a’e Peggy i le taeao o le Kerisimasi. Sa fialia o ia e maua se meataalo fou manaia ma ai i se taumafataga o le Kerisimasi. Ae a o fetilotofofa’i solo o ia, sa ia iloaina o le a ese lenei tausaga. E ui ina sa galue malosi lona tama, ae sa le lava ni tupe mo lona aiga.

Sa leai ni faailo o se taumafataga o loma o le Kerisimasi. Sa leai ni mea i luga o ipu e tuu ai fualaa faisua, ma sa leai ni meaai i le pusaaisa.

Sa savavali atu Peggy ma lona tuagane o, Malcolm, i le faitotoa o le potumoe o o la matua ma vaaia ai i laua o tootutuli i talaane o le la moega. Sa la faalogologo ma le fifilemu a o tatalo Tina ma Tama i le Tama Faalelagi e fesoasoani ia maua e le aiga ni meaai.

“Sau,” o le tala lea a Peggy ia Malcolm. “Ta o i fafo.”

Sa o i fafo Peggy ma Malcolm ma tau mai ni laugasese vao sa ola i aufata o le faatoaga. Atonu o le a leai ni meataalo i lenei tausaga, ae e



mafa'i lava ona la faia lo latou fale ia lagona e pei o le Kerisimasi.

Sa la lagona le fiafia ina ua uma ona la teuina lo latou fale i lau-gasese lanumeamata, ae sa leai lava se faailo o ni meaai.

"O le a saunia e le Alii," o tala lea a Tina. "Ia ta o e faatulaga le laulau."

Sa tuu e tama ipumafolafola i luga o le laulau ae seti e Tina ia tui ma sipuni.

Sa fetilotilofa'i tamaiti i le tasi ma le isi ma le le mautonu i o la foliga. Sa saunia le laulau, ae sa leai lava ni meaai. Sa le umi ae te'a atu le taimi o le malutaeao, ae latalata mai le 'aiga o le aoauli. Sa mafa'i ona lagona e Peggy ni nai gogolo o le fiaai. Sa mafaufau o ia pe o le a faapefea ona maua e lona aiga ni meaai.

Sa minoi vae o le uati i le 12:00, soo ai ma le 12:30, ma le 12:45. Sa leai lava se mea. Ona faalogoina lea e Peggy se tu'itu'i i le faitotoa.

Sa nanati atu o ia e tatala le faitotoa ma sa faateia i le vaaia ai o le aiga o Kirk o tutu mai iina. Sa latou uuina mai se fasipuaa ta'o, falaoa, moa, salati, ma meaai suamalie. Sa matuai le talitonu Peggy i le mea sa ia vaaia.

"Sa matou saofafai e sauni e fai le matou meaai o le Kerisimasi ae



matou mafaufau mai loa ia outou," o le tala lea a Brother Kirk. "Matou te faamoemoe o le a outou faaagaina nei meaai."

Sa lulu e Tama le lima o Brother Kirk, ae amata ona tuu e Tina ia meaai i luga o le laulau o le umukuka. Sa i ai pea le lagona faateia o Peggy. Sa tilotilo atu o ia ma ni mata lapopoa ia Tina ma Tama, ae sa foliga mai sa la iloina lava e tupu lenei mea.

Sa iloa e Peggy na sa'o le lagona sa ia maua i le taeao. O le Kerisimasi lenei sa ese lava. O le Kerisimasi lenei sa ia aoaoina ai e faafofoga ma tali mai le Tama Faalelagi i tatalo. Ma o le meaalofa sili lena e mafa'i ona ia mauaina. ■



"O le tatalo faamaulalo, ma le faatuatua e aumai ai le taitaiga ma le filemu."

Elder Richard G. Scott o le Korama a Aposetolo e Toasefululua, "Faaaogaina o le Meaalofa Faalelagi o le Tatalo," *Liahona*, Me 2007, 8.

Paaga Sanuisi

Saunia e Heidi Poelman

E faavae i se tala moni

1. Sa oso Viliamu i totonu o le taavale i talaane o Ierome ma faamau le fusipa'u o lona nofoa.

Ua saunia tagata uma mo le aogaamata?

loe!

loe!

2. Sa amata ona ave atu e le tina o Ierome le taavale i le auala, ae tatala e Viliamu le pusa o lana meaai. Sa ia aumaia i fafo se sanuisi pata pinati ma le sieli ma u i se u tele.

3.

Sa tilotilo atu Ierome i le sanuisi a Viliamu. Sa ese le manaia. Sa fiaai Ierome.

4. Tina, ua ou fiaai. E i ai se mea iina ou te ai ai?

Ia e malie, Ierome. Sa ta aai ae ta te le'i o mai. E leai se isi mea o ia te a'u.

Ua lelei.

5. Sa faanoanoa Ierome. Sa manao foi o ia i se sanuisi.

6. Sa tilotilo mai Viliamu ua faanoanoa Ierome. Sa ia vavaeina se fasi mea o lana sanuisi ma tuu atu ia Ierome.


Ia o oe lena!

7. Faafetai, Viliamu. Ese lou lelei.


Aua le popole. O le aoga lena o uo!

AVEA MA SE UO

O se tasi o auala e mafai ona avea ai oe ma se uo o le fesoasoani atu i isi tamaiti. E mananao Viliamu ma Ierome e fai ni mea mananaia mo isi tamaiti i le malaetaalo. Lio tamaiti o loo i le malaetaalo o loo manaomia le fesoasoani.



ITULAU E VALIVALI



**Na vaai Iosefa Samita
ma molimau atu ia
Iesu Keriso.**

"O Loo Soifua o Ia! Aua
sa ma vaai ia te ia, i le
lima taumatau lava o
le Atua; ma sa ma faa-
logo i le leo o molimau
mai o ia o le Toatasi na
Fanaua e le Tama"
(MFF 76:22–23).

Tala Fou o le Ekalesia

Asiasi i le news.lds.org mo se faaopoopoga o tala fou ma mea e tutupu i le Ekalesia.

Ua Valaaulia Tagata o le Ekalesia e Faasoa Atu le Talalelei e ala i le Totogi o le Lesitala mo Mekasini

Saunia e Heather Whittle Wrigley

Tala Fou ma Mea e Tutupu i le Ekalesia

I le avea ai ma supavaisa o le Pulega o Meatotino a le Ekalesia mo Taialani, e taulima ai e Kanogwan Wongwiraphab e le aunoa ia talosaga mai tagata o le Ekalesia mo mea a le Ekalesia e faaoga e pei o laei paia ma lomiga a le AAG.

Ae sa ofo o ia i se tasi aso ina ua asiasi se fafine i lona ofisa e faafou lana lesitala mo mekasini a le Ekalesia. I lena vaega o le lalolagi, e masani lava ona faafou lesitala a tagata e ala i o latou sui mo mekasini i a latou iunite. Peitai, na faamatala e lea fafine e leai se sui faapena o la latou uarota. O ia o se tagata e Lotu Puta, ma sa ia iloa e uiga i mekasini a le Ekalesia ina ua fai meaalofo atu se tagata o le Ekalesia ia te ia e ala i le lesitalaina o ia mo mekasini.

“Sa amata ona ia faamatala mai ia te au mea matagofie e uiga i mekasini a le Ekalesia ma le taua o na mekasini i lana fanau,” na tusia ai e Sister Wongwiraphab. “Ina ua foi mai lana fanau mai le aoga, ma vaai i mekasini, sa matuai fiafia lava i latou, ma sa vave ona latou faitauina uma.”

Sa viia e le fafine ia mekasini mo lo latou “aoga tele” ma le aoaoina ai o lana fanau i le vaogagana lelei ma le mama. Sa matua faagaetia

lava o ia ma o lea na ia toe faafouina ai lana lava lesitala ma faimeaalofa ai foi i e latou te faigaluega i lona totogia lea o lesitala mo i latou, ina ia mafai ai foi ona manuia ai a latou fanau.

“E oo lava foi i tagata e le auai i le ekalesia, e mafai ona lagonaina ma iloa le taua [o mekasini], ma [latou] mananao ai foi e faasoa atu i isi,” na tusia ai e Sister Wongwiraphab.

O loo fautuaina pea lava pea e taitai o le Ekalesia ia tagata o le Ekalesia

E maua foi le fesoasoani i le faafe-sootai o sui o mekasini i le lotoifale, i-meli i le help@store.lds.org, pe telefoni foi i sui o le tautua mo tagata i atunuu. O loo maua se lisi o numera o telefoni mo na sui o atunuu i le store.lds.org. Kiliki i le **Contact Us** i le **Customer Support** i le pito i lalo o le itulau, ona kiliki lea i le sootaga **by telephone** i lalo o le **Contact Us**.

e faitau i mekasini a le Ekalesia, ma faasoa atu i isi.


Na faamamafa mai e Elder L. Tom Perry o le Korama a Aposetolo e Toasefululua le aoga tele o mekasini: “O le agaga lelei o loo i totonu o nei mekasini, o le a fesoasoani e faatumulia o outou aiga i le mafanafana, alofa, ma le malosiaga o le talalelei,” na ia saunoa ai (“O Le Taua o le Aiga,” *Liahona*, Me 2003, 42).

O Elder Craig A. Cardon o le Fitugafulu o loo avea ma Faatonu Lagolago Faapitoa i le Matagaluega a le Perisitua ma Faatonu o mekasini a le Ekalesia, ma ua ia vaai foi le taua mo tagata uma taitoatasi.

“O mekasini a le Ekalesia o se vaega taua o le siufofoga ta’ita’i o le Ekalesia lea e maua ai ia fautuaga faaperofeta mai le Alii mo fanau uma o vaitausaga uma a lo tatou Tama, e uiga i mataupu e talafeauga ma le lalolagi i ona po nei,” na ia saunoa ai. “O masina taitasi, e i ai tusiga malie ma mananaia e tautalagia ai tulaga e masani ai tagata uma i le lalolagi atoa, pe o ni tagata o le Ekalesia pe leai foi. O tagata uma e sailiili ma le loto i ai i le upumoni, e matua faamanuiaina lava i aoaoga ma taitaiga musuia e maua ai.”

Afai e auina atu e tagata uma o loo lesitala i mekasini a le Ekalesia se meaalofo e lesitala ai se uo e le auai i le ekalesia, e lata i le 1.7 miliona tagata fou e lesitala o le a aumaia i se fesootaiga faaleuo i masina taitasi i le Ekalesia.

E mafai e tagata taitoatasi ona vave



E uunaia tagata o le ekalesia e faasoa atu le talalelei i uo e le lolotu ma aiga i soo se matutua, o tapuaiga, ma siosiomaga e ala i le lesitala faameaalofa mo mekasini a le Ekalesia.

ma faigofie ona lesitala i se tasi pe sili atu foi ia mekasini pe lesitala faameaalofa mo se tagata o le aiga po o se uo, e ala i le—store.lds.org—O Le *Friend*, o le *New Era*, ma le *Ensign* e na o le faa-Peretania o loo maua ai, ae o le *Liahona*, lea o loo maua ai tusiga o loo lolomi i le taimi lava e tasi i mekasini e tolu i le na o le faa-Peretania, o loo maua i le tele o isi gagana.

Ua iloa e se tasi o epikopo i le Siteki a Arisona Peoria o le faameaalofa mo le lesitalaina i se tausaga atoa o le *Friend* mo tamaiti o lana uarota, o se ala aoga lea e fesoasoani

ai e siomia ai i latou i upu a perofeta soifua ma aposetolo.

Na auina atu e Penélope B. Woodward o Texas, ISA, se lesitala faameaalofa o le *Liahona* i lona tausoga, faapea foi se uo ma se faiaoga i se isi atunuu.

“Ou te faamoemoe o le a fesoasoani i [lo’u tausoga’ e aoao ai i le taua o le osia ma le tausia o feagaiga,” na ia tusi mai ai. Sa ia toe fai mai, o le meaalofo o le lesitala mo le mekasini o se auala e “saunia ai le ala mo [la’u uo] ia i ai se aso e faalogo ai ma talia le talalelei toefuataina.”

Ina ia oka pe faia se lesitala

faameaalofa o le mekasini, alu i le store.lds.org. O loo i ai faamatalaga mo le okaina o le mekasini i le itu agavale o le itulau. O le faagasologa o le okaina i le initoneti, e taiala ai tagata i le faafouga, o lesitalaga fou, ma lesitalaga faameaalofa.

E maua le Store.lds.org i le gagana Saina, Peretania, Farani, Siamani, Italia, Iapani, Korea, Potukale, Rusia, ma le Sipaniolo. O i latou e le tautatala i gagana na, pe le maua ai foi le Initoneti, e mafai ona oka pe faameaalofa ia mekasini e ala i le faafesootai pe asiasi foi i faletusi autu o le Ekalesia, na o loo i ai i le tele o atunuu. ■

Ua Saunia i Itulau o Gagana ia Anomea a le Ekalesia i le Silia Ma Le 100 Gagana

Mo tagata o le au paia i le lalolagi atoa e le tautatala i se tasi o nei gagana masani e 10—Saina, Peretania, Farani, Siamani, Italia, Iapani, Korea, Potukale, Rusia, ma le Sipaniolo—o le mauaina o anomea a le Ekalesia i la latou lava gagana, atonu o le a faigata. Peitai, mo i latou ua silafia ia itulau a gagana i le LDS.org, o le mauaina o anomea autu a le Ekalesia, ua na o nai kiliki lava e maua ai.

I le taumatau i le pito i luga po o le pito i lalo tauagavale o le LDS.org i le itulau autu, kiliki i le **picture of the world** e maua ai sootaga i itulau uma o gagana o loo maua i le LDS.org. E oo atu i le faaiuga o le 2012, ua faamoemoe le aufaigaluega a le LDS.org ia i ai itulau a gagana e 108, e aofia ai le Hrvatski (Kalaotia), Malakasa (e faaaoga i Matakasa), ma le Twi (e faaaoga i Kana).

O le tausaga nei na faafou ai itulau a gagana taitasi i nai mea fou, e aofia ai le PDF o talafou i vaifanua i le *Liahona* i le silia ma le 40 gagana, ma se anotusi PDF faigofie o le konafesi aoao ia Aperila 2012 i le silia ma le 90 gagana. O le PDF

o le Tusi a Mamona i gagana e 99 ua faaopoopo atu i ai isi itulau o gagana e 24 i gagana ua leva ona i ai i le LDS.org.

E i ai aitema ua faaliliuina e tusa ai ma le fuafuaga lautele a le Ekalesia mo le folasia mai o anomea a le Ekalesia i gagana patino.

I lea fuafuaga mo le faaliliuga o anomea, o mea autu—mo se faataitaiga, tatalo o le faamanatuga, o Mataupu Faavae o le Faatuatua, o le tusi lesona o *Mataupu Faavae o le Talalelei*, lauga filifilia o le konafesi aoao, ma le tamaitusi o le *Molimau a le Perofeta o Iosefa Samita*, ua tuu i ai le—faamua-mua e faaliliuina ai.


O isi anomea faaopoopo e faaliliuina e pei o musika, “O Le Aiga: O Se Folafulaga i le Lalolagi,” ma Savali a le Au Peresitene Sili ma Faiaoga Asiasi, e amatalia pe a faateleina tagata o le Ekalesia e faaaogaina se gagana.

E faaliliuina anomea ma avanoa mo le faaaogaina pe a maea ona faamaonia mai e le Au Peresitene Sili ma le Korama a Aposetolo e Toasefululua. E mafai foi e Au Peresitene o Eria ona talosagaina ni anomea ia maua i se gagana patino, pe afai latou te silafia ua manaomia.

“Ua maua nei itulau i tagata uma o le au paia mo lo latou lava faaaogaina faapea foi ma le faaaogaina i Aso Sa,” o le tala lea a le pule sinia o oloa gaosi faaeletonika, o Matt Robinson. “E mafai e taitai i le lotoifale ona faaaogaina lenei punaoa mo a latou lava suesuega patino ma faapea foi ona faasino i ai tagata o le au paia e faaaoga i valaauga ma aiga.”

Na lipotia mai e Sargis Ayvazyan, fesoasoani lua i le au peresitene o le Itu a Yerevan Aremania, ua fiafia lava tagata o le au paia i Aremania e faaaoga le itulau o le gagana Aremania, e lolomi mai ai mea e fesoasoani ia i latou e faatino ai o latou valaauga. Ua latou faaaogaina foi e maua ai ma faitauina faamatalaga e uiga i le Ekalesia, ma maua ai lauga o le konafesi aoao i la latou lava gagana. ■

E tele isi mea fou e mafai ona sii mai ma lolomi o loo faaauau pea ona faaopoopo i le silia ma le 100 itulau o gagana i le LDS.org.



Sa Faamanatuina le Soifua o Peresitene Monson i se Po o Pesepesega, Musika, ma Saafiafiga

Saunia e Gerry Avant

Faatonu o Tala Fou o le Ekalesia

I se sauniga faamanatu maoae sa faamamalu ai le aso soifua lona 85 o Peresitene Thomas S. Monson, e tusa ma le 20,000 tagata sa faatumulia le Maota Autu mo Konafesi i le aso 17 o Aokuso, 2012, mo se po o musika, o faamatalaga, ma saafiafiga i se polokalama na faaautuina “O Aso Auro: O Se Faamanatuga o le Soifua.”

O le suifefiloi na aofia ai musika ma savali o nisi o ata o le Broadway e fiafia i ai Peresitene Monson, ma isi pese musuia i le faamanatuga o lona aso soifua lona 85, lea na atoa i le aso 21 o Aokuso.

Sa saotaluma i le aofia ia Peresitene Monson ma lona faletua o Frances Johnson Monson, ma lo latou aiga.

Sa faamatala e Peresitene Henry B. Eyring, Fesoasoani Muamua i le Au Peresitene Sili, lona molimauina o se saafiafiga ia Peresitene Monson i se “au-ala maotua i le toafa o Arisona” lea na tu ai Peresitene Monson e faatalofa i se ulugalii ma le la fanau laiti, ae i’u ane ua onosai e faatalofa i le anoanoai o isi na lolofi ane.

Na saunoa Peresitene Eyring na ia molimauina Peresitene Monson o “fai ma sui o le Alii e asiasi atu i tagata,” e masani lava e aofia ai tamaiti, i le salafa o le lalolagi. “E le gata ina tuu atu i

e sa ia feiloai i ai se taimi auro, ae faapena foi ia i tatou o ē sa vaai i ai o tupu,” na ia saunoa ai. “Ua le toe pei a’u o le mea sa i ai muamua, e faapena foi i tagata na i ai, aua o le lagonaina o lena alofa, ua suia ai i tatou.”

Na faamalo atu foi Peresitene Dieter F. Uchtdorf, Fesoasoani Lua i le Au Peresitene Sili, ia Peresitene Monson “i se soifuaga e tumu i aso auro. . . . Peresitene Monson, o oe o se uo ua aumaia le malamalama i le pogisa, ma o oe foi o le perofeta a le Atua mo o tatou taimi. Matou te alolofa ma lagolagoina oe. Matou te tatalo mo oe,” na ia saunoa ai.

E toatele isi taitai o le Ekalesia, taitai faaletapuaiga, ma taitai faalemalo, faapea foi uo ua tausagā, sa saafi ia Peresitene Monson e

“O Aso Auro: O Se Faamanatuga o le Soifua” na toe tepa faama-ma’i ai i tua i le soifuaga o Peresitene Monson—a o tamaitiiti, faaipoipo, tautua faamiliteli, ma le au-aunaga i le Ekalesia—e ala i musika ma pese.

ala i ni vitio sa mua’i pueina. Sa aloaia foi o ia mo le tele o tausaga sa aofia ai i le Sikauti.

Sa aofia i le polokalama taimi na toe ta’ua ai e Peresitene Monson ia upu a se tusitala ma se tuisolo Sikotilani o James Barrie, o le na tusia, “E tuuina mai e le Atua ia i tatou manatunatuga, ina ia tatou manatua ai taimi a o tatou talavou, pe a oo ina tatou matutua” (Tagai Laurence J. Peter, comp., *Peter’s Quotations: Ideas for Our Time* (1977), 335).

“O le po nei ua ou taulimaina ai se aofaiga tele o manatua,” na saunoa ai Peresitene Monson.

Sa toetoe o se pale laualuga, aua sa teuteuina le Maota Autu mo Konafesi i le fiaselau o rosa samasama, o se faatusa o aso “auro” o lona soifua. ■



ATA NA PUEINA E DEBRA GERHS

O Le Uluai Siteki na Faavaeina i Cape Verde

I le Aso Sa, 29 Aperila, 2012, na faatutagaina ai e Elder Erich W. Kopischke, a o avea ma Peresitene Eria o le-Eria a Europa, le uluai siteki i Cape Verde (o loo lauiloa foi o Cabo Verde) i le taulaga o Praia, ma e silia ma le 1,000 le Au Paia na auai.

Na tofia ma vaetofia e pulefaamalamu i le Siteki fou o Praia Cape Verde ia Rosiveltt Teixeira, peresitene, ma Adilson Monteiro o le fesoasoani muamua ma José Pires e avea ma fesoasoani lua.

O Le Toe Faapaiaina o le Falesa i Lonetona ua Avatu ai le Talalelei i le Toatele

Sa toe faafou ma toe faapaia le Falesa iloga o le Ekalesia i Hyde Park i Lonetona, Egelani, e fai ma falesamoa sauniga tapuai, ma fai foi ma nofoaga autu mo tagata asiasi atu, a o lei amataina Olimipeka o le 2012, i le aso 1 Iulai, 2012.

Na toe faapaiaina le maota e Elder Erich W. Kopischke o le Fitugafulu, a o avea o ia ma Peresitene o le Eria a Europa. "O lo'u faamoemoe, ia fiaselau afe ni tagata i le gasologa o tausaga o le a o mai i lenei fale e aoao ai e uiga i le talalelei a lesu Keriso," na ia saunoa ai.

Ua Faamanatuina e Niu Kaletonia le Faatupulaia o le Ekalesia

I le aso 27 o Me, 2012, na faatutagaina ai e Elder James J. Hamula o le Fitugafulu, Peresitene o le Eria a le Pasefika, le uluai siteki i Niu Kaletonia, a o maimoaina e le 800 tagata o le Ekalesia.

"O le a faamanuiaina le Au Paia o Aso e Gata Ai ma Niu Kaletonia atoa, a o aoaoina atu le talalelei a lesu Keriso ma talia e le tele o tagata," na saunoa ai Elder Hamula.

O le siteki fou, Siteki a Noumea Niu Kaletonia, e aofia ai tagata lotu e 2,000 ma faletapu ai e valu.

ATA NA PUENIA E ELDER JOSÉ A. TEIXEIRA



O sui auai o le au peresitene o le Siteki a Praia Cape Verde o (tauagavale i le taumatau): Adilson Monteiro, fesoasoani muamua; Rosiveltt Teixeira, peresitene; ma José Pires, fesoasoani lua.

"O la tatou misiona aupito taua o le folafola atu lea o le talalelei ma ona mataupu faavae uma i tagata o Niu Kaletonia, lea o le a aumaia ai le fiafia mo i latou, mo o latou aiga, ma o latou siosiomaga e faigaluega ai ma nuu," na saunoa ai ia

Georgie Guidi, lea na valaauina e avea ma peresitene muamua o le siteki. Na valaauina Marc Mocellin ma Thierry Gorodey e avea ma ona fesoasoani.

O Le Uluai Faletapu ai o le AAG i Itiopia

Ua vaai nei tagata o le ekalesia i Itiopia i o latou faamanuiaga e maua mai i lo latou uluai faletapu ai. E tu i le alatanu i le va o aai o Addis Ababa ma Adama, o le fale e tolu ona fogafale, ma e aofia ai se fale e paka ai taavale i le manava o le eleele.

Ae o le mea e sili ona taua nai lo le itu i la le tino, o le avea lea o se faatusa o le faatutua i tagata o le paranesi, sa lolotu i fale o aiga e le mamao mai le fale fou.

Fai mai peresitene o le Paranesi a Debre Zeit o Efremer Mekonen, "O taimi uma lava ou te pasia ai le fale fou, e faamanatu mai ai lava ia te au a tatou feagaiga. E faapei ona siitia e le Taitaiua o Morona le tagavai o le saolotoga, ua faapena foi ona faamalosi a'u."

Faafouga

Ua fofogaina mai e le Au Peresitene Sili se suiga i le Au Peresitene o le Eria a Amerika Tutotonu, a ua toe tofi Elder Robert C. Gay i le laumua o le Ekalesia ae valaau e suitulaga ia te ia Elder Kevin R. Duncan e fai ma Fesoasoani Lua. O lenei suiga ua suia ai tofitofiga o loo i ai i le siata o tofiga i le Eria lea na lolomi i le *Ensign* ma le *Liahona* o Aokuso.

Liahona Ua Aofia ai Tali

O au o se tagata na fanau i le Ekalesia. O nisi taimi ou te le faatauina ai le tele o faamanuiaga o le talalelei i lo'u olaga. Ae ina ua ou mafaufau i nei mea, ua ou iloa ai e le mafai ona lava lo'u faafetai i lo'u Tama Faalelagi mo mea uma ua ou maua. O se tasi o na faamanuiaga o le mekasini musuia o le *Liahona*. E maoae lo'u mauaina o tali tonu ou te manaomia i taimi taitasi ou te faitauina ai. Faafetai atu mo nei savali.

Ludmila L., 13 tausaga, Atenitina

Ua Faatupulaia a Matou Molimau

O le *Liahona* ua suia ai lo'u olaga ma olaga o lo'u aiga. O se meaifaigaluega maoae, aua e mafai e se tasi ona aoao ma maua ai le malamalama. Faafetai atu mo le mekasini aua ua faamalolosia i matou, ma ua faatupulaia a matou molimau i le Ekalesia.

Ana Marcela Echenique Hoyos, Kolomupia

Valaau mo ni Manatu mo Afiati Faaleaiga

O loo saili e le *Liahona* ni o outou manatu ma ni aafiaga mo afiati faaleaiga. E mafai ona pupuu ni manatu—tau lava ina faamatala mai se afiati faaleaiga na manuia pe na faapefea foi ona e fetuuna'ia le tou afiati faaleaiga ia fetau lelei ma manaoga patino o lo outou aiga.

Faamolemole ia auina mai ou manatu ma aafiaga (i soo se gagana) i le liahona@ldschurch.org. Faamolemole ia aofia mai ai lou igoa atoa, tuatusi i-meli, ma le uarota po o le paranesi ma le siteki po o le itu.

O lenei lomiga o loo aofia ai tusiga ma gaoioiga e mafai ona faaoga mo afiati faaleaiga. O nisi nei o faataitaiga.



“O Agaifanua o le Malamalama ma le Molimau,” itulau e 10: Ootoo le tusiga ma valaaulia le aiga e fatufatu se meafaitino e faapupula ai le faamoemoega o le fatāmanu. Talanoaina pe o faapefea ona tuu atu e le Ekalesia i lou aiga se “fatāmanu” ia taunuu atu ai i se mea e maua atu, e fausia ai lou aiga ma isi itu o lou olaga.

“O Perofeta i le Taimi o le Kerisimasi,” itulau e 20: A uma ona faitauina ni tala mai soifuaga o perofeta, mafaufau e faasoa atu nisi o aafiaga na e maua i lou olaga po o olaga o isi na ootia ai ona o se aafiaga patino i se Kerisimasi ua mavae. Atonu e te manao e talanoaina auala e mulimuli ai i faataitaiga a o tatou perofeta i lenei vaitau.

“O Le Saogalemu ma le Filemu o le Tausia o Poloaga,” itulau e 32: E mafai e i latou e i ai fanau laiti ona fai i ai latou te tusia ni ata o tagata o loo faia mea tonu i se auala e tau atu ai i se malumalu.

E mafai e isi aiga ona fuafua e faitauina le tala atoa, ma talanoaina, ae faamamafa atu “o le ala i le fiafia e amata i le . . . ususitai i poloaga.”

“Auala e Avatu ai Meaalofa ia Keriso,” itulau e 48: Faitau faatasi le tala mai ia Peresitene Henry B. Eyring. Atonu e mafai e lau fanau ona tusi i lalo mea latou te mananao e avatu i le Faaola mo le Kerisimasi, ma afifi a latou tautinoga e pei o se meaalofa o le Kerisimasi. Mafaufau e talanoaina ia tagata latou te iloa e mafai ona faaoga le fesoasoani faaletino pe faaleagaga po o mea uma foi e lua.

“O Le Taliina O Se Tatalo o le Kerisimasi,” itulau e 68: Faitau faatasi ma lou aiga le tala ia Peggy Schonken. Atonu e te manao e faamatala taimi na e mauaina ai tali i au tatalo ma faamalosi i lau fanau laiti e faia foi faapena. Mafaufau e tusi faamaumau tali uma i tatalo e maua e lou aiga i le vaitau o le Kerisimasi.

Molimau e leai ni Upu

O la'u tama tama o Derek e faaletonu lana tautala, o lona uiga e faigata ona tautala. E fiafia Derek i afiati faaleaiga, ma e tele ni masina e sauniuni ai lesonea e faasoa i le aiga.

O se tasi o lesonea na te manatua pea o le “Miti a Liae.” Na ia tautauina maea i vaega uma o le fale i totonu ma fafo. Sa amata le matou lesonea i le faalogologo i se CD o viiga “Ou Te Talitonu ia Iesu” ma matamata i se ata o le miti a Liae sa faatu i luga o le laulau. Ona auauai lea ona aveina i matou e Derek, faasolosolo i le maea.

A o matou savavali, sa i ai ata o Keriso i le tasi itu ma ni mea sa faatosina ai (e pei o le leitiu, TV, ma taaloga) i le isi itu. Sa matou iloa ua matou taunuu i le faaiuga ina ua matou faalogoina le musika —o le pese e fiafia lava i ai Derek, “Ua Ou Iloa Lo'u Faaola.”

Ina ua taunuu tagata uma, sa ki e Derek le DVD *The Testaments [O Molimau]* ma faamatamata ai i matou i le faaiuga, i le taimi lea na afio ai Iesu Keriso i tagata o Amerika. Sa matua malosi le Agaga a o tuuina mai e la'u tama lana molimau i le Faaola e aunoa ma le faaagaina o ni upu.

Wendy Thompson, ISA

**Saunia e Elder
Quentin L. Cook**

O Le Korama a
Aposetolo e
Toasefululua



AVEOLELA, VA I FAFO, MA LE FIAFIA O LE TALALELEI

Onai tausaga ua mavae, a o avea i ma'ua ma Elder M. Russell Ballard ma Pulega Aoao faufautua i le Matagaluega o le Va i Fafo a le Ekalesia, sa ma iloina ai e masani ona faafesootai e ala o faasalalauga ia tagata e le o ni tagata o le Ekalesia e fesili i ai e uiga i le Ekalesia. O le manaomia ai o se suiga, sa amata ona ma asiasi atu ma Elder Ballard, i lalo o le faatonuga a le Au Peresitene Sili, e asiasi atu i au pule faatonutonu o nusi-pepa iloga, faasoa atu le savali e faapea, i le avea ai ma ni tagata o le Au Paia o Aso e Gata Ai, tatou te le faaituau i se vaega faaupufai. Tatou te le fai itu e faatatau i ni sui po o ni vaega faaupufai. Ae peitai, tatou te mananao e avea ma tagata e faamatalaina o tatou lava faatuatuga. Sa matou ta'u atu ia i latou, “matou te mananao ia outou o mai ia i matou pe afai o le a outou talanoaina o matou talitonuga.”

Sa matuai taliaina lelei mai na asiasiga, ma sa ma iloa ai sa i ai se aafiaga o le tatou talosaga. Ma o lenei ua tatou maua i ala o faasalalauga se malamalamaaga e sili atu ona lelei e uiga i le Au Paia o Aso e Gata Ai. Ua aveesea ai ni faamatalaga faafaailoga ua leva, ma ua tatou vaai i isi tagata ua latou iloa o i tatou o ni tagata lelei o e o loo taumafai e uia le olaga mai se itu aoaoina ma le atamai. Ua tatou matauina foi se manatu o fafo atu o le Ekalesia e faapea e le tutusa tagata uma o le Au Paia o Aso e Gata Ai; o o tatou tagata e matuai eseese lava le tasi mai le isi i ni auala lelei ma le tulaga ese.

Faatasi ai ma le suia o nei uiga faaalai, o se taimi matagofie lenei e avea ai ma se tagata o le Ekalesia ma mo tagata ia faaali atu ai lagona ma tali fesili mai a latou uo ma tuaoi e uiga i o tatou talitonuga. A tatou faia lena mea, e leai se mea e sili atu le taua nai lo le tatou

O le a mea a Aveolela e fai i le va i fafo? E anoanoai pe afai o fai i latou ma sui o le fiafia o le talalelei.

lagonaina o le olioli ma tatou fiafia i le talalelei a Iesu Keriso. Ua tatou iloa o le taunuuga taua lava o le, ua tatou iloa o ai Iesu Keriso, ma ua tatou maua le avanoa o le i ai o se Tama agalelei i le Lagi e faamanuia mai i tatou.

O le mea malie ua ou iloa, o o tatou au paia faamisiona e sili ona lelei, o i latou ia o e faaaoga le avanoa o le faasoa atu o le talalelei, e masani lava o tagata ia e fiafia. A o avea au ma Faatonu Sili o le Matagaluega o Faifeautalai, sa faafuasei ona matou matauina ni papatisoga i Farani. O le matou fiafia tele, sa matou mafafau ai i pogai [o le maua o papatisoga], ma sa feololo ni pogai. Peitai o le tasi o pogai autu lava o se tuafafine o le sa alu e faigaluega i le taeao o le Aso Gafua ma talanoa e uiga i Aveolela. A uma le Sapati, na te faamatalaina atu—ma le olioli tele ma le fiafia—i ana uo faigaluega e uiga i lona aafiaga i le aoaoina o fanau laiti i le aso na mavae atu. E le'i umi, ae le mafai e ana paaga ona faatali mo lona talanoa atu e uiga i Aveolela. Ma o le a le mea na faia e lena mea? O se vaega lenei o tagata sa nonofo ma atugaluga tutusa e pei foi ona tatou maua i lo tatou lalolagi ma le humanai, ae na faafuasei lava, ona i ai se tagata sa le gata ina fiafia ae sa fiafia e uiga i tamaiti—o e o faatusa o le humanai. Sa mautinoa lava le alofa o lenei tuafafine i le Faaola, ma sa faapea ona susulu atu lena alofa. Sa fia iloa atili e ana paaga i le galuega nisi mea.

Afai tatou te olioli i mea ua tatou maua, afai tatou te lagona le olioli ma faailoa atu, tatou te lagona le fiafia atili. Tatou faia le mea e finagalo le Alii tatou te faia, e avea i tatou ma tagata lelei atu, ma e ala i fegalegaleaiga, o i latou e siomia i tatou—o a tatou fanau ma uo ma tuaoi—e fiafia atili foi. O le ki lava o le fiafia. A o tatou faasoa atu le fiafia o le talalelei, ua tatou ausia le mea e finagalo le Alii ia tatou ausia. ■

Mai se faatalanoaga o le Alaata Mamona. Ina ia faafofoga i le faatalanoaga atoa i le Faaperetania, alu i le mormonchannel.org/conversations/27.

**O Le Tusi a Mamona, o se
Meaalofa mai le Tama Faalelagi**



Iosefa Samita—Talafaasolopito 1:29–35, 42–54, 59–60



Iosefa Samita



Agelu o Moronae



O le tausaga lenei, o le tele o lomiga o le *Liahona* o loo i ai se seti o faatusa o tagata o loo i mau o le Tusi a Mamona. Ina ia faatutu sa'o ma faigofie ona faaaoga, oti ese ma faakelu pe faapipii i se pepa malo, i taga pepa laiti, po o ni fasilaaui fai mea taulima. Teu ia seti taitasi i se teutusi po o se ato, faatasi ai ma le faailoga e faailoa ai po o fea e maua ai le tala faaletusipaia e o faatasi ma ia faatusa.



E faapei o moli ua teuteina ai laufanua o le malumalu i le taimi o le Kerisimasi, o le valaaulia o tagata asiasi mai e fiafia i le filemu o le olioli o loo maua ai iina, e susulu Iesu Keriso o le Malamalama o le Lalolagi, ma valaaulia ai tagata uma ia mauaina le filemu ma le olioli e ala i sauniga o le talalelei, aemaise sauniga o loo maua i Lona maota paia. O se tasi o olioli aupito sili e mafai e soo se tagata ona maua o le iloaina lea, o sauniga faamau o le malumalu, e mafai ai e se faaipoipoga ona tumau i talaatu o le oti ma e mafai ona faavavau sootaga faaleaiga. Tagai i le “O Suiga Paia,” itulau 24; “Taulai Atu i se Aiga e Faavavau,” itulau 28; ma le “O Le Malamalama o le Lalolagi,” itulau 64.



128 mm
front flap

5mm
trim
bleed

IA SAUNIUNI MO LE

Punaoa Fou e Aoao Ai mo le Autalavou

E amata ia Ianuari, o le a suia le tulaga o le aoao atu ma le aoao ina i korama a Perisitua Arona, vasega a Tamaitai Talavou, ma vasega o le Aoga Sa a le autalavou.



O Finagalo Faaalia mai ia i Latou O E Ua Faaogaina Punaoa e Aoao Ai mo le Autalavou

I le aluga o le tausaga ua mavae sa faataitaia ai e siteki i le lalolagi atoa se metotia fou faaleaoaoga i Aso Sa. Ma ua faailoa mai e i latou sa faaaogaina [lenei metotia fou] ua matua tele lava se eseesega na tulai mai ai. O a latou faamatalaga nei:

Mai le Autalavou

“O le mea e sili ona ou fiafia i ai o le aoaoga—e le gata i le na o le Aoga Sa. E te ... faaauau ai pea i le aluga o le vaiaso. E tuuina atu e lou faiaoga au meaaoga e fai ma e tatau ona e sau saunia i le Aso Sa e sosoo ai.”

“O le taimi lava e sa’o ai le ala e te agai i ai e matuai faigofie lava ona faaaofia ia tagata i nei lesona aua ua na o le vaega atoa o le korama o loo faiaoga moni lava.”

“I le faaiuga o vasega taitasi ... po o ai lava sa aoao atua le lesona ... o le a tuuina mai ia i tatou se lu’i ... O lona uiga o la tatou lu’i lena i le vaiaso atoa ina ia faaleleia atili ai.”

Mai Faiaoga ma Taitai

“Matou te talanoa i lu’i lea na tuuina atu i tamaitai i le vaiaso ua tea. Ma e masani lava o aafiaga sa latou oo i ai i lena vaiaso i le taumafai ia usiusitai ma aoao le aoaoga faavae ... e vave ona oo mai ai le Agaga nai lo se isi lava mea e mafai ona matou faia.”

“Na matou tuuina atu i alii talavou ni avanoa e faia ai lenei lava mea ma sa faamanuiaina i latou. Sa mafai ona avea i latou ma e faafoeina ni talatalanoaga faaletalalelei.”

“Ao tautatala mai [le autalavou] na faatuputupulaia a latou molimau ma sa avea lo latou malamalamaaga e uiga i lena aoaoga faavae ma se vaega o i latou.”

Fesili? Tagai i totonu o le itulau i tua o lenei faavaa faapitoa ma le [lds.org/youth/learn](https://www.lds.org/youth/learn).

128 mm
back flap

5mm
trim
bleed



Punaoa Fou e Aoao Ai mo le Autalavou

FESILI MA TALI

Aisea ua sui ai?

O lenei metotia fou faaleaoaoga o le a fesoasoani i talavou ina ia lava saunia e talatalanoa ai e uiga i le talalelei ma a latou uo saunia ai mo auaunaga faafaifeautalai ma faaleaiga i le taimi nei faapea ma le lumanai ma faalatele a latou molimau i le talalelei. O le a tupu lenei mea pe a latou galulue ma le punouai e suesue i tusitusiga paia fefaasoai o latou manatu ma talia ni valaauga e faaaoaga ai mea sa latou aoaoina i fao atu o le vasega. O le a latou aoaoina i totonu o le vasega ni aoaoga o i ai nei a perofeta soifua.

O a vasega o le a faaogaina ia lesona fou?

O korama a le Perisitua Arona vasega a Tamaitai Talavou ma vasega o le Aoga Sa mo talavou e i le vaitausaga o le ¹² e oo i le ¹⁸ o le a faaogaina ia lesona i aoaoga i Aso Sa. O le a taulai atu i masina taitasi ia korama vasega a Tamaitai Talavou ma vasega o le Aoga Sa i le aoaoina o le aoaoga faavae lava e tasi e pei o le Aiga Atua ma le fefaamalo siau o le tasi i le isi i le ola ai ma aoao atu.

O le a faapei ia lesona o le Aso Sa?

O le a taulai atu ia lesona i se autu faapitoa i masina taitasi e faatatau i fesili a le autalavou e uiga i le talalelei. O autu taitasi—e ¹² le aofai—e tofua ma ni ootootoga eseese e mafai e faiaoga ona filifili mai ai. E mafai ona faaaluina se taimi e sili atu ma le vaiaso i se ootootoga pe a manaomia. O le a aoaoina ma faataitaia e le autalavou pe faapei le aoao atu o le talalelei pe a latou faasoa atu ni aafiaga ma ni manatu e uiga i autu faalemasina o le talalelei.

O a ni mea o i ai i ootootoga e aoaoina?

O nei ootootoga e le o ta'u tonu atu ni mea po o ni auala e aoao atu ai. Nai lo lena o le a fesoasoani i faiaoga ina ia muai aoaoina i latou lava i aoaoga faavae ona tuuina atu lea o ni aafiaga faaleaoaoga mo le autalavou. E mafai e faiaoga ona fetuunai ia aafiaga faaleaoaoga e tusa ai ma mea e manaomia e tamaiti aoga. E tofua le ootootoga ma ni punaoa e faasino i ai ma ni sootaga lea o le a faafou i taimi uma e tusa ai ma aoaoga lata mai a taitai o le Ekalesia.

O fea e maua ai e se tagata ia lesona fou a le autalavou?

O loo maua ia ootootoga e aoaoina 'ma nisi e ese mai ai mo le au Perisitua Arona Tamaitai Talavou ma le Aoga Sa' i luga o le initoneti i le **[lds.org/youth/learn](https://www.lds.org/youth/learn)**. O le a maua ni kopi ua lolomiina mo i latou e le maua se Initoneti.

Pe e aafia le Mutuale i lenei aoaoga fou i Aso Sa?

Ua uunaia ia au peresitene o vasega ma korama e mafau fau i autu faalemasina ao fuafuaina ia gaoioiga a le Mutuale. E mafai ona faaaoaga ni manatu mo gaoioiga mai ootootoga e aoaoina e avea o se mea amata mo lena fuafuaga. Ina ia maimoa i ootootoga alu i le **[lds.org/youth/learn](https://www.lds.org/youth/learn)**.

O a gagana o le a maua ai ia lesona?

O le a maua ia lesona i le gagana Saina (Kenitonisia ma Meniterini)¹ Tenimaka Take Peretania Fiti Finelani Farani Siamani Hanikeri Initonisia Italia Iapani Korea Monokolia Nouei Potukale Samoa Suetena Taialani Toga ma Iurukuei. O iunite e le o faaaoaga ai ia gagana nei o le a faaauau pea ona aoao atu mai tusi lesona ia na faaogaina i le taimi ua mavae.



O Le a Oo mai ia Ianuari le–Sau Mulimuli Mai ia te Au:
Punaoa e Aoao Ai mo le Autalavou

O LE AUALA TATOU TE AOA O FAATASI AI I LE ALA A LE ALII

Autalavou

O le aoaoina i le ala a le Alii e aofia ai le sau saunia i le vasega e aoao suesue i tusitusiga paia ma upu a perofeta faamalamalama atu ia upumoni o le talalelei i isi ma faasoa atu pe o faapefea ona aafia lou olaga i le ola ai i le talalelei

Faiaoga

Ao e faaalua se naunautaiga patino i olaga o au tamaiti aoga o le a e malama lama i o latou manaoga fausia ni sootaga ma fetuunai ni faatosinaga faaleao aoga ina ia mafai ona o latou liua patino. O le a fesoasoani le mataupu aoaoina fou ina ia e malalamalama ai i aoaoga faavae ma o le a avatu ai ia te oe ni manatu e faaaui mai ai le autalavou i aoaoga. O le aoao atu i lenei auala e le o se lauga ae o se liua ua taitaiina e le Agaga

Matua

O le faaalua o se naunautaiga patino i mea o loo aoaoina e lau fanau o le a fesoasoani lea ia te oe e te fesoasoani ai ia latou tauaveina le matafaioi o lo latou lava aoaoina. O le a valaauliaina lau fanau e aoao atu i lou aiga mea o loo latou aoaoina. Ao e tuuina atu ia i latou ni avanoa e faia ai o le a faatuputupulaia a latou moli mau ma le tomali e faasoa atu ai le talalelei



Taitai Matutua a le Autalavou

O oe e nafa ma le faatinoina o lenei mataupu aoaoina i lau uarota po o le paranesi. Ao e tuuina atu ni aoaoga faamasani faifai pea ma faatuina se faataitaiga o le aoao atu i le ala a le Alii o le a faaogaina e au faiaoga lenei ituaiga o aoaoga. Taulai atu i manaoga o le autalavou ma saili ni auala e fesoasoani ai i talavou matua taitai ma faiaoga e talanoa ai i nei manaoga. O lenei mataupu aoaoina fou o le a fesoasoani i le faafaigofeina o le liua o talavou i lau uarota po o paranesi

Mo nisi faamatalaga, tagai i le *Aoao atu o le Talalelei i le Ala a le Faaola* ma le lds.org/youth/learn.

O LE EKALESIDIA A
IESU KERISO
O LE AU PAIA O ASO
E GATA AI

